

# Aka Niko Kamanyiso K'emperu, Sebo?

Jeffersonville, Indiana, USA  
Okwaikumi-na-ebiri 30, 1962

1 Yebare, munonga, Ow'eishe-emwe Neville. Musiibire gye, banywani bangye abakundwa. Naashemererwa munonga okugaruka omurundi ogundi, ekiro eki, omu saaviisi ya Mukama, Ruhanga waitu.

[Ow'eishe-emwe Neville yaagambira Ow'eishe-emwe Branham ati, "Ogu nigwo gurikukora, hanu." - Omur.] Ogu guri . . . Nigwo ogu. Oo, eego. Ekyo ni kirungi.

Naabakyerereza munonga, akasheeshe aka, okuhitsya obu ndikuhurira nshemereire kurahutsyaho munonga ekiro eki. Bagyenzi, ka kibaire kibi munonga, okwemerera, kandi nikwo kiri kibi ekiro eki. N'ahabw'ekyo, tikiratware obwire buraingwa tutakabatungiire omwanya, mwareeba, ahonaaho ekanisa yaaheza kuhwa. Ngaaha, kwonka titurikuteekateeka kumara obwire buraingwa munonga ekiro eki.

Kwonka, nyencakare ekiro, twine amatsiko kumara omwanya mukyeho. Nyencakare ekiro, bamwe omuriimwe ku mwakubaasa kwija, nyencakare ekiro, ahabw'enki, twine ekihika ky'okugira obwire burungi omuri Mukama. Nihaija kubaho abashaija barungi hanu nyencakare ekiro. Twena, nitwija kugira obwire . . .

[Murumuna w' Ow'eishe-emwe Branham, Edgar Branham, yaagira ati, "Oo, mukundwa, b'orekire! Mbaire nyine eky'okukubuuza. Nyebirwe kukugambira. Kwonka, abantu baangi hanu bagizire ngu obutoosha ogira obwira, kuheza saaviisi. Kwonka nyencakare noobaasa kutunga obwire bwona obu orikwenda, okrugua shaaha emwe kuhitsya shaaha mukaaga, ku oraakiikirize. Hati, ekyo nikyo abantu hanu banshabire kukubuuza. N'ahabw'ekyo hati okibashoboororere, ku oraabe otarikuteekateeka otyo." - Omur.]

Nituza kushembera shaaha mukaaga omu itumbi, nyencakare ekiro. Nimpamya nimuza-nimuza kukunda kugira . . . kwija ahabw'ekyo. Obu abandi boona baraabe nibateera akaari nibaamuza, nitarasha, nibanywa, n'ebindi, nitwija kwinama n'obucureezi omu maisho ga Ruhanga [Ekicweka ekirihobus aha rutambi rw'amaraka -Omur.] tushembere, reero tutandikye omwaka n'okuraganisa kwaitu, n'emitima yaitu ahari Ruhanga, omu kwehayo Ahariwe.

Kandi nihaza kubaho ababuurizi barungi hanu nyencakare ekiro, hatariho kubanganisa. Hariho bamwe barungi . . . Ow'eishe-emwe kuruga Georgia ari hanu, Ow'eishe-emwe Palmer, omubuurizi murungi munonga. Ow'eishe-emwe Junior Jackson naaza kuba ari hanu nyencakare ekiro; Ow'eishe-emwe Beeler, Ow'eishe-emwe Neville. Oo, mugyenzi, mugyenzi! N'okugumizamu n'okugumizamu, abashaija barungi ba Ruhanga abarikwija kuba hanu, Ow'eishe-emwe Wilbur Collins, n'abo b'eishe-emwe boona ababaire nibatuha obutumwa burungi. Kandi obundi abandi nibaza kuba nibajia, n'ahabw'ekyo twine ekihika ky'obwire burungi nyencakare ekiro.

2 Hati, omukazi wangye agizire ati, "Eki otakigamba," kwonka nintekwa kukigamba oku biri kwona. Munsaasire naagambire, empire, akasheeshe aka, omu mwanya gwa umpire. [Ow'eishe-emwe Branham n'abateeraine baasheka -Omur.]

Billy ashutami enyima okwo, yaagira ati, "Ngugwo yaatandika."

Naagizire nti, "Ogwo empire; naateekwa kugira empire." Mbaire nimmanyisa, umpire.

Ndi nk'oku baagambire aha Mudaaki, nimumanya. "Mutantwarira aha ki ndikugamba, kureka eki ndikumanya."

Naagizire nti, "Nintekateeka nibanyetegyereza, ahanyima y'emyaka egi yoona." Nimumanya, eki niki . . .

Egi n'emyaka makumi ashatu ndi enyima y'ekituuti eki hanu. Emyaka makumi ashatu omuri tabirinaakuru egi! Mushemereire kuba nimuumanya obwire obu, tikwo? Oo, mugyenzi! Obwegyese bwangye ni bukye buzima. Kwonka ni-nimmanyia ngu tindikubaasa kugamba, beitu nteerera Mukama orwari rw'amazima.

3 Kandi, ow'eishe-emwe, niinyikiriza akaba ari Dokita Lamsa, owa Baiburi ya Lamsa, omuri okwo kuhindura, owaagizire ati . . .

Rimwe nkaba ningamba, ntarikumanya ngu ariho. Reero yaagaruka kandi akaba naagamba ahari Urimu na Tumimu, kandi obwo akaba naagamba ahari ekyo Kyererezi. Reero yaagira ati, "Abantu aba babaire ki ebiro ebi?" Naanye naagira nti . . . Yaagira ati, "Enshonga eyaatumire abantu, abahinduzi, batabaasa kuhindura Baiburi kurungi, ni ngu abahinduzi bakagyezaho kuhindura omu rurimi rw'Oruyudaaya haza orwegamiire Orugirimaani orugumire. Kandi Yesu, omu kugamba, akaba agamba omu rw'abantu b'obutoosha, nk'oku abantu ab'obutoosha baabaire bagamba."

Kandi, nimumanya, hariho Ekyahandiikirwe omuri Luka, ekirikugira kit, "Omutwe gw'abantu ab'obutoosha Gukamuhurira gushemereirwe." Akaba agamba omu rurimi rwabu. Nyine amatsiko ngu nikwo kiri, omurundi ogundi.

4 Tushemereirwe ahabwa Mukama. Hati, Nimmanyia, nindeeba abakazi abo beemereire aho. Ni kibi munonga kureeba abashaija beemereire, kaashwa abo baishiki n'aboojo, n'abakazi, n'abandi, beemereire aha rubaju rw'ebisiika, n'abaana bato. Kwonka, titwine omwanya gw'okushutamamu ogurikumara. N'ahabw'ekyo, nitushaba

ngu, ku turaagire ezindi nteerane, ahanyima ya saabiiti egi, ahanyima y'obwire obu . . .

Noomanya, ekintu ekiraakurateho, nk'oku turikumanya, n'obwo Bumanyiso Mushanju. Kandi, Mukama ku araasiime, nitwija kubutandika ahonaaho ekanisa yaahwa, yaaheza kwombekwa, nikwo tubaase kugitaahamu. Nitwija kugitaahamu ahabw'okugaruka kugimurika. Reero obundi nka saabiiti emwe nari ibiri nari obundi saabiiti ishatu, ezikurataine, z'okuteerana hati, ezi turikwenda kugiraho ahabw'obwo-obwo Bumanyiso Mushanju. N'ahabw'ekyo, twine ekihika kingi ky'okugiraho obwire burungi omuri Mukama, omu bunaku obwo. Kandi nitwija . . . Imwe mwena abarikuruga aheeru y'orurembo, nitwija kuboherereza kaada na buri kintu, tubamanyise obwire bwonyini, obundi, hatsigaireyo saabiiti emwe, nari ibiri.

Omwombeki, nk'oku nyetegyereize Billy naagamba ekiro eki, naija kuba yaamazire aha kiro kya ikumi ky'Okwakabiri. Mbwenu, ku araabe yaaherize ebiro ikumi, nitwija kutandika nk'ebiro ikumi na bitaan, obwo. N'ahabw'ekyo, ahonaaho ku baraamare, nitwija kutandikiraho ahari ekyo.

5 Ow'eishe-emwekazi omukaikuru Kidd anteereire esimu, akaire akaahingura, kandi abaire ari haihi kurira. Yaagira ati, "Ow'eishe-emwe Branham, tugsyerizeho n'amaani kwatsya eggy motoka ekuzire, kwonka yaayanga kwaka. N'ahabw'ekyo," yaagira ati, "oshabe eyakye, reero nyije nyencakare." Yaagaruka yaagira ati, "Niinyebuuza yaaba ndikubaasa kutunga omwanya gw'okuraaramu?"

Naagira nti, "Oteeraarikirira, nituza kukutungira ekishengye, Ow'eishe-emwekazi Kidd, ahonaaho ku oraahikye aha . . .

Yaagira ati, "Oheebwe omugisha." Yaagira ati, "Noomanya, ku oraabe noooza kugira saaviisi okuhitsya shaaha mukaaga," ati, "Tindikwenda kushohora aheeru shaaha mukaaga."

Noomanya, we n' Ow'eishe-emwe Kidd baine nk'emyaka makumi munaana n'eitaano y'obukuru, buri omwe, kandi bakiri omu buheereza. Noomanya eki bakora? Baine ekyoma ekirikukwata amaraka aha ntambi, reero nibatwara Obutumwa bwangye baruga omu irwariro rimwe baza omu rindi, baruga aha nju baza aha ndijo, nibataho ezo ntambi z'amaraka. Hati, okwo ku kurabe kutari, okutabirugaho! Okwo tikurikuhuumura aha murimo. Okwo n'okuramatira aha Kwikiriza, okuhitsya aha muheru, kufa na Rurara eri omu ngaro. Ogwo nigwo muringo gw'okugyenderamu. Okwo nikwo ndikwenda kukora. Ahaa.

6 Reero, yaagira ati, "Noomanya, ku ndaashohore aheeru, omu muhanda rugyendwa, shaaha mukaaga," yaagira ati, "kandi ahanyima ya shaaha mukaaga omu kiro, ningyezaho kutaaha omuka, n'eggy mizimu yoona esinzire," yaagira ati, "neevuga," ati, "neiruka neetoora oku n'oku, erikunywa." Yaagira ati, "Badaimoni abo nibairuka nibatoora oku n'oku," yaagira ati, "nkaagira obwoba bwingi."

Ow'eishe-emwe Pat, buzima we nikwo ari. Ni bangahi abarikumanya Ow'eishe-emwekazi Kidd? [Abateeraine baagira bat, "Amiina." -Omur.] Ashutama hanu, ogwo, orikureebeka nk'orikwera mukye.

Kandi, obwo, kiteekateekyeho, emyaka mingi ntakazairwe (kandi ndi omushaija mukuru), akaba ari eruguru okwo omuri eggy mishozi, we n' Ow'eishe-emwe Kidd. Akaba ayozya, eizooba ryona, aha kibaho ky'okwogyezaho, kutunga sente ikumi na itaano nari makumi abiri ahabw'okwozya, kugira ngu agire ei yaamwohereza, ekiro ekyo, kubuurira. Omuri ebyo binombe by'amakara agarikutimbwa omu itaka eruguru okwo omuri Kentucky, ei wa . . . omuntu akaba naateekwa kukurinda n'embundu, kutemba akashozi, kuhika ahu waabaire noozza kubuurira. Oo, mugyenzi! N'ahabw'ekyo, nikituma naateekateeka nti:

Nshemereire kutwarwa omuka omu Iguru, ndi aha kitanda kirungi ky'okujarama,

Kunu abandi baarwaine kutunga ekihembo kandi bakaraba omu nyanja z'eshagama?

Ninteeekwa kurwana ku ndaabe niinyenda kutegyeka; nyongyera obumanzi, Mukama!

Ekyo nikyo, kandi niinyenda obuhwezi Bwe, bw'Ekgambo Kye. Ekyo nikyo ndikwenda ekiro eki.

7 Hati, ningira ngu ebyoma by'okukwata amaraka nibigawkwata hati.

[Ow'eishe-emwe yaagira ati, "Oteebwa eky'okumurika abaana." -Omur.] Oo, eego. Na . . . Munsaasire.

Ow'eishe-emwekazi mukye yaaba aine omwana hanu, akasheeshe aka, ou yaaba naayenda kumurika. Kandi mugambire ngu buzima nituza kukikora ekiro eki, kandi hati. Kandi, nyencakare ekiro, nituza kugiraho okumurika abaana, zaasaaviisi z'okutamba, buri kintu eki turikubaasa kukora. Twine obwire oburikumara. N'ahabw'ekyo, ogwo w'eishe-emwekazi mukye ku araabe ari hanu, kandi aine omwana we muto.

Kandi mbaire ndi ow'okubugana abantu bamwe abarikuruga hare munonga, kandi babaire bari hanu akasheeshe aka ahabw'okwehanuuza kw'omu mubonano, kandi n'ahabw'ebindi. Kandi babaire bari ab'okubuganira omwo akasheeshe aka, kandi Billy atumire baarinda okuhitsya ekiro eki. Kwonka tabareebire ahantu hoona, mwareeba, ekiro eki. Ku oraabe ori hanu, ow'eishe-emwekazi, naamara omwanya muraingwa enyima okwo, ntegyereize, n'okureeba ku araabe naabaasa kubona omukazi ogwo. Babaire bari babiri, ninteeekateeka, ababaire baizire kwehanuuza omu mubonano kuruga okwo hare aheeru y'eihanga. N'ahabw'ekyo, ni-nitwesiga, ku ndaabe

ntabareebire, niinyija kubareeba ahonaaho nk'oku ndikubaasa, obundi nyencakare ekiro, naaba nintaahamu.

8 Hati, ngire ngu, ogu niwe ogwo mukazi, orikwija, aine omwereere ojwaire eshweta ya bururu?

“Eshweta”? Meda, Na-na-naaba ntarikumanyisa ekyo, mukundwa, eki kiri kyona. Nikashushana n'akajwaro kakye aka . . . Eshweta, ni bangahi abarikumanya e-eshweta? Ahabw'enki, buzima. Ni gyaketi ndaingwa ekuzire, ahariinye. N'ahabw'ekyo-ahabw'ekyo . . .

Ahabw'enki, n'omwana muto wa Dallas. Mugyenzi, ekyo ni kirungi. Ow'eishe-emwe, noobaasa kwija hanu. Munsaasire. [Ow'eishe-emwe Branham yaaruga aha muzindaaro yaaza aha rundi rubaju rw'ekituuti -Omur.]

Mpaho, mbwenu, ninkunda akeeko ako aho, aku ojwaire. Eiziina rye n'oha? [Ishe yaagira ati, “Rebekah Lynn.” -Omur.] Rebekah Lynn, L-y-n-n. Kandi eiziina ryawe ry'obuzaarwa ni ri-riihha hati? Stayton. Rebekah Lynn Stayton. Nikwo? Nimbaasa kumukwata? [“Buzima.”] Nimmanya ngu ekyo kiri nk'ekigumire, kuhayo ori nk'ogwo. Taboneire? Rebekah Lynn Stayton.

Eka egi erabire omuri bingi. Ogu mukazi mukye, muto hanu, na iba, bombi niho baherize kujunwa n'okureetwa omu kumanya Mukama. Kandi hati, omu kuteerana kwabo, Ruhanga abahaire ogu Rebekah muto, murungi, mbwenu nibamureetera Mukama.

9 Hati, abantu baangi, beeta okutagira bugarukiro . . . okubatiza abeereere, omu kanisa y'Abametsodisiti n'agandi maangi, babashukaho amaizi obu baba bakiri abeereere. Hati, ekyo tikiine nshonga, omu kureeba kwangye. Kwonka nitugyezaho obutoosha kuguma n'eki Baiburi egamba kukora. Kandi omuri Baiburi, tihakabamuga (ngaaha) ekintu nk'okubatiza omwereere; tikikbahoga omu byafaayo byona, okuhitsya aha kanisa eyaabandize y'Abakatoriki, oku turikubimanya, eyaabaireho kare aha Rukiiko rwa Niika.

[Omwereere yaarira ati, “Aa!” -Omur.] N'ahabw'ekyo ogwo n'omuringo gw'okugamba ngu, “Amiina.” Ekyo, waareeba, nooteekwa . . . Waareeba, nooteekwa kugira enshoboorora.

N'ahabw'ekyo, kwonka, omuri Baiburi, bakareetera Yesu abaana bato, ngu Abahe omugisha. Reero yaabataho engaro Ze yaabaha omugisha. Kandi, ekyo, nitukigumizamu nakyo.

10 Hati ka twinikye emitwe yaitu.

Tataitwe ow'omu Iguru, omukazi muto ogu n'omushaija muto bajia eki baine omurungi ogu Rebekah muto ou bahairwe, kumureeberera, n'okumukuriza omu kutiina Ruhanga. Mbwenu baamureeta ekiro eki kumumurika ahari Mukama. Kandi obu nyina amumpaire kuruga omu mikono ye okuza omu yangye, mbwenu nimwiha omu mikono yangye Nimukuha, Rebekah muto ogu. Ai Ruhanga, ba nawe kandi omuhe omugisha. Ha omugisha ishe na nyina. Reka boona batuure amagara g'obuhangaazi, bari abeesigwa, kandi, kyaba nikibaasika, bareebe Okwija kwa Mukama Yesu. Ninshaba ngu omwana ogu akurire omu kumanya Mukama. Kandi nkaabaasibwaki, ku haraabe hariho nyecakare, ninshaba ngu abe kareebi Waawe mukuru. Kikore, Mukama. Hati, kuri Ori hanu omu nsi, abakazi aba n'abashaija bakaareetsire abaana baabo Ahariwe. Kwonka itwe, abaheereza b'Engiri, turi abajwekyerwa Baawe. N'ahabw'ekyo, Nitukuha omwereere ogu, ahabw'amagara g'obuheereza omu Bukama Bwawe, omu Iziina ry'Omwana Waawe, Mukama Yesu Kristo. Amiina.

Akuhe omugisha, Rebekah muto! Ka n'akeereere karungi! Ruhanga abahe omugisha mwembi, n'omwereere, abahe okuhangaara, n'okushemererwa, omu kuheereza Ruhanga.

11 Tindikumanya yaaba nyine amaani agarikugasha, nari ntagainne. Ogu n'omwojo buzima. Eiziina rye n'oha? [Nyina yaagira ati, “Stanley Victor Cleveland.” -Omur.] “Stanley . . .” [“Stanley.”] Stanley Victor . . . [“Cleveland.”] Clayland? Clay- . . . [“Cleveland.”] Cleveland. Stanley muto, ka n'eiziina rigufu rirungi, kandi ka n'omwojo muto murungi! Mbwenu, ninteebereza, nk'e, . . . Yemerera aho, Stan. T'omwojo murungi? Oo, nimumanya. Eki titukikora. Tukora eki kwonka, nimumanya, kandi tihariho oburyo by'okukikoramu omu butongore. Ekyo kihikire. Buzima n'omwana muto murungi. Naayebwa eiziina ry'obuzaarwa. Tindikuteekateeka ngu nindyatura kurungi. [“Cleveland.”] Cleveland. Kare.

12 Ka twinikye emitwe yaitu hati.

Tataitwe ow'omu Iguru, ogu mushaija n'omukazi nibareeta omwereere ogu, Stanley Cleveland muto, kumumurikira Mukama Yesu. Mbwenu nyowe, hamwe n'omuriisa w'ekanisa, hanu, nitwemerera hamwe omu bumwe omu mirimo ya Mukama, Nitukuha omwana ogu ahabw'amagara g'okuheereza. Omuhaire nyina na ishe; mbwenu hati baamumpa, omu mikono yangye; kandi nimwiha omu mikono yangye muta omu Yaawe. Ai Ruhanga, ha omugisha ishe na nyina. Ha omugisha omwojo muto ogu, kandi ninshaba ngu boona batuure amagara g'obuhangaazi n'okushemererwa omu Kukuheereza. Ninshaba ngu omwana akuzibwe omu kutiina Ruhanga, Kumuheereza, n'Okumutiina, n'Okumukunda, ebiro byona by'amagara ge. Hati, bareetsire abaana Ahariwe, ngu Obahe omugisha; kandi itwe, n'emikono yaitu tugiteire aha mwana ogu, muhe omugisha omu Iziina rya Mukama. Nkaabaasibwaki atuura amagara marungi g'obuhangaazi n'okushemererwa n'amaani, omu Kukuheereza. Omu Iziina rya Yesu. Amiina.

Ruhanga akuhe omugisha, Stanley muto. Mwine omwojo murungi aho.

13 Hati naaza kubashaba obuyambi, bw'abaana n'eminyeeto. Kandi nimmanya ngu kigumire. Timurikubaasa kwemerera obwire buraingwa munonga, ahabw'okuba amaguru gaanyu nigashanyarara. Kwonka ningyezaho kukora ekintu eki eki ntakakorahoga. Kandi hariho ekintu eki naaza kugambaho, eki ntakateekateekahoga kugamba aha kintu nk'ekyo.

Egyo niyo nshonga, akasheeshe aka, ntenzire kutaho obwire obwo Obutumwa butakabaireho, kandi tinaamazire kugamba ahari Kamara mpaka yangye na kakye, kandi tinkaateekateeka ngu ndyamara. Ka nyelisige ngu tindimara. Ni murungi munonga!

Kwonka, eki eki, naaza kugamba aha kintu eki ntarikumanya. Kandi hati, ekyo n'ekintu ekirikutangaaza, omuheereza kugira ngu yaaza kugamba aha kintu eki atarikumanya. Kwonka ningyezaho, nk'oku ndikumanya, nabwo, kugira ngu egi kanisa ebaase kwetegyereza. Kandi tindikubaasa, na kakye, kubashereka ekintu kyona, eky'omugasho.

14 Reero, orutambi rw'amaraka oru, ninteeekateeka ngu aboojo nibawkata obutumwa aha rutambi rw'amaraka. Kandi ku kiraabeho okatunga orutambi rw'amaraka oru, weena oraahurikirize orutambi rw'amaraka oru, oijukye, ku haraabeho ekintu ekyakubuzabuza, otakigamba shana kyaba kiri aha rutambi rw'amaraka. Otagira eki waagamba ekirikuhanisa ekiri aha rutambi rw'amaraka.

Baingi munonga bampandiikira, aha Ruzaaro rw'Enjoka, nibagira ngu nkagamba nti-na-nti. Ngyenda nkwata orwo rutambi rw'amaraka, nduhurikiza rwona. Nshanga ntarakigambire omuringo ogwo. Waareeba, abantu nibeetegyereza kubi ebintu.

Noomanya, Yesu, rimwe ahanyima y'okuzooka Kwe, akaba naagyendagyenda aha nkungu, hamwe n'entumwa, na Yohaana akaba Amwegamiire omu kifuba. Baabuuza bati, "Omuntu ogu aryaba ata?"

Yesu yaabagarukamu ati, "Nimufa ki ku araagumeho okuhitsya ahu Ndiizira?"

"Ekigambo ekyo kyabuga hoona, ngu, 'Yohaana aryagumaho okuhitsya obu Yesu aryaija.'"

Kandi Ekyahandiikirwe nikigira kiti, "Kwonka, Tarakigambire atyo." Waareeba, Ekyo Ta-Tarakigambire. Akagira ati, "Noofa ki ku araagumeho okuhitsya ahu ndiizira?" Taragambire ngu aryagumaho. Beitu, nooreeba, kyanguhi munonga, okwetegyereza kubi.

15 Kandi, hati, ti-tikiri ngu hariho ou ndikucwera omushango ahabw'okukikora. Ahabw'okuba, naanye nyenka, nkikora. Kandi n'abantu boona bakikora; entumwa, ezaatambwire na Mukama waitu, ku ziraabe Zaamwetegyereize kubi. Kandi Tibaramwetegyereize kurungi na kakye.

Aha muheru, bakagira bati, "Mbweni, hati twayetegyereza. Hati nitwikiriza. Kandi nituhamya ngu tihariho omuntu oshemereire Kukugambira ekintu kyona, ahakuba Omanya byona."

Reero Yesu yaabagarukamu ati, "Hati nimwikiriza?" Mwareeba? "Ahanyima y'obwire obwo bwona, nimu-... Aha muheru mwakyetegyereza, mwareeba, nikwo mwaikiriza?"

Kandi obwo n'obuntu. Kandi twena turi abantu, n'ahabw'ekyo nitwija kwetegyereza kubi.

Kwonka ku kiraabe nk'ekyakubuzabuza kakye, garuka ohurikize orutambi rw'amaraka. Reero ohurikize otaireho omutima. Nimpamyu ngu Omwoyo Orikwna naija kukikushuururira.

16 Kandi, abaana bato, kuri nimureka za "amiina" zaanyu, abaana. Murindeho kakye, ahabw'okuba, ni-niinyenda ngu eki buzima kyetegyerezibwe, 'habw'okuba baingi tibarikwija kutunga orutambi rw'amaraka oru. N'ahabw'ekyo, niinyenda ngu buzima mukyetegyereze. Kandi ka tukitaahemu, kumara, ka ngambe edakiika makumi ashatu na itaano, nari makumi ana, haza n'obucureezi bwingi nk'oku turikubaasa.

Ahabw'okuba, obu n'obwire bukuru ahariinye. Hariho ekintu ekibaireho, kandi tindikumanya eky'okukora. Mwareeba? Kandi nyemereire nshobeirwe munonga okukira oku ndashobeirwe, omu biro by'obuheereza bwangye, nk'oku ndikumanya.

N'ahabw'ekyo, ka twinikye emitwe yaitu hati, tutakataahire omu Kigambo.

17 Tataitwe ow'omu Iguru, obwire obwo, enshumi nkye ehangwire, nkabuurira aha ishomo eririkwetwa Okuteebereza. Kandi okuteebereza "n'Okwehanga aha kintu otaine rusa." Obundi shana, eki eki, Mukama, ncwiredmu nyowe nyenka kushoboororera abantu ekintu, ntakiineho okworekwa. N'ahabw'ekyo, Mukama, onzibire, ahashemereire kuzibirwa; igara akanwa kangye, Mukama. Okaigara akanwa k'entare, ziri na Danieli omu kiina, ngu zitamukora kubi. Mukama, ninshaba, ngu, ku ndaagyezeho kushoboorora ekintu kubi, Okiine amaani g'okwigara akanwa. Kwonka ku garaabe gari Amazima, obwo, Mukama, Gahe omugisha, Ogajanjaaze. Kandi Noomanya embeera n'ekyo ekiri haihi kubaho. Kandi ekyo nikyo kyatuma naija, nangwa n'aha kaanya aka konyini k'aha muheru, aha kituuti, kugyezaho kushoboorora ebintu ebi. Mbweni ninshaba ngu Otuhwere.

18 Ha omugisha egi kanisa nkye. Ekibiina eki ekija hanu ahansi y'orushuuru, abashuhuuki hamwe naitwe hanu omu rurembo, abarugire omu mahanga maingi. Oo, obwire obu ebicuucu by'omwebazyo birikushuumma,

tushemereirwe munonga kugira omwanya gw'okwijamu. Obu ensi ejagaraire munonga kandi tibarikumaya ahu beemereire, tushemereirwe, ngu, "Eiziina rya Mukama n'omunaara gugumire, abahikiriire ku baguhungiramu baguma bari buhooro." Ti Bigambo bingi munonga, kureka n'okushuururirwa!

N'ahabw'ekyo, nitushaba, Taata, obu Omushana gw'omwabazyo gurikwija, eizooba nirirengarenga. Kandi nitwikiriza ngu obwo nibwo bwire obu tutwiremu, omu kurengarenga kw'eizooba. Kandi Nitukusiima munonga munonga, Mukama, twihire aha mutima, ahabw'ebintu ebi Otukoreire. Kandi, Mukama, omu busingye bwona, Ninkusima ahabw'okutuha okworekwa oku Ohaire, buri kumwe ahari kwo kuhikiire kimwe, kandi na buri kushoboorora kwona kw'ekirooto nikwo kubaire buzima. N'ahabw'ekyo, nitumanya ngu Niwe wenka, Mukama; ahakuba turi abantu abafa, twena tukazaarirwa omu kibi, kandi omuriitwe tiharimu karungi koona. Kwonka, kuteekateeka ngu Noobaasa kukwata ekintu nk'ekyo, nk'omuntu, kandi okaboozya n'amaizi g'Ewigambo n'Eshagama ya Kristo; kandi okagorora ogwo mukono omu muringo ogwo, okuhitsya obu omuntu atarukozesa okuteekateeka kwe wenka, okwhaho okureka Ekiteekateeko kya Kristo, Omania byona, Kumwikiriza akataahamu akagamba kandi akakozesa tabirinaakuru. Yebare, Taata.

19 Hati nitusingiza Eiziina Ryawe Erirkwera. Kandi nituha omugisha eki kibiina kikye, ekiro eki, omu Iziina Ryawe. Nituha omugisha omuriisa, Ow'eshe-emwe Neville, omuheereza wa Ruhanga emanzi. Nituha omugisha abadiikoni, ababiiki, na buri rugingo rw'Omubiri gwa Kristo, hanu n'omu nsi yoona, omu Iziina rya Mukama Yesu.

Oo, twaba nitureeba ekicuucu eki ekirikwiragura, ky'omwirima, ekirikutiinisa nikigwa omu Bukristaayo, nitumanya ngu obwire buhikire. Nihaija kubaho Okutwarwa, kandi Ekanisa neija kutwarwa. Mukama, ka tugumizemu, amaisho tugahangire Omutandiki kandi Omuhikiriza, Kristo. Kitukorere, Mukama. Kandi twaba nitugyenda omu maisho hati, omu Iziina rya Mukama Yesu, okukora ebintu ebi ebiteirwe omu mitima yaitu, nitushaba ngu Obe naitwe kandi otuhwere. Kandi oyetungiremu ekitiinisa, Mukama, ahakuba nitwehayo Ahariiwe, n'Ewigambo Kyawe, omu Iziina rya Yesu Kristo. Amiina.

20 Hati, ku muraabe mwine ekaraamu n'empapura, nkaayenzire ngu mugire bimwe ebi mwahandiika, nka . . . nari ekintu kyona eki murikwenda kuhandiika. Mweteekatekye nabyo. Reero, abahurikiize orutambi rw'amaraka, naimwe, ku muraabe nimwenda kuhandiika Ebyahandiikirwe, obwire bwona, ahabw'okuba niinyikiriza ngu Ebyahandiikirwe nibyo bikuru.

Hati nitwenda kushoma ekicweka ekiro eki, nari kushoma Ekyahandiikirwe, okuruga omu Kitabo ky'Okushuururwa kwa Yesu Kristo. Kandi niinyikiriza ngu oku n'Okushuururwa kwa Yesu Kristo, nk'oku kuhandiikirwe omu Kitabo. Kandi okushuururwa okundi kwona okuruhakanisa Okushuururwa oku, nikuba kugwire. Niinyikiriza ekyo noobaasa kukjuriza . . . nookukjuriza-ogaruka okjuriza. Okushuururirwa okundi kwona okutarikwikirizana n'Okushuururwa oku, kandi kukareeta Okushuururwa oku omu mushana, n'okushuururirwa kugwire. Nikuteekwa kuba okw'Ebyahandiikirwe.

21 Hati, omu shuura ya 10 y'Ekitabo ky'Okushuururwa kwa Yesu Kristo, niinyenda kushoma emishororongo mikye y'okubanza, emishororongo mushanju y'okubanza, 1 kuhitsya aha gwa 7. Kandi muhurikize muteireho omutima hati, kandi munshabire.

Kandi nkareeba ondijo ow'amaani-maraika ondijo ow'amaani naashuma naaruga omu iguru, ayefubikire ekicu, n'omuhanganzima guri ahaiguru y'omutwe gwe; ah'amaisho ge . . . nihaaka nk'eizooba, n'amaguru ge nk'enomyo z'omuriro:

Akaba aine omuzingo gw'akatabo kashuurwirwe omu ngaro ze. Yaata ekigyere kye kya buryo aha nyanja n'ekya bumosho aha nsi;

Yaagamba n'eiraka rihango nk'oku entare etsinda; kandi ku yaagambire, ebirikuhinda mushanju byagamba.

Ku byaherize kugamba, naayenda kuhandiika; kwonka naahurira eiraka niriruga omu iguru, nirigira riti: Koma n'akamanyiso ebyo bigambo ebyagambwa ebirikuhinda mushanju; otabihandiika.

Maraika ogwo, ou naareebire ayemereire aha nyanja n'aha nsi; yaimutsya ahaiguru omukono gwe gwa buryo,

Yaarahira Ogwo obaho ebiro byona, owaahangire eiguru n'ensi n'enyanja . . . n'ebirimu byona, ku hataribaho kutuuraho bundi;

Kwonka omu biro ebi maraika owa mushanju ariteereramu enzamba ye, enaama ya Ruhanga eryahikiiriziba, nk'ebigambo ebirungi oku biri ebi yaagambiire abaheereza be baanabi.

Omutwe gw'eishomo ryangye, ku naakuryeta batyo, ekiro eki, n'ogu: Aka Niko Kamanyiso K'Emperu, Sebo?

22 Twena nitumanya ngu tutwire omu bwi-bwire burungi munonga bw'Ekanisa, kwonka obwire oburikutiinisa ahari ogwo otarikwikiriza. Kandi tutwire omu bwire oburukirirayo kimwe kuba bubi omuri bwona, bwona oburabaireho, okuruga aha kuhangwa kw'ensi. Tihariho nabi, tihariho ntumwa, n'obu yaakuba omwe, omu bwire bwona, oratwire omu bwire nk'obu tutwiremu hati. Egi ni muheru.

Kihandiikirwe omu kaabunga. Kihandiikirwe hoona omu nsi. Kihandiikirwe omuri buri rupapura

rw'amahuriire. Egi ni muheru, ku oraabe noobaasa kushoma ebihandiikirwe. Baanabi bakabaho omu bwire obu ebihandiiko ebihandiikirwe engaro byabaire biri aha kisiika ahabw'ehanga, kwonka itwe tutwire omu bwire obu ebihandiiko biri aha kisiika ahabw'obwire. Amahanga goona, ensi, buri kintu, obwire buhikire aha muheru. N'ahabw'ekyo, nituteekwa kusherura omu Byahandiikirwe, kumanya obwire obu tutwiremu.

23 Obutoosha, nabi wa Ruhanga w'amazima aza omu Byahandiikirwe. N'ahabw'ekyo naahamiza kimwe ngu nikiza kuba kityo. Omu Ndagaano Eya Ira, baanabi ku baabaire bagamba ekintu kyona, obutoosha, ahantu hamwe, hakaba haba hariho nabi oine Ekigambo, owaabaire aguma n'Ekigambo. Akaba ategyereza Ruhanga kumuha okworekwa. Kandi okworekwa kwe ku kwabaire kuhakanisa Ekigambo, obwo okworekwa kwe kukaba kuba kugwire. Ogwo nigwo muhanda gwa Ruhanga gw'okuhitsya Ekigambo Kye aha bantu Be.

Nimumpurira kurungi, enyima okwo? [Ow'eishe-emwe Branham yaayemereramu kakye -Omur.] Tindikumanya n'ah'okutandikira.

Hati, gubaire omugisha muhango ahariinye, kumanya ngu tabirinaakuru egi niyo yaabaire ekanisa yangye y'okubanza. N'ekintu ky'ekitiinisa. Kandi tindyebwa, n'obu na . . . Yesu yaakukyerererwa kandi nkatuuraho emyaka amagana n'amagana y'obukuru. Niinyijuka ekiro eki naateireho eibaare ry'obuhamizo bw'enju, aho aha nshonda; n'okworekwa oku Yampaire akasheeshe ako, kwa tabirinaakuru egi. Kandi mwena nimwijuka. Kuhandiikirwe omu bitabo. Kandi buzima kukahikiirira, kwona, tihaine akacweka na kamwe akatahikiriziibwe.

24 Kandi, hati, tindikwikiriza ngu hariho ekintu kyona eki Yaagambire, egi myaka yoona y'amagara gangye, eki naagambiire abantu, ekitakabaireho. Kandi abantu baingi baizire n'ebirooto, ebi Anyikiriize, ahabw'embabazi Ze, kushoboororera abantu. Kandi baingi baizire n'ebirooto n'emirabanamu ebi ntabaasize kushoboorora.

Kwonka bantu 'mwe tinkagyezagaho kubanjurira omu bukoryo ngu nyine eby'okugarukamu byona. Ngyerizeho kuba omwesigwa n'okubagambira Amazima, kandi mbagambira ekyo kyonka eki Arikuba angambiire. Reero nk'oku kirikuunyizira, obwo naanye mbagambira.

Kandi niinyenda kubarabura. Omu bwire obu obu tutwiremu, hariho baingi . . . Ti-ti kugamba ekintu kyona kibi aha abantu. Kwonka waareeba omuntu oine eky'okugarukamu ahari buri kintu, ekyo nikihakanisa Ekigambo.

25 Yesu akagira ati, "Hakaba hariho ababembe baingi omu biro bya Eliya, kwonka omwe niwe yaatambiirwe." Omuri egyo myaka mingi, makumi munaana nari n'okukiraho, ei Eliya yaamazire, omubembe omwe niwe yaatambiirwe. Abafakazi baingi omu biro bya Elisa, kwonka akatumwa ahari omwe wenka. Kandi nitushanga ngu hariho ebintu bingi ebi Ruhanga akora, kandi ebi Atashuuuurira abaheereza Be. Kandi tihariho omuheereza okira Mukama we.

Kandi, nabwo, Ruhanga taribagana kitinisa Kye n'omuntu weena. Ni Ruhanga. Kandi omuheereza ku ahika ahu agyezaho kuza omwanya gwa Ruhanga, obwo Ruhanga atwara amagara ge kand agira ahu yaamutwara, nari ekindi kintu. Ekyo nituteekwa kukijuka.

26 Hati, omuri okwo kworekwa n'okushoboorora, tindikubaasa kushoboorora ekirooto ntakabandize naareeba buzima, omu kworekwa, ekyo kirooto. Kandi baingi omuriimwe nimumanya ngu mundootlera ebirooto byanyu, kandi nangwa timubigamba kubimarayo. Kandi ku ndeeba ekyo kirooto kyangarukira, mpinduka nkugambira ngu hariho bingi ebi waatsigayo, reero nkugambira ebi waatsigayo. Nimumanya ngu ekyo kihikire. Ekyo ku kiraabe kihikire, mugire muti, "Amiina." Amiina. [Abateeraine baagira bati, "Amiina." -Omur.] Ebintu ebi mutangambiire. N'ahabw'ekyo, nimureeba, ku . . . Nka Nebukadeneeza oku yaagizire ati, "Ku muraabe mutandootoreire eki ndootsire, mbwenu nkaamanya nta ku murikumanya amakuru gaakyo?"

Kwonka ebiteekateeko ebi byona, titushemereire kubitwara reero tukagira tuti, "OKU NIKWO MUKAMA ARIKUGIRA." Ekyo titushemereire kukikora. Nituteekwa kuhurira eiraka ryonyini, okugarukwamu na Ruhanga, tutakagambire ngu ni Ruhanga. Kitari kiteekateeko, kutari kukyamukirira, n'obu twakuba nitukyehuriram munonga tuta.

Noobaasa kugira oti, "Niinyikiriza ngu nikibaasa kuba omu muringo ogu."

Kwonka ku oraagire oti, "OKU NIKWO MUKAMA ARIKUGIRA," ogwo tiiwe. Oreebe aha kituuti. Orakireebire nikiremwaa? OKU NIKWO MUKAMA ARIKUGIRA ehikiire kimwe, tekaremwaga na kakye. Kandi yaaba eri OKU NIKWO MUKAMA ARIKUGIRA, terikubaasa kuremwaa.

27 Kwonka, n'okuhitsya hati, Andinzire, 'habw'okuba Mutegyereza. Tingyerizeho kusherura okukundwa abantu, nari okwehimbisiza ahari busha kw'abantu. Ngyerizeho nk'oku ndikubaasa kutuura amagara g'obucureezi, kandi n'okutuura amagara agu ndikuteekateeka ngu Omukristaayo ashemereire kutuura. Kandi timbaasize kukora ekyo ahabwangye nyenka, kureka Niwe okikozire n'okuhitsya n'eriizooba. Nk'oku ndikugamba, ngu Niwe onyebembeire.

Ebintu bingi nibibaasa kugambwa omu muringo ogu, kwonka kikaatwara obwire buraingwa munonga. Kwonka mwena nimumanya ebintu ebi. Kandi enshonga yonka eyaatumwa naabagambira nti mugire ngu "amiina," akaanya kakye akaahingura, imwe abangambira ebirooto, bwanyima nkaija nkabagambira ebi mwatsigayo,

ahabw'okuba Obutumwa obu nibukwatwa aha rutambi rw'amaraka. Abantu b'amahanga goona nibaija kukihurira eki. Kandi ku barihirira ego "amiina," obwo baryamanya ngu hariho abantu aho, abari ahansi y'obuheereza obu, abarikumanya okutakora ekintu kyona ekigwire, nari kugamba ngu "amiina" aha kintu ekigwire. Amiina ni "kibe kityo." N'okukishagika.

28 Hati, amagara gangye goona, okwiha obu naabaire nkiri omwojo muto, hariho ekintu ekituura nikinteganisa. Kandi ntwire amagara agatari g'obutoosha, agagumire kwetegyereza. Nangwa n'omukazi wangye akeeyagura omutwe yaakigamba. "Bill, nintekateeka ngu tihariho omuntu weena orikubaasa kukwetegyereza."

Naanye naamugarukamu nti, "Naanye nyenka tindikwemanya." Ahabw'okuba, nkahayo, nkeehayo ahari Kristo, emyaka mingi ehangwire. Niwe orikwebembera. Tingyezaho kukyetegyereza. Ninfu kuza ahu Arikuunyebembera, nk'oku ndikumanya.

Ninsiima ahabw'omukazi murungi munonga n'abaana, kandi n'ahabw'omukazi wangye n'abaana abarikunesiga ngu tinkaabaasa kubagambira ekintu kyona ekitahikire. Ekyo, nibakiiriza. Obwire bwona ku orikubagambira ekintu kyona, nibakiramatiro. Nibamanya ngu tinkaabaasa kubagambira ekintu kyona ekitahikire.

Mbwenu, obwo nkaagambira omwe aha baana ba Ruhanga ekintu kyona ekitahikire? Tinkaakigamba nkigyendereire. Ngaaha, sebo. Ruhanga naayenda ngu abaana Be batendekwe okuhikire. Kandi obe omwesigwa aharibo, kandi ow'amazima aharibo, Nawe naija kukiha omugisha, niinyikiriza.

29 Hati, obwire bwona, omu rugyendo rwona, hariho ebintu ebyabaireho, ebi ntarabaasize kwetegyereza. Kandi kimwe aha bintu ebi ntarabaasize kwetegyereza, n'obu naabaire ndi omwojo muto kandi okwo kworekwa kukaba kunyizira. Kandi nkaba mbireeba kandi ngambira abazaire bangye ebintu ebyabaire nibiza kubaho. Bakaba bateekateeka ngu naayekanga kwonka. Kwonka, ekintu ekirikutangaaza, bikaba bibaho omu muringo ogu Kwabaire kugamba ngu nibiza kubaho.

Noobuuza oti, "Ekyo kikaba kibaho otakajunirwe?" Eego.

"Ebiconco n'okwetwa tibiine akakwate n'okweteisa," Baiburi nikwo erikugira. Okazaarwa omu nsi egi ahabw'ekigendererwa nanka. Kandi tori . . . Okweteisa kwawe tikureeta biconco; okabiheebwa ira otakazairwe.

Hati, omu rugyendo, obu naabaire ndi omwojo muto, ekyetengo kyangye kikaba kiri . . . nkaba ntakamarwaga omu itware eri naabaire ntwiremu. Nkaba nyine ekihika, omu buryo bumwe, ky'okuza Burengyerwa-izooba.

30 Kandi bakanshemeza, obu bandasha, obu naabaire ndi omwojo muto. Kandi ku naagarukireho, naaruga omu kugwejegyezibwa n'omubazi kw'okubanza, nkateekateeka ngu nkaba ndi okuzimu, ninshuma. Ogwo mubazi gukatuma naakaba. Kandi nkakaba naamara eshaaha munaana, nintekateeka. Bakaba beeraarikiriire oku barangareho omurundi ogundi. Bakagira okushemeza kw'amaani, bataine penesiliini. Eshagama; amaguru gombi haihi gacwekireho, ahabw'okurashwa n'embundu. Omwojo muto omunywani akarasha embundu ye.

Reero nk'ameezi mushanju bwanyima, bakangwejegyeza nibakoresa omubazi ogundi murundi. Kandi ku naarugire omuri okwo kugwejegyera, nkateekateeka ngu nkaba nyemereire okwo omu bwerere bwa burengyerwa-izooba. Kandi omusharaba gw'ezabu muhango omu kaabunga, kandi n'ekitiinisa kya Ruhanga nikyaka kuruga omuri ogw'omusharaba. Naanye nyemereire aho bati.

31 Ogwo Mushana, ogu murikureeba aha kishushani ekiro eki, ogwaherize kuhamibwa ku n'Ekintu ekirengire eby'obuhangwa, omu kucondooza kwa sayansa; ahariinye, Nigwo Mushana gwonyini ogwateire Paulo Orikwera gukamugwisa ahansi. Nigwo Mushana ogwayebembeire Abaisraeli, nyekiro. Mwayetegyereza hanu, Maraika ogu? "Akaba ayefubikire Ekicu." Mwareeba, akaba ari "Ekicu nyomushana." Hati, ogwo Mushana nigwo gumwe.

Ahabw'abantu kuteetegyereza, okubanza bakateekateeka ngu kigwire, ngu nkaba ninfa kukigamba. Kwonka Omwoyo Orikwera kikabaho yaashereka ebyoma bya sayansa, n'abantu aho, ahabw'obuhame, reero Baaguteera ebishushani, emirundi mingi.

Nkagira nti, "Nindeeba omuntu oshwekirwe ekicuucu kya rufu," ekicuucu kirikwiragura ahaiguru yaabo.

32 Saabiiti nkye ezhingwire obu mbaire ndi omu rurembo. Kandi ku tuba nitubuurira, to-toshemereire kuteera ebishushani, noomanya, baaba nibabuurira. Kandi ku . . . Ekintu nikyo kimwe ekyabaireho obu ekyo kyateerwa; kwonka omuntu omwe akaba aine kamera. Reero naagambira omukazi owaabaire ashutami aho, omugyeniyi . . . Nkaba ndi omuri-omuri Southern Pines. Naagira nti, "Hariho ekicuucu ahaiguru y'ogu Mukyara Nanka-na-nanka." Omukazi ou naabaire ntakareebaga omu magara gangye. "Niho orugire ow'omushaho; kandi oine ekookoro ibiri, emwe ahari buri ibeere, kandi akuhweire amatsiko. Esanga ya rufu, erikwiragura ekuriho.

Reero Ekintu kyagambira ow'eishe-emwekaza owaabaire ashutami aho, owaabaire aine kamera y'amashanyarazi, kyagira kit, "Teera ekishushani." Kwonka akaba atarikwenda kukikora. Kwonka nabwo, "Teera ekishushani," kandi nabwo yaayanga. Reero ogundi murundi kyagaruka, atyo yaajakura ekishushani . . . kandi yaateera ekishushani. Kandi nkikyo aho, omu buryo bwa sayansa. Kiri aha rubaaho rw'amakuru; ekicuucu ky'esanga erikwiragura.

Bwanyima, ogwo mukazi ku yaikiriize kandi akashabirwa, ekindi kishushani kikateerwa, kitariho kicuucu. Naagira nti, "Ekyo kicuucu kyarugaho." Mwareeba? Omukazi ogwo ariho ahuriire, ahabw'embabazi za Ruhanga.

33 Nimureeba eki ndikumanyisa? [Abateeraine baagira bat, "Amiina," -Omur.] Ku orikugamba amazima, noobaasa kushekyererwa ahabw'akaire kakye, noobaasa kwetegyerezibwa kubi ahabw'akaire kakye. Kwonka, Ruhanga naija kugahamya, ku n'amazima, ku oraagume nago. Waareeba? Gumisiriza kwonka. Nikibaasa kutwara emyaka mingi, kwonka, nka Abrahamu n'abandi, kwonka obutoosha Naija kugahindura amazima.

Obu ogwo Maraika aho . . . Kandi nintekateeka ngu, okwihamo omukazi wangye, hanu hariho abantu ekiro eki, kuruga emyaka makumi ashatu echingwire, abaabaire beemereire haihi aho obu Yaashuumma. Hariho omuntu weena omu bateeraniire hanu hati owaabaire ariho obu Maraika wa Mukama, owaashuumire aha mugyera omurundi gw'okubanza, omu maisho g'abantu? Mwimutsye emikono yaanyu. Eego, mbabo bariho. Mwareeba? Hati, nindeeba Muky. Wilson naimutsya omukono gwe. Akaba ayemereireho. Omukazi wangye, aho, akaba ariho. Kandi tindikumanya abandi, abaabaire beemereire aha nkungu hanu, omu maisho g'abantu baingi, munonga, obu naabaire nimbatiza shaaha munaana z'eihangwe.

Kandi okrugira kimwe omu iguru eryabaire riri nk'omuringa, obwo enjura ekaba emazire saabiiti nyingi etarikugwa, ngugu hanu Yaija n'okuhinda, yaagira ati, "N'oku Yohaana Omubatizi yaatumirwe, kubandiza okwija kw'okubanza kwa Kristo, waatumwa n'Obutumwa, bw'okubandiza Okwija kwa kabiri kwa Kristo."

34 Abantu baingi, kuruga omu bashubuzi, b'omu rurembo, bakaba beemereire aha nkungu, bakambuuza eki Kyabaire nikimanyisa. Naagira nti, "Ekyo kyaba kitari kyangye. N'ekyanyu. Niinyikiriza." Ahaa. Yaagumizamu. Kandi Maraika ogwo ku yaagyenzire, ku muraabe nimwijuka, akatoora oburegyerwa-izooba obwo Ariyo nainamuka ahaiguru; kyarimwe, ahaiguru, ahaiguru y'orutindo, reero yaaza oburegyerwa-izooba.

Bwanyima, nkabugana oshomire eby'enyonyyoozi, niwe Munyabwengye. Reero bangambira aha bikwatiraine n'ekibiina ky'enyonyyoozi ezaayeshororeize hamwe omu kibiina kimwe.

Obu, abanyabwengye omuri Babulooni boorekyerera eifo okwo Palesitaini, ezi nyonyoozi ishatu ziri omu kibiina. Mumpuriire ninkigamba, emirundi mingi. Nimumanya ngu ekyo kihamiibwe, ezi saabiiti nkye ezihingwire, kuba amazima?

35 Ow'eishe-emwe Sothmann, oine orwo rupapura rw'amahurire ekiro eki, ahu ori hoona? Kiri omu rupapura rw'amahurire, orupapura rw'eihurire rya Sande, Okwaikumi-na-ibiri ebiro mwenda. Ngu, omushaki w'amakuru akazayo, reero baatabuurayo ebintu ebi byona. Kandi omu mazima tutwire hati, kihamiibwe, ngu turi . . . Ogu mwaka ogurikwija ni 1970. Tukyerereirwe emyaka mushanju, kurugiirira aha mabaare agaatabwirweyo, kuhamya ku kitahikire. Obwire buhweireyo okukira oku murikuteekateeka. Tinkareebire Ow'eishe-emwe Fred, tindikumanya ahabw'enki. Ow'eishe-emwe Sothmann, ori hanu? Oine orwo rupapura rw'amahurire, Ow'eishe-emwe Sothmann? Orwine. Aine orwo rupapura rw'amahurire. Obundi nyencakare ekiro niinyija kukugambira orushome.

Titwine obwire, ekiro eki.

36 N'ahabw'ekyo, nimubaasa kureeba.

Kandi, mureebe, buzima. Abo Banyabwengye, Abanyabwengye b'Abayudaaya okwo omuri Babulooni, nibeega enyonyyoozi, bakareeba ezo nyonyoozi zaaza omu kibiina kyazo. Kandi ku zaagire omu kibiina kyazo, baamanya ngu Mesia ari omu nsi. Reero mbabo baija, baataaha omuri Yerusaalemu, nibeeshongora. Orugyendo rw'emyaka ebiri! Bati, "Omugabe w'Abayudaaya ozairwe Ari nkahi?" Baatoora oku n'oku omu nguuto z'omu rurembo. Kandi, ahabw'enki, Is- . . .

Israeli ekabashekyererera, "Eki kibiina ky'abarikurengyesereza omu kwikiriza!" Tibaine eki baakimanyireho, kwonka Mesia akaba ari mu nsi. Kandi hati nimumanya ebyakuratsireho, eki baagambire.

Hati, nituza kukishoma, nyencakare ekiro.

37 Hati, kuhika ahari eki, ngu okworekwa tikuremwa, ahabw'okuba kuruga ahari Ruhanga. Kandi omu rugyendo rwona, hatwireho ekintu ekirkunkurura, nikiinyurura.

Bwanyima, Omunyabwengye ogwo ku yangambiire ebintu ebi, obu naabaire nkiri omutsigazi, omurinzi w'enyamaishwa; nari enyimaho, ningira ngu nikwo, ekikwatiraine n'ebintu ebi. Kandi kikantiinisa, ahabw'okuba nkaba ntiina Omunyabwengye eki yaabaire ari. Kwonka bwanyima nkashanga ngu Abanyabwengye b'omuri Baiburi bakaba bahikire, ahabw'okuba Ruhanga akyoreka omu kaabunga Atakakyorekire omu nsi, kuhanga amaisho ezo nsi z'omu kaabunga.

"Ruhanga tashoroora mu bantu, omu mahanga goona," nikwo Petero yaagambire. Hati, kwonka abo Abarikumiita, omu mahanga goona, Ruhanga abasiima. [Ekicweka ekirihobusha aha rutambi rw'amaraka - Omur.]

38 Kandi nitureeba, obwo, nkagyezaho kwebwa ekyo kiteekateeko. Kwonka, oo, kikaba kitwara eshaaha nyingi,

kutaahamu, oku obwire bwona kyabaire kigumizamu omu muringo ogwo, kigumizamu omu muringo ogwo. Beitu nkakitiina.

Omunyabwengye ogu akangira ati, "Toribaasikirwa na kakye omuri Burugwa-izooba." Yaagira ati, "Okazaarirwa ahansi y'akamanyiso." Kandi yaagira ati, "Oka . . . Ako kamanyiso, ekyo kibiina ky'enyonyyoozi, ku zaarabaineho, hare okwo, ekiro eki wazaariirweho, zikaba nizireereeta zishungaine na burengyerwa-izooba. N'ahabw'ekyo nooteekwa kuza burengyerwa-izooba."

Naagira nti, "Okyebwe."

Ti-tikirkwatsireho. Kandi obwire bwona, n'obu kiraabe, nabwo, ekyo tikirakiihire omu mutima gwangye.

39 Bwanyima, ku naabaire ndi eruguru okwo ekiro ekyo, ahabikwatiraine n'oku kworekwa. Nkaba ntarikubyetegyereza. Ab'eishe-emwe bagyenzi bangye b'Ababaputisiti bakangambira ngu okwo kukaba kuri okwa Sitaane. Kwonka bwanyima Maraika ogwo ku yaizire, Akakuta omu Byahandiikirwe kurungi munonga, kandi yaagira ati, "Nk'oku kyabaire buri!"

Abanyamurwa obu baabaire nibateera empaka aha bintu, batarikumanya ni kanzu ki ezi baabaire bashemereire kujwara, n'ebijwaro na buri kintu, kandi nibateera empaka aha bi batarikwikirizanaho; Abanyabwengye bakaba bakuratiire egoy nyonyoozi neebatwara ahari Kristo.

Obu ababuurizi baagira ngu Yesu akaba ari orikweyeta eki atari, Belezebuli; daimoni akaimuka yaagira ati, "Nitukumanya, ori Orikwera wa Ruhanga. Ahabw'enki Oizire kutuburabuza obwire bwaitu butakahikire?"

40 Obu Paulo na Siila baashuma, nibabuurira Engiri. Omuraguzi mukye ashutami aha ruguuto rw'omu rurembo . . . Ababuurizi b'omu ihanga eryo bakagira bati, "Abantu aba n'abarikweyeta eki batari. Nibasheenya amakanisa gaitu, n'ebindi, bajuumikire ensi, n'obuhabe bwabo."

Kwonka hakabaho ki? Ogwo Munyabwengye mukye, ogwo muraguzi mukye, akagira ati, "Aba n'abashaija ba Ruhanga, abatugambira omuhanda gw'amagara." Kwonka Paulo akakabukira ogwo mwoyo ogwabaire gumurimu. Akaba atarikwetenga obuhwezi bwona bw'okumuhamya eki ari.

Yesu obutoosha akaba agiragiira kuhunama. Kwonka nikyoreka ngu, obumwe n'obumwe, baadaimoni bamanya bingi aha bintu bya Ruhanga okukira ebi ababuurizi bamanya; ediini neebaboha munonga. Ekyo nikwo kyabaire kiri, omuri Baiburi, kandi Ruhanga tahinduka.

41 Eizooba rimwe, ninduga, ow'ow'eishe-emwe Norman, emyaka etaano ehangwire, nkaba ninvuga ninshuumma omu ruguuto. Kandi nkaba nyine oruteerane eruguru okwo, reero Mukama Ruhanga yaanyeyoreka omu kworekwa. Nkaba nshutami omu maisho g'eirembo ryangye, haruguru hanu mu ka owangye. Kandi embeera y'obwire ekaba neereebeka eri mbi.

abantu baangi omuriimwe nimwija kwijuka okwo kworekwa. Kuhandiikirwe omu kitabo kyangye ky'okworekwa. Nkuhandiika kugira ngu mpamize kimwe ngu tindaakwebwe.

Kandi omuri oku kworekwa oku naareebire, hakaba hariho ekintu ekyabaire kirabire omu kaguuto, kandi hakaba hariho amabaare gajanjaire omu kibuga kyangye kyona. Kandi hakaba hariho zaagureeda n'ebiyoma by'okurima itaka, aharuguru n'ahaifo y'akaguuto, kandi emitit etemirwe kandi erimbvirwe. Reero naatandika kutaaha omu irembo, kandi ryona rikaba rikingirwe n'amabaare. Reero naashohora aheeru, kugambira ogwo mushaija nti, "Ahabw'enki eki?"

Reero yaatabuka munonga, yantsindika yangarura enyima, yaagira ati, "Okwo nikwo muri imwe ababuurizi!"

Naagira nti, "Naakubuuza kwonka nti, 'ahabw'enki nookora eki?' Wa-waayambuka waija aha rubaju rwangye rw'oruguuto, hanu. Ahabw'enki waakora eki?" Reero haaburaho kakye akanteera oruhi, atyo yantsindika yangarura enyima.

42 Reero naateekateeka nti, "Naaza kumugambira ku atarikumanya eki arikugamba."

Reero Eiraka ryagamba, ryagira riti, "Ekyo otakikora. Ori omuheereza."

Naagarukamu nti, "Ni kirungi munonga."

Reero naahinduka, kandi, aha rubaju rwangye rwa buryo, omu maisho g'eirembo, hakaba hariho ekigaari kishembirwe ekya ira ky'omu bwerere. Nimumanya, ekigaari kishembirwe, n'embaraasi z'okukikurura zikomeirweho. Kandi aha rubaju rwa dereeva hakaba hashutamiho omukazi wangye. Naahinduka naareeba enyima, n'abaana bangye bakaba bashutami enyima aho. Naatemba ekyo kigaari. Naagambira omukazi wangye nti, "Mukundwa, ngumisiriiize byona ebi ndikubaasa kugumisiriza." Reero naakwata emigoye naakurura embaraasi erikwebembera, naatandika kutoora burengyerwa-izooba.

Reero Eiraka ryangambira riti, "Eki ku kiraabeho, obwo oze burengyerwa-izooba."

43 Ow'eishe-emwe Woods, omwombeki hanu omu kanisa yaitu, kandi omubiiki. Ni bangahi abarikwijuka okwo kworekwa hati, abarikwijuka ndikubagambira? Buzima. Kuhandiikirwe aha rupapura. Kandi nkagambira Ow'eishe-emwe Woods . . . Akagura, kuruga aha kanisa, egi poloti ahagati aho. Kandi akaba naayenda kwombekaho enju y'amabaare. Naamugira nti, "Otakikora, Ow'eishe-emwe Woods, 'habw'okuba tibarikwija kukuha esente zaawe omuri ego nju. Obundi, shana . . ." Egyo n'emyaka mingi ehwiringe, emyaka etaano ehwiringe. Naagira nti, "Nibaija, obundi, kurabya orwo rutindo hanu, n'ago mabaare obundi n'ekishengye ky'enju yangye ky'ahansi y'eitaka ekisheenyirwe, n'otuhanda twangye n'ebantu, ebiri aheeru hanu." Omu mwanya gw'okuba amabaare, bikaba biri ebicweka bihangi by'enkogoto. "Kandi orwo nibaija kururabya eifo hanu, 'habw'okuba bakagamba omu ihihire ngu ekkyo nikyo barikugyezaho kukora." Mpaho, taragyombekire. Aha muheru baacwamu, nk'ahanyima y'omwaka gumwe, nari ebiri, ngu bakaba nibaza kururabyamu, ahaifo orubaju oru. N'ahabw'ekkyo ekkyo kikamara, n'ahabw'ekkyo naakyebwa, kandi naakirugaho.

44 Hati, ekintu ky'omutaano kikabaho nk'omwaka gumwe oguhweire. Nkaba nyineho saaviisi ekiro kimwe eifo ow'Ow'eishe-emwe Junior Jackson. Ashutami hanu hanu, omuheereza w'Omumetsodisiti owaatungire Omwoyo Orirkwera, kandi akabatizibwa omu Iziina rya Yesu Kristo, naariisa emwe aha makanisa agu turikukwatanisa nago.

Okubooreka oku Ruhanga akoragana n'abantu aba, eki ninkigamba n'omutima gwangye gwona. Tindikumanya abashomi boona omu nsi yoona, abashomi abari hamwe, ahu ndikwikiriza ngu Omwoyo wa Ruhanga ari, okukira omu kanisa egi. Baine ebi batarikwikiranizaho. Buzima tibakahikire ahu bashemereire kuba bari, tihariho n'omwe omuriitwe, knownka bari haihi okukira omuntu weena ou ndikumanya.

45 Naaza kubooreka, ahabw'okumanya ekyabaire nikiza kubaho.

Ow'eishe-emwe Jackson akaroota ekirooto. Tarabaasize kukyebwa; kandi nkaba ninduga omu kanisa ye, kandi tiyaabaasa kukigumisiriza.

Ni bwire ki oburabireho, Ow'eishe-emwe Jackson? [Ow'eishe-emwe Jackson yaagarukamu ati, "Nkaroota ekkyo kirooto omu Kwakabiri kwa '61, Ow'eishe-emwe Branham." -Omur.] Okwakabiri kwa '61, akaroota ekkyo kirooto.

Reero yaija ahariinye, yaagira ati, "Hariho ekiri aha mutima gwangye. Nintekwa kukugambira, Ow'eishe-emwe Branham."

Naamugira nti, "Gumizamu, Ow'eishe-emwe Jackson."

Reero yaagira ati, "Ndootsire ekirooto." Reero nkikyo aho! Naashutama mpunami, naahurikiza kandi naareeba. Yaagira ati, "Ndootsire ngu habaire hariho akashozi kahango munonga, nk'aheeru omu musiri, ahu obunyaatsi bwa bururu bubaire buri nari ekindi kintu." Reero yaagira ati, "Aha mutwe gw'akashozi aka, ahu amaizi gaihire itaka, habaire hariho orukiri rw'aha mutwe, aha mutwe gw'akashozi aka, nk'aha mutwe gw'orushozi. Rubaire ruri orukiri; hataraho obunyaatsi. Kandi ahu amaizi gaihire itaka, gabaire gahandiikireho nk'ebihandiiko aha mabaare aga. Kandi obaire oyemereire aho, nooshoboorora ebihandiiko ebi ebiri aha mabaare aga." Kandi yaagira ati, "Itwe twena," kandi oku nikwo akgambire, agizire ati, "ab'eishe-emwe kuruga Georgia, na hoona hoona, twena tubaire twemereire hamwe, tukuhurikiize nooshoboorora ebyo bihandiiko by'omubonano ahari ago mabaare, aha rushozi orwo."

46 Kandi yaagira ati, "Reero waatoorotoora ekintu, nk'okuruga omu mwanya, ekintu kirikushusha nk'eshuuuru, nari-nari omutahimbwa." Tikwo, ow'eishe-emwe? "Ekintu ekiri nk'ekkyo, eshuuuru, ekazire munonga." Reero yaagira ati, "Ekyo, oku okikozire, tindikumanya." Yaagira ati, "Oteire omutwe gw'orwo rushozi, waaguhigura, waihaho omufundikizo gwarwo. Rubaire ruri omu nshusha ya piramidi. Kandi ohigwireho omutwe gwarwo." Hati, ekkyo kikabaho ameezi maangi munonga Obutumwa bwa piramidi butakabuuriirwe. Kandi yaagira ati, "Ahansi yaarwo habaire hariho eibaare erirkwera, eibaare rigumire munonga. Reero waagira otu, 'Eizooba, nari omushana, tigukajwaga ahari Eki na kakye. Muhangi amaisho Eki. Mureebe Eki."

Kandi ekkyo n'amazima, ahabw'okuba, omu kuhangwa kw'ensi, ensi ekahangwa omushana gutakabaireho. Twena ekkyo nitukimanya. Ruhanga akaba naagyendagyenda ahaiguru y'amaizi. Re-reero, omu kutandika, Yaagamba ngu habeho omushana. Kandi, omu buhangwa, ahansi okwo, omu busingye obu okuhanga kwabaho, ogwo mushana gukaba gutakajwaga aha ibaare eryo.

47 Reero yaagira ati, "Hanga amaisho Eki. Omushana Tigukakijwagaho na kakye." Kandi boona ku bairiire haihi, kandi naabagambira kureeba Ekyo, boona baija kureeba omunda.

Kwonka yaagira ngu, ku baabaire nibareeba omunda, yaareebera aha nshonda y'erisho rye, niinyikiriza ngu nikwo kyabaire, reero yandeeba. Naashooboka naaza aha rubaju rumwe, reero naatandika kugyenda nintoora Oburengyerwa-izooba, nintoora ei eizooba rirengyera; niinyinamuka akashozi, ninkashuumma; niinyinamuka akashozi, ninkashuumma; niinyeyongera kuba mukye munonga, bwanyima naaburirayo.

Kandi yaagira ngu, bwanyima, ku naakozire ekkyo, yaagira ati, "Reero abe'eishe-emwe baahinduka, ahanyima y'akaanya kakye, baabuuza batu, 'Yaabura? Yaaza hi?'" Reero yaagira ati, "Bamwe baatoora omuhanda guri; abandi baatoora omuhanda gumwe, n'abandi ogundi." Kwonka, ni bakye munonga abaatsigaire bakagumizamu

nibareeba eki naabagambiire.

Hati mwetegyereze okushoboorora kw'ekyo kirooto. Kandi, tinkamugambira ekintu na kimwe, kandi tihariho n'omwe omuri aba ou naagambiire, omuntu weena aharibo. Kwonka, nkagira nti, "Eego." Obwo omutima gwangye, nigutetema. Nkaba nindeeba. Hati, ebyo bihandiiko by'omubonano . . . Mube murekire, reka mbe nkirekireho kakye.

48 Enshumi nkye ehwingwire, Ow'eishe-emwe Beeler . . . Ow'eishe-emwe Beeler akira kuba ari naitwe. Ori hanu, Ow'eishe-emwe Beeler? Eego, enyima hanu. Billy akagira ati, "Ow'eishe-emwe Beeler ashobangiriirwe munonga. Arootsire ekirooto ekitari kya buriijo."

Naaza ow'Ow'eishe-emwe Beeler, reero yaagamba, eifo omu ka ye ekiro kimwe, obu naabaire ngjire kureeba bamwe abaabaire banyetsire aha simu. Reero yaagira ati, "Ow'eishe-emwe Branham, ndootsire ekirooto ekitari kya buriijo." Yaagira ati, "Ndootsire ngu mbaire ninshuma omu mugyera gw'amaizi, nintoora burengyerwa-izooba. Kandi aha rubaju rwa bumosho habaire hariho omuhanda. Kandi mbaire ndi aha rubaju rwa bumosho, ninza burengerwa-izooba omu muhanda ogwo, orikushusha oti, ninsherura ente. Kandi aha rubaju rwa buryo, kyabaho naayetegyereza ahanyima y'okuhika eifo okwo, obaire oriyo. Kandi obaire nooshorooza eigana ringi ry'ente, kandi habaire hariyo obunyaatsi bwingi okwo." Reero yaagira ati, "Bwanyima waatwara ezo nte waatandika kuzigarura eruguru y'omugyera." Kandi, nk'oku kireebekire, nintekwa kuba naamwitiire eriisho kugira ngu areeberere ezo nte. Reero yaagira ati, "Hati, nikija kwanguhira ezo nte, nimmanya ngu nizija kutoora omuhanda ogurimu okugumirwa kukye. Kwonka Ow'eishe-emwe Branham naayenda ngu zigume aha rubaju rwa buryo rw'ogwo mugyera, n'ahabw'ekyo naaza kugarukayo ndabe omu muhanda ogu kandi nzitangye zirekye kwambuka omugyera kwija orubaju oru, kandi nzirinde zigume aha rubaju ruri." Kwonka, yaayetegyereza ngu, tindakuratiire ezo nte, kureka nkagumizamu, naatoora oburengyerwa-izooba. Yaagira ati, "Naateekwa kuba naasherura ezibuzire."

49 Ahonaaho ku yaaherize kurootorora ekyo kirooto, naakireeba. Reero, yetegyereze, akagira ngu akeeraarikirira kakye ahabwangye, n'ahabw'ekyo yaagarukayo kureeba. Kandi yaagira ngu nkaba niinyija nimpika aha rushozi ruhango munonga, kandi ahonaaho naabura. Kandi yaayebuuza ekyabaho. Yaashuuma. Reero yaareeba akagyera aha rubaju rwe, akaabaire keebaganiisemu ekicweka kimwe kikatoora bumosho. Nintekateeka ngu ekyo kihikire, Ow'eishe-emwe Beeler. Yee. Kandi akeetegyereza okuruga . . . Kandi aha rubaju rwangye hakaba hariho obururuma burikutiinisa. Reero yaateekateeka ngu nimbaasa kuba ngwire omuri obwo bururuma nka-nkafa. Bwanyima yaayetegyereza, kandi yaagira ngu akamagamaga, yaareeba eki obururuma obu bwabaire nibukora, bukaba nibushuma nibutoora oku kandi bukaba nibureetera enhuro y'amaizi kuruga omu itaka, kwonka ago maizi gakaba gatarikugaruka omu itaka. Yaareeba eseeri y'eitaagi rikye eryo, nimmanyisa ako kagyera, kandi yaareeba obunyamaishwa bwine amatu geebumburikire. Reero yaagira ati, "Nintekateeka ngu niinyija kutwaraho kamwe." Atyo yaayambuka.

50 Bwanyima yaatandika kunteekateekaho. Reero yaatomba akashozi kakye, kureeba orubaju orundi ku haraabe hariyo orukiri rukye munonga, rufunzire, noomanya, oru naakubaasa kuba naayehinguririizaho. Kwonka, yaagira ati, "Habaire hatariyo ekintu kyona." Reero yaayeraarikirira. Yaagira ati, "N'enki ekibaire aha w'eishe-emwe mugyenzi waitu? Niinyebuuza ekibaire aha W'eishe-emwe Branham?" Kandi ku yaagizire obwoba, yaagira ngu yaahurira naagamba. Kandi nkaba nyemereire aha mutwe gw'orushozi. Reero naagambira Ow'eishe-emwe Beeler amakuru g'ekirooto agu naamuhaire obwire bukye obuhingwire, kandi naamugambira kutegyereza Mukama, ngu ekiro kimwe ndyamubugana aha kirwa. Kandi ngugwo akaba ari aho.

Hati, enhoboorora y'ekyo kirooto n'egi. Nk'oku omugyera gwabaire guri muhango, gukaba guri omugyera gw'amagara. Nkaba ningugyenderamu ninza oburengyerwa-izooba, kandi nawe akaba naagugyenderamu; ahabw'okuba, akaba ari omu muhanda, akaba nairuka mpore . . . naashuuma omu muhanda ogu. Kandi aha rubaju ruri hakaba hariho obunyaatsi bwingi, n'ebishaka bingi, n'amahwa, n'ekibira; kwonka omwo hakaba harimu obunyaatsi bwingi. Kandi okwo nikwo tusherura Mukama, n'Eby'okurya bya Mukama, kuraba omu buremeezi. Kushoroza ezo nte; n'ekanisa egi; kuzirindira aha rubaju ruri. Ente buzima nizigyendera omu muhanda ogwanguhi, ekigombe ky'ediini, zaaba nizibaasa; kandi, omuhanda gukaba nigujwekyera ekigombe ky'ediini. Nkazigarura orubaju rwa ruguru y'omuhanda, kugira ngu zitaza omu kigombe kyona ky'ediini.

Nk'oku yaareebire ekisiika ekyabaire kitarikubaasa kurabwamu, ekyanzibiire kuza burengyerwa-izooba, n'ogwo mushango gw'omushoro na gavumenti. Tihariho orikubaasa kwetegyereza oku naagurugiremu. Gukaba guri ekisiika ekyanzibiire, kwonka Mukama akagundabyamu, kandi naagusingura. Niinyija kukubugana, Ow'eishe-emwe Beeler, aha kirwa.

51 N'ahabw'ekyo hati, bwanyima, ahonaaho ahanyima y'ekyo, Ow'eishe-emwe Roy Roberson. Ow'eishe-emwe Roy, ori hanu ekiro eki? Eego, ni-niinyikiriza . . . Enki? [Ow'eishe-emwe omwe yaagira ati, "Ari kuri aha rubaju ruri." -Omur.] Ari kuri aha rubaju ruri. Akanteerera esimu, kandi nawe akaroota ekirooto. Kandi akaroota ngu tukaba nitushoroza ente. (Hati, ekyo n'ekya kashatu.) Nitushoroza ente. Kandi hakaba hariho obunyaatsi, buhikire omu ibondo, eby'okurya bingi. Twena ab'eishe-emwe tukaba turi hamwe. Reero twahika aha mwanya kugira ngu turye kyamushana, reero Ow'eishe-emwe Fred Sothmann yaimuka yaagira ati, "Eliya, nabi mukuru, naija kugambira hanu eriizooba, omu ihangwe." Reero twena ku twaherize kyamushana, buri muntu yaagyenda,

n'ahabw'ekyo yaayebuuza ahabw'enki bataategyereza kuhurira Nikigambwa.

Hati, nimureeba oku ekyo buzima kishorongire n'eky'Ow'eishe-emwe Jackson! Mwareeba, ekyo buzima kishorongire, buzima, n'eki Ow'eishe-emwe Beeler yaagambire! Tahariho n'omwe owaategyereize, kumanya.

52 Mwetegyereze, ahonaaho ahanyima y'ekyo. Ow'eishe-emwekazi Collins, ori hanu? Ow'eishe-emwekazi Collins akaroota ekirooto ari hanu aha kanisa, kandi hakaba hariho obugyenzi bw'okugaitwa obwabaire nibwenda kubaho. Kandi ku yaakikozire, yaareeba Kishwera yaataahamu, ahikiriire; kwonka Omugore akaba atahikiriire munonga, kwonka nabwo niwe yaabaire ari Omugore; hati, egyo n'Ekanisa. Kandi hakaba hariho nk'okushembera, nari sa-saaviisi erikugyenda omu maisho hanu, nka kyakiro erikutebeekanisibwa. Kandi kikashusha nk'ekyamukwataho ahabw'okuba ngu Ow'eishe-emwe Neville akaba naagabura kyakiro omu kanisa, beitu yaagira ngu bikaba biri Eby'okurya ebirikukirayo kuba birungi ebi arareebire. Akaba aine enjara nyngi munonga. Kwonka yaateekateeka ngu shana, omu kirooto ekyo, ngu Neville tashemereire Kubigabura, reero we n'Ow'eishe-emwe Willard bakaba nibenda kuza aha Ranch House kurya. Kandi ku baagyenzire, Ekyererezi aha mukono gwa buryo kyaraara. Hati, nimumanya Ekyo eki kirikumanya.

Hati, Eby'okurya ebyo. Omugore tahikiriire, kwonka Kishwera ahikiriire. Omugore takahikiriire, kwonka Eby'okurya ebyabaire nibiheebwa bikaba bitari by'okurya by'obutoosha, n'Eby'okurya by'omwoyo ebi mutwire nimurya, obwire bwona.

Reka nyemerere hanu ahari ekyo kirooto kya kana, akaanya kakye.

53 Timurikwijuka, Ow'eishe-emwe Fred Sothmann, Ow'eishe-emwe Banks Woods, obu twabaire turi okwo Arizona omwaka oguhweire, obu twabaire turi okwo nituhiiga empunu z'omu ishwa, Mukama akagamba? Timurikumanya ebintu ebi Yaakozire kurungi, naayoreka ekyabaire nikiza kubaho, obu twabaire nitugyenda omu muhanda? Ekyo ku kiraabe kiri amazima, imwe ab'eishe-emwe babiri mugire muti, "Amiina." [Ab'eishe-emwe abo babiri baagira bat, "Amiina." -Omur.] Takaakora enhobe na kakye.

Kandi nkareeba omu kworekwa obu twabaire nituvuga, ekiro kimwe, nkataaha omu kw'o-kw'okworekwa kwa Mukama, kandi nkaba niinyeteekateekyera, kuza seeri y'amayanja, obwire obwo, ku naagarukire omuka. Kandi ku naagiire seeri y'amayanja, mpaho, nkareeba aha meeri . . . nimmanyisa aha rubaju rw'enyanja, ahu emeeri zaabaire zishohokyera. Kandi hakaba hariho omushaija mukye, mugufu aho, kandi yaagira ati, "Nkutebeekanisiize obwato, Ow'eishe-emwe Branham." Kandi kakaba kari akaato kakye munonga, nka-nka fuuti emwe oburaingwa, kwonka kakaba nkeera nk'orubaare. Reero yangambira ati, "Obu n'obwawe bw'okwambukiram.

"Oo," Naagira nti, "ti-ti-tiburikubaasa."

Yaagira ati, "Nibwija kugyenda mailo makumi ana buri shaaha, oku n'oku omuringo ogu." Okwo ni, oku n'oku aha nkungu.

"Kwonka," naagira nti, "tiburikubaasa kunyambusya." Reero yaareeba ahansi, yaagira ati, "Gyenda nk'oku barikugyenda." Bwanyima naareeba, aho hakaba hariho Ow'eishe-emwe Fred Sothmann n'Ow'eishe-emwe Banks Woods, bashutami omu bwato busiigire erangi ya kinyaatsi, baine za tundubaare z'okuraaramu enyima yaabwo. Ow'eishe-emwe Banks ajwaire enkofiira ehinyire bat; Ow'eishe-emwe Fred aine eye eyehinyire omu maisho. Reero yaagira ati, "Gyenda nkabo."

Naagira nti, "Ngaaha. Tindaagyende."

Kandi omushaija ogu yaabagambira. Ogwo mushaija mukye yaababuuza ati, "Muri abarimbi?"

Ow'eishe-emwe Banks yaagarukamu ati, "Eego." Ow'eishe-emwe Fred yaagarukamu ati, "Eego."

Kwonka naagira nti, "Tibari barimbi. Ndi omurimbi, kandi nimmanya ngu tinkaabaasa kukagyenderamu, kandi nimpamya ngu tinkaabaasa kugyenda nt yo."

Yaagira ati, "Ahabw'enki otarikugyenda nabo?"

Naagira nti, "Ngaaha. Ngaaha."

Mpaho, naahinduka. Kandi, ku naahindukire, ogwo mushaija mukye aha nyambukiro yaahindukamu ow'eishe-emwe mugyenzi wangye murungi, Ow'eishe-emwe Arganbright.

54 Reero naagaruka omu kworekwa oku, kandi hakaba hariho enju nkye, ndaingwa. Reero Eiraka ryangambira. (Kandi mwena eki nimukijuka, nari baingi omuriimwe.) Eiraka ryangira riti, "Reeta Eby'okurya. Obibiikyemu. Ogwo nigwo muhanda gwonka gw'okubarindira hanu, n'okubaha Eby'okurya." Reero naareeta, nkaba naareetsire, amaduraamu mahango munonga gaijwire zaakaroti nungi munonga n'emboga nungi munonga, n'ebindi, ebi ndareebire. Mwaijuka hati, okwo kworekwa? [Abateeraine baagira bat, "Amiina." -Omur.]

Hati, kandi nkabagambira bwanyima amakuru gaakwo. Nkaba nshemereire kuza Zurich, Switzerland, n'Ow'eishe-emwe Arganbright, ahabw'oruteerane rw'ebiro bitaano. Nkagambira ab'eishe-emwe kitakabaireho nti, "Tindaagyende." Kandi nkaba ndi eifo n'Ow'eishe-emwe Welch Evans eifo okwo, obu Yaaha ago makuru.

55 Ekiro kimwe, niinyikiriza Ow'eishe-emwe Welch akaija yantwara, tukaba nituza kushoha, reero yaagira ngu Ow'eishe-emwe Arganbright akaba naanyeta. Naagira nti, "Kare, oku nikwo kiri. Nibenda kunzibira kugyenda." Kandi emirundi mingi . . .

Ti kuraba omu W'eishe-emwe Miner; n'omwe omuri banywani bangye barungi munonga. Kwonka obwire obundi, ku baraabe nibabaasa ku . . . Ku baraateekateekye ngu nooza kubuurira ekintu ekirikuhakanisa enyegyesa yaabo, nibaranga kwonka ngu noi ja kubaho, kugira ngu banywani baawe baijeyo. Kandi bakagira bat . . .

Ow'eishe-emwe Arganbright akanteerera esimu yaagira ati, "Ow'eishe-emwe Branham," eki Omwoyo yaagambire. Yaagira ati, "Oije, oreete n'omukazi waawe," ati, "ahabw'okuba torikuza kubuurira munonga," ati, "ahabw'okuba nintekateeka ngu bakuhaire ekiro kimwe kyonka." Kandi yaagira ati, "Ekyo kiro noobaasa n'okutakibuurira."

Reero naagira nti, "Ngaaha."

"Mpaho," yaagira ati, "mwije, iwe n'omukazi waawe, mwena mwije, waareeba, kandi ku muraije, ninza kubatwara aha kurambura. Oo, omukazi wangye, omukazi waawe, n'abandi boona, nitwija kurambura Switzerland, na Palesitaini."

Naagira nti, "Ngaaha."

Nkaba nyine egoy nshoboorora. Nkagambira Ow'eishe-emwe Welch, nari Ow'eishe-emwe Fred n'abandi nti, "Ninza kubagambira omu kasheeshe, kwonka okubanza omukazi wangye ashemereire kugira eki yaagamba." Ku naamuteereire esimu, kandi yaayanga kugyenda. Naagira nti, "Nikyo ekyo." Waareeba?

56 Hati, ako kaato kakye, akarikwera nikimanyisa orwo ruteerano rumwe. Ni kirungi kuza ahantu hoona hanu, aha mwaro, n'oruteerano rumwe, kwonka tikarikugasha, n'obu kabaire nikeera kandi karungi, okunyambusa eseeri y'amayanja.

Ow'eishe-emwe Fred, n'ow'eishe-emwe aho, abari omu kworekwa oku, bakaba nibajwekyera, "Gyenda nk'omurambuzi, ahabw'okweshemeza." Kwonka ekyo tindenzire kukikora. Kandi okubangira ngu ti barimbi, kikaba nikimanyisa ngu bakaba batari ababuurizi. Kwonka, nkaba ndi omubuurizi.

Reero ebyo By'okurya omuri egoy nju nkye, ndaingwa. Tindagiire eseeri y'amayanja; kureka nkagaruka omuri egi nju nkye, reero twakwata obutumwa bwingi aha ntambi z'amaraka, bwa piramidi na buri kimwe, kworekaabantu obwire obu tutwiremu.

Hati gyeragyteranisa ekyo nangwa n'ebindi, ebyo birooto. Oku kukaba kuri okworekwa. Ebyo By'okurya, Mbibi hanu. Ogu nigwo mwanya.

57 Yetegyereze bwanyima ekyabaireho. Reero Ahonaaho ahanyima y'okutunga okwo kworekwa kwa kana, nari ahanyima y'okundootorera ekyo kirooto kya kana, hakaija Ow'eishe-emwe Parnell. Ari hanu, ahantu hamwe, hanu hanu. Kandi Billy akaba atari hanu, kandi ogwo mushaija akaba aine ekihika kingi ky'okumanya. Naaruga Bloomington, ningira, nari Bedford? [Ow'eishe-emwe yaagira ati, "Lafayette." -Omur.] Lafayette, akaba aine enteerane. Kandi akaroota ekirooto, reero yaija ow'Ow'eishe-emwe Woods. Yaagira ati, "Eki tindikubaasa kukihunama. Nintekwa kukigamba, nintekwa kugambira Ow'eishe-emwe Branham. Nikinteganisa."

Kandi Ruhanga naamanya, tiharabaireho kirooto na kimwe ahagati yaabyo. Bikafa kwija, kimwe, bibiri, bishatu, bina, bitaano, mukaaga.

58 Ow'eishe-emwe Parnell yaagira ati, "Ndootsire ekirooto ekitari kya burijo. Ndootsire ngu mbaire ninza kugira oruteerano eruguru kuri. Kandi omu muringo gumwe nari ogundi, habaire hariho oruteerano hanu omu kanisa nsya, nikwo kabaire nikireebeka." Reero yaagira ati, "Egi kanisa nsya," oku yaabaireho, ngu akeebuza ahabw'enki ezo ibiri zaabaire zitarikukwatanisa, nari ekintu nk'ekyo. Kandi yaagira ngu akaba ayemereire hanu, okuhitsya obu yaateekateekire ati, "Mbwenu, nsiibile hanu, naaza kutegyereza, reero nze omu saaviisi." Yaagira ati, "Omushaija yaija yaaraba omu kyombeko, ajware suuti ya kitaka, aine n'ekitabo. Nintekateeka ngu akaba naahandiika." Reero yaagambira Ow'eishe-emwe Parnell, ati, "Oru ti ruteerano rwa boona. N'orw'abadiikoni n'ababiiki bonka." Mpaho, yaahurira bari nkabaamujooga. N'ahabw'ekyo yaashohora yaaraba omu muryango gw'egyo kanisa nsya, ekanisa eyaabaire yaayombekwa, nari egi eyaabaire yaahunduuzibwa, yaabonezibwa. Kandi ku yaagiire aheeru, orubaare rukaba nirugwa, embeera y'obwire eri mbi, obunaku bw'embeho.

Kandi taihaine n'omwe omu bantu aba owaakimanyireho.

59 Kandi ku yaashohoire omu muryango, nkaba nyemereire aho, nindeeba oburengyerwa-izooba. Naagira nti, "Reka kuteekateeka ngu baakujooga, Ow'eishe-emwe Parnell. Naaza kukugambira eki oshemereire kukora."

Kandi Ow'eishe-emwe Parnell, n'onddijo weena omuribo, nibamanya ngu tindabagambiire amakuru goona. Ni hati hati; n'obu ndaabe naagareebire obu baakigamba. Okeetegyereza oku aho naarugireho juba, Ow'eishe-emwe Parnell? Kugira ngu ntakugambira. Kandi naagumizamu, ntagambiire Ow'eishe-emwe Woods nari omuntu weena, tihariho ondijio. Nkafa kukireka, 'habw'okuba nkaba niinyenda kureeba ei kyabaire nikitoora. Mukampurira

ningamba ijweriho aha nti, "Hariho ekirikunteganisa"? Nikyo ekyo.

Reero, Ow'eishe-emwe Parnell, akagira ngu nkamugambira nti, "Ow'eishe-emwe Parnell, tandika. Kandi omwanya gw'okubanza ogu orahikyemu niguza kuba guri Zipora." Zipora, "Zipora," ekirikumanyisa omusitaari, nari kwemerera, nari ekindi kintu. Naagira nti, "Otaguma aho. Reero ogyende, aharaakurateho, noi ja kushangaho omukaikuru; kandi nabwo oteemerera aho. Ogarukye ogyende, noi ja kushanga omukaikuru boote; oteemerera aho." Kandi obwire bwona tukaba nitu, nkaba ningamba, tukaba nitutambura nituraba omu rubaare. Reero naagira nti, "Gyenda okuhitsya obu oraabone Omukazi wangye. Kandi ku oraabone Omukazi wangye, oyemerere aho!" Reero yaagira ngu akareeba, kandi tukaba twaruga omu rubaare, turi omu ihamba. Kandi ngu nkaba naabuzireho. Reero yaareeba enyima, yaareeba omukazi we naataha amaizi omu iziba, kandi haine omuheereza owaabaire naamukurura, kumwiha aha iziba. Omukazi we akaba naamureeba. Reero yaasisiimuka.

60 Enshoboorora y'ekirooto kyawé n'egi. Kandi nkaabaire naakugambiire, ekyo kiro, kwonka nkeegyendera. Kandi Zipora ogwo, hamwe n'omukaikuru omwe, n'ondiijo mukaikuru boote, ago n'amakanisa. Waareeba? Kandi Zipora buzima ahabw'okuba o-omukazi wa Musa, Zipora, kandi nitureeba ngu nkamugambira ngu ateemerera ahi bari, n'obu baraabe baabaire bari aba kare bata. N'ebigombe by'amadiini. Otabyemereraho. Obwire bwabyo bukahwaho. Kwonka ku araahikye aha Mukazi wangye, niyo Kanisa yangye ei Yesu Kristo yantumiremu, egi omu biro ebi eby'aha muheru, mbwenu Ngigi hanu, "Yemerere aho!" Kandi nkaba naagire oburengyerwa-izooba.

61 Bwanyima Ow'eishe-emwekazi Steffy. Naabaasa kuba atari hanu, ahabw'okuba abaire ari omu irwariro. Tindikumanya ahu . . . Ow'eshe-emwekazi Steffy ari . . . Eego, ngugu hanu. Ow'eishe-emwekazi Steffy akaija omuka kushabirwa, atakagiire omu irwariro kushemezibwa, kugira ngu Ruhanga abaase kumuhwera n'okumuha omugisha. Kandi buzima Akakikora.

Reero yaagira ati, "Ndootsire ekirooto ekitari kya burijjo, Ow'eishe-emwe Branham."

Naagira nti, "Eego?"

Reero yaagira ati, "Ndootsire ngu mbaire ndi okwo Burengyerwa-izooba. Kandi mbai . . ." Ekyo n'ekya mukaaga. Reero yaagira ati, "Ndootsire ngu mbaire ndi Burengyerwa-izooba, kandi n'ensi y'emirambi. Kandi ku ngiire kureeba, aha kashozi habaire heemereireho omugurusi boote, aine obureju burikwera buraingwa, kandi eishokye eri abaire aine ribaire rikuzire rigwereire aha maisho ge. Kandi abaire ayefubikire ekintu ekirikwera, ekintu nanka, omunagiro," yaagira ati, "omuyaga gubaire niguguhuuhu." Nintekateeka ngu ekyo kihikire, Ow'eishe-emwekazi Steffy, batyo. Kandi yaagira ati, "Naaguma niinyirira haihi. Omugurusi boote abaire ayemereire aha mutwe gw'orushozi, ahangire amaisho oburugwa-izooba." Reero yaagira ati, "Naayebuuza nti, 'Omugurusi ogu n'oha?" Reero yairira haihi munonga. Kandi ku yairiire haihi munonga, yaamumanya. Abaire ari Eliya otafa, nabi, ayemereire aho naareeba Oburugwa-izooba.

62 Yaagira ati, "Nintekwa kumureeba." Abaire aine ekyetengo. Atyo yainamuka akashozi reero yaagwa ahansi aho, kugamba nawe, omu iziina rya Eliya. Reero yaagira ngu, ku agambire . . . Yaahirira eiraka, nirigira riti, "Nooyenda ki, Ow'eishe-emwekazi Steffy?" Kandi abaire ariinye.

Ekirooto kyawé kikahikiirira aho honyini, Ow'eishe-emwekazi Steffy. Ahabw'okuba, ahonaaho ahanyima y'ekyo, nkaza Louisville. Eki yaabaire naayetenga ekaba eri eshaara. Mwareeba? Kandi akatabaaruka gye, omu irwariro; kandi akamanyiso k'okugyenda kwangye burengyerwa-izooba, nindeeba buturukwa-izooba, ahabw'obusyo bwangye. Mwetegyereze. Obu . . .

Nkaza Louisville. Kandi ku naagarukire, nkashusha nk'owaataahamu nindaba omu irembo, kandi hakaba hariho enkondo zitsimbirwe omu itaka aho, omu irembo ryangye. Omw. Goynes, otwire omu rurembo hanu, akaba naagyenda omu kaguuto k'omu rurembo hanu. Yaagira ati, "Billy, ija hanu." Yaagira ati, "Nootekwa kwihaho eirembo ryawe n'ebintu, orugo, orugo rw'amabaare n'eirembo."

Naagira nti, "Kare, tikiine nshonga, Bill." Naagira nti, "Ninza-ninza kukikora. Ryari?"

Yaagira ati, "Ninza kukugambira. Ninza kukumanyisa obwire." Naagira . . . "Aha kutandika kwonyini kw'omwaka, nibaija kutandika kukikora."

Naagira nti, "Kare."

63 N'ahabw'ekyo naatandika kugaruka omu nju, kandi omukazi wangye yaagira ati, "Nschemereire kuza kugura eby'okurya juba juba." Ntyo naashuma omu kaguuto k'omu rurembo. Kandi omwojo, Raymond King, niwe inginiya w'orurembo. Obutoosha nkaba mweta "Kutu kw'Ebyondo." Habw'okuba, obu twabaire tukiri abaana bato, nitwoga hamwe, akateera omwojo omwe ebyondo omu kutu. N'ahabw'ekyo tukaguma nitumweta, "Kutu kw'Ebyondo." Atwire ahaifo y'akaguuto k'omu rurembo haihi n'aha wangye, nk'o-nk'omuryango gwa kabiri eifo y'Ow'eishe-emwe Woods.

N'ahabw'ekyo naagira nti, "Byondo 'we, ija hanu kakye."

Yaagira ati, "Kare, Billy." Reero yaija.

Naagira nti, "Egyo nkondo ei mutsimbire omu itaka?"

Yaagira ati, "Billy, ni, nibaija kubiihaho byona." Yaagira ati, "Egi miti yoona, ezi ngo, n'ebindi byona, nibiteekwa kwihwaho."

Naagira nti, "Mbwenu, inginiya akangambira ngu ebintu byangye bikataaha rwagati y'oruguuto."

Yaagira ati, "Eego, kwonka nibaija kuruhangusya. Nibaija kutwaraho, oku biri kwona." Yaagira ati, "N'ebyangye nabyo."

Naagira nti, "Kare, Ow'eishe-emwe Woods n'o-n'omwombeki w'amabaare, reero," naagira nti, "niinyija-iiinyija kumweta agigarure enyima."

Yaagira ati, "Billy, otagikwataho. Reka omwombeki akikore. Egyo n'enju y'omubuurizi, tikwo?"

Naagira nti, "Eego, sebo."

Yaagira ati, "Reka akikore." Ati, "Noomanya eki ndikumanyisa."

Naagira nti, "Eego."

Ntyo naahinduka, kandi, ahonaaho batyo, haagira eki naijuka. [Ow'eishe-emwe Branham yaateera enkomyo - Omur.] Naataaha omuka, naaza omu kishengye kyangye ky'okushomeramu, naihayo ekyo kitabo, kandi nkukwo aho. Gakaba gatari amatafari ga bulooka; gakaba gari amabaare. Naagira nti, "Meda, yeteekateekye."

64 Ebirooto mukaga bikurataine, reero bwanyima okworekwa kwabifundikira. "Ebintu ebi ku biribaho, otandikye orugyendo oze burengyerwa-izooba."

Nteire esimu Tucson. Ow'eishe-emwe Norman aineyo enju. Tindikumanya ahu ndikuza. Tindikumanya eky'okukora. Ndi aho kusha omu . . . Nyemereire. Tindikumanya eky'okukora. Nintsigaho enju ei ntarikupangisa. Omushaara gwangye ni doola igana saabiiti emwe. Kandi nintekwa haihi kupangisa enju doola igana buri kwezi. Ndi hanu hanu n'ab'eishe-emwe bangyenzi bangye n'ab'eishe-emwekazi, ahu ndikukundwa. Mbwenu ninza, ahu ntarikumanya. Tindikumanya ahabw'enki. Tindikubaasa kubagambira ahabw'enki. Kwonka hariho ekintu kimwe kyonka eki ndikumanya, n'okukuratira eki Yaagamba ngu okore. Tindikumanya, tindikumanya ah'okutoora, eky'okukora. Ti kyangye . . .

Nintekateeka ngu Abrahamu akeehurira atyo obu Yaamugambira ati, "Yambuka, omugyera." Akaba atarikumanya eky'okukora kureka kuba omushuhuuki, kwetanisa. Tindamanyire eky'okukora.

65 Orwamukaaga oruhereerukire akasheeshe, saabiiti emwe okuruga nyomwabazyo, nka shaaha mwenda z'ekiro. Nkaba naaheza kwimuka kandi nanywa amaizi, naashweka Joseph, omu kishengye kye. Reero naagaruka, kandi naabyamaho. Naagwejegyera. Kandi ku naagwejegyeire . . . Nimariiriza ebi birooto bikiye n'ebindi bintu, nikwo mureebe omusingye gw'ebi ndikwenda kugamba. Na-naashweka Joseph, ntyo naagarukayo naabyama, naagwejegyera. Reero naaroota ekirooto.

Naaroota ngu nkareeba omushaija owaabaire ashemereire kuba tata, n'obu araabe yaabaire ari omushaija muhango munonga. Kandi naareeba omukazi owaabaire ashemereire kuba maawe, kureka akaba atarikushushana na maawe. Kandi omushaija ogu akaba ari mubi munonga aha mukazi we. Kandi akaba aine enkoni y'amafundo ashatu, ahu yaabaire ashawire ogu muti. Kandi kikakora . . . Noomanya, ekicweka ky'omuti, ky'aha mpimbi, noomanya, ahi orikutema okakora enkoni y'amafundo ashatu. Kandi buri kaire omukazi ogu ku yaabaire atandika kwemerera, akaba amukwata omu bitsya amuteera aha mutwe, amuteera ahansi. Reero ogwo mukazi akaba arambira aho, ajumana arira, bwanyima atandika kwimuka ogundi murundi. Omushaija ogu akaba agyendagyenda aho, n'amaryo, atunikire ekifuba, omushaija muhango munonga. Kandi omukazi ogu ku yaabaire aimuka ogundi murundi, akaba amukwata omu bitsya, reero akwata egi nkoni y'amafundo ashatu, kandi agimuteera aha mutwe, emugwisa ahansi. Agaruka enyima atunikire ekifuba, orikushusha ngu yaakora ekintu ky'amaani.

66 Kandi nkaba nyemereire hangahari, nimbireeba. Naateekateeka nti, "Oriya mushaija tindikumubaasa. Ni muhango munonga. Kandi, nabwo, ashemereire kuba tata, kwonka tari tata." Naagira nti, "Tashemereire kuba naatwaza atyo omukazi oriya." Kandi naaba nk'owaamubiihirwa. N'ahabw'ekyo, bwanyima, ahonaaho, naatunga obumanzi oburikugasha, reero naamwirira haihi, ntyo naamukwata ekitogi kifuba naamuhindura. Naagira nti, "Toine orusa rw'okumuteera." Kandi ku naagambire ekyo, enyama z'omubiri zaakura. Naashushana n'ekikaaka. Atyo ogwo mushaija yaareeba ezo nyama z'omubiri, reero yantiina. Naagira nti, "Waagaruka kumuteera, niturwana." Reero yaashusha nk'owaareka kumuteera ogundi murundi. Nikwo naasisiimuka.

Naabyamaho akaanya kakye. Naateekateeka nti, "Ekyo niki? N'ekitari kya burijo kuroota aha mukazi ogwo." Reero omu kaanya kakye, Ngugu hanu Yaija. Naatunga amakuru gaakyo.

67 Ogwo mukazi naajwekyera ekanisa y'ensi, ebiro ebi, ensi yoona. Nkazaairwa omuri ogu muzambaaro gwonyini, mbwenu reeba ndi hanu. Ashemereire kuba ari nyi-nyina wa . . . ku araabe yaabaire ari nyina wa

maraaya, baitu nabwo nkagizaarwamu buzima. Kandi ogwo . . . Iba n'ebigombe by'amadiini ebirikumutegye. Egyo nkon y'amafundo ashatu ei yaabaire aine, n'okwo kubatiza kw'obushatu omu maziina g'ebishuba. Ngu, buri kaire ku atandika kwimuka, omutwe gw'abantu Kukyakiira, agimuteeza amutuura hansi. Kandi, hatariho kubanganisa, we habw'okuba muhango munonga, nkahinduka, naashusha nk'owaamutiinaho kakye. Reero naajumbukayo kumurwanisa, oku biri kwona, kandi enyama z'omubiri zikaba ziri enyama z'okwikiriza. Ekyo kikatuma naateekateeka nti, "Ruhanga ku araabe ari naanye, kandi akabaasa kumpa enyama z'omubiri, ka ndwane ahari ogu mukazi. 'Reka kumuteera!'"

68 Niziteekwa kuba zaabaire ziri shaaha ina z'akasheeshe, obu omukazi wangye yaabaire naagyezaho kutaaha omu kishengye, reero kyabaho. Nkantaaha omu kworekwa akasheeshe ako, kandi omu buryo bumwe nka . . . Hati, oijukye, kikaba kitari kirooto.

Hariho entaaniso rwagati y'ebirooto n'okworekwa. Ebirooto n'obu orikugwejegyera. Okworekwa, n'obu oba nooreeba. Tuzaarwa omu muringo ogwo. Omuntu w'obutoosha, ku aroota, kiba kiri omu muntu we w'omunda. Kandi omuntu we w'omunda aba ari hare munonga nawe. Ebihurikizo bye by'omubiri biba nibikora, obu aba ari omu muntu we w'okubanza. Omu muntu we w'aharuguru ogu, no, nooba ori nka burijo; nooreeba, nooroza, noohuririra mu mubiri, nookaga, noohurira. Kwonka ku orikuba ori omu muntu waawe ow'omunda, ogwejegyeire, tokaabaasa kureeba, kuroza, kuhuririra mu mubiri, kukaga, nari kuhurira. Kwonka hariho ekintu, ku oroota, kikugarura omu muntu w'aharuguru ogu. Hariho okwijuka, okutuma waijuka ekintu eki waarootsire, emyaka mingi eyaahweire. Omuntu w'obutoosha nikwo ari.

Kwonka Ruhanga ku amanya ira ekintu kitakabaireho, ogu muntu w'omunda tari hare munonga kuruga hanu, aha muhanuuzi, kureka aba bantu bombi bari hamwe buzima. Kandi omuhanuuzi, omu kworekwa, tagwejegyera. Aguma ari omu bihirikizo bye, kwonka akireeba.

69 Ekyo nkaba ninkishoboororera baadokita bamwe, ekiro kiri. Reero baimuka baagira bat, "N'eky'okutangaaza. Titukateekateekahoga aha kintu nk'ekyo." Obu naabaire nimpimwa amayengo, reero baagira ngu ni . . . Bakaba batakareebaga ekintu kyona ekirikushushana n'ekyo. Mwareeba? "Mpaho," bat, "hariho ekintu ekikubaho." Kandi naagamba. Naakigamba. Yaagira ati, "Nikyo ekyo, buzima." Mwareeba?

abantu b'omunda abo babiri bahikaine munonga. Ti kintu eki ndikubaasa kukora, kandi tikirkumpindura mukuru orikukira ondiijo muntu weena. Ni Ruhanga wenka, owaakikozire atyo. Tokaagwejegyera. Nooba ori aha, nk'owaakwatwa oturo. Nooba oyemereire hanu, nooreeba, bat.

Kandi mwena mukireebire, omu nsi yoona. Tokaagwejegyera. Nyemereire hanu aha kituuti, ningambira abantu, mumpurira naataaha omu kworekwa kandi ngaruka. Obu mba ndi omu motoka ningyenda naimwe, ahandi hantu hoona, kandi mbagambira ebintu ebirikwenda kubaho; kandi tikuremwa, tikukaremwa. Hariho omuntu weena orareebire nikuremwa? [Abateeraine baagira bat, "Ngaaha." -Omur.] Ngaaha, sebo. Tikukaaremwa. Tikuiremwa, yaaba ari Ruhanga. Yetegyereze, aha kituuti honyini, enkumi n'enkumi, omu maisho g'emitaro y'abantu, nangwa n'omu zindi ndimi ezi ntarikubaasa kugamba, nabwo tikuremwa. Mwareeba? Ni Ruhanga!

70 Hati, omu kworekwa oku, nari nk'oku naaba ningamba, nkaranza kandi naareeba ekintu ekitari kya burijo.

Hati, kikaba nikireebeka orikushusha ngu mutabani wangye omuto, Joseph, akaba ari aha rubaju rwangye. Nkaba ningamba nawe. Hati, ku oraareebe okwo kworekwa oteireho omutima, noi ja kwetegyereza ahabw'enki Joseph yaabaire ayemereireho.

Reero naaranza, kandi hakaba hariho orushaka ruhango. Kandi omu rushaka oru, omu-omu kibiina ky'enyonyi, obunyonyi bukye munonga, nk'obureingwa bw'ekicweka kya inci, n'obwemi bw'ekicweka kya inci. Bukaba buri bwa kahonaho bukye. Amooya gabwo makye gakaba garuhire gagwire. Kandi aha itaagi ry'aha mutwe hakaba hariho nka bubiri nari bushatu, mukaaga nari munaana aha itaagi erindi, kandi ikumi na butaano nari makumi abiri aha itaagi erindi; nibushuma omu nshusha ya piramid. Kandi obwo buntu bukye, entumwa nkye, kandi bukaba buruhiire kimwe. Kandi bukaba nibureeba obuturukwa-izooba.

Kandi nkaba ndi Tucson, Arizona, omu kworekwa okwo, ahakuba kikakorwa kigyendereirwe ngu Akaba atarikwenda ngu ndemwe kureeba ahi naabaire ndi. Nkaba niinyehaho akakurura, k'omu ihamba. Reero naagira nti, "Hati, nimmanya ngu oku n'okworekwa, kandi nimmanya ngu ndi Tucson. Kandi nimmanya ngu obwo bunyonyi bukye aho bwine eki burukujwekyera." Kandi bukaba nibureeba obuturukwa-izooba. Kandi ahonaaho bwatunga ekiteekateeko ky'okuguruka, butyo bwagyenda, bwatoora obuturukwa-izooba.

71 Kandi ahonaaho ku bwarugireho, ekibiina ky'enyonyi mpango kyaija. Zikaba nizishushana nk'enkombe, amapapa gashongoize munonga, g'erangi ya kisa, erangi etarikumurinkana munonga nk'eitumwa ezi ekye z'okubanza zaabaire ziine. Kandi zikaba niziza obuturukawa-izooba, n'obwira.

Kandi ahonaaho ku zaarugire omu maisho gangye, nkahinduka ogundi omurundi kureeba burengyerwa-izooba, reero aho kyabaho. Hakabaho okubaruka okwatengyeitse ensi yoona buzima.

Hati, otafeerwa eki. Kandi imwe, abahurikiize orutambi rw'amaraka, muhamize kimwe kutunga eki kurungi.

Okubanza, okubaruka. Kandi nkateekateeka ngu kwahurirwa nk'obwaku, oku oraakyete kwona obu endegye ziguruka zikacwekanisa ahu eiraka ritarenga, reero eiraka rikagaruka aha nsi. Kukatengyetsa, nka, okutsinda, buri kintu. Reero, nikibaasa kuba kyabaire nk'o-o-okuhinda kw'amaani munonga kw'enkuba, n'omurabyo, nka; tindareebire omurabyo. Nkahurira okwo kubaruka kw'amaani munonga okwabaireho, okwahuriirwe nk'okwabaire nikuruga bukiizi bwa bumosho, kuruga ahi naabaire ndi, orikutoora Mexico.

72 Kwonka, kukatengyetsa ensi. Kandi ku kwagitengyeitse, nkaba ninkireeba burengyerwa-izooba. Kandi okwo hare omu Butahwaho, naareeba ekibiina ky'ekintu nikija. Kikaba nikireebeka nk'obutoonyezi bukye. Nibubaasa kuba bwabaire butari ahansi ya butaano, kandi butarengire ahari mushanju. Kwonka, Bukaba buri omu nshusha ya piramidi, nk'ezi ntumwa ezirikwija. Kandi ku kyabaireho, Amaani ga Ruhanga Ow'obushoboorozi bwona gakankiriza ahaiguru Kubabugana.

Kandi nimbaasa Kukireeba. Tikikandugireho. Ebiro munaana birabireho, kwonka tindikubaasa kukyebwa, nabwo. Tinkagirahoga kintu kyona ekiranteganiise nk'eki. Eka yangye neija kubagambira.

73 Nkabaasa kureeba abo Baamaraika, ago mapapa nigareeba enyima, nibagyenda n'obwira bwingi munonga okukira oku eiraka rigyenda. Bakaruga omu Butahwaho, ahonaaho, nk'okuhumbya eriisho. Hataraho obwire oburikugasha kwita eriisho ryawe, okuhumbya kwonka, Bakaba baahikire aho. Tindatungire obwire bw'okubara. Tindatungire obwire kureka okureeba kwonka. Ab'amaani munonga, bakuru, Baamaraika b'amaani, nibeera nk'orubaare; amapapa geeteekateekire, n'emitwe. Kandi Bakaba bari, "Hyu-hyu!" Kandi ku kyabaireho, nkabakurirwa omuri piramidi egi, omuri eki kibiina.

Kandi naateekateeka nti, "Hati, nikyo eki." Naashanyarara weena. Naagira nti, "Oo, mugyenzi! Eki nikimanyisa ngu nihaza kubaho okubaruka okuraanyite. Naahika aha muheru gw'orugyendo rwangye hati. Tinshemereire kugambira abantu bangye, okworekwa oku ku kuraahweho. Tindikwenda ngu bakimanye. Kwonka, Tata ow'omu Iguru yaamanyisa hati ku obwire bwangye buhweireyo. Kandi tindikwija kugambira eka yangye, nikwo bateemereza omutima ahabwangye bati, 'Ahabw'okuba, yaaza kugyenda.' Kandi Baamaraika aba baizire kuntwara, n'ahabw'ekyo ninza kwitwa juba hati omu kubaruka kw'omuringo nanka.

Reero kyanyizira, ku naabaire ndi omuri eki kibiina, "Ngaaha, tikyo ekyo. Kuri kikwitsire, kikaitsire na Joseph." Kandi nkaba nimbaasa kuhurira Joseph naanyeta.

Mpaho, reero naagaruka naahinduka. Naateekateeka nti, "Mukama Ruhanga, okworekwa oku nikumanyisa ki?" Reero naayebuza.

Bwanyima kyanyizira, (ritari iraka) kyanyizira. "Oo! Abo ni Baamaraika ba Mukama, baizire kuntuma busya." Kandi ku naateekateekire ekyo, naimutsya emikono yangye ahaiguru, naagira nti, "Ai Mukama Yesu, Nooyenda ngu nkore ki?" Reero naaruga omu kworekwa. Okumara haihi nk'eshaaha, nkaba nshanyaraire.

74 Hati, bantu 'mwe nimumanya emigisha ya Mukama oku eri. Kwonka, Amaani ga Mukama n'ag'omutaano kyarimwe, Amaani ga Mukama omu myanya nk'egyo. Ngahuriire, emirundi mingi, mingi munonga, enyimaho, omu kworekwa, kwonka gatari nk'aga. Nigahurirwa gari nk'okworoba okurimu okutiina. Nkagira obwoba bwingi okuhitsya obu naashanyaraire, omu maisho g'Ebihangirwe ebi.

Ningamba Amazima. Nk'oku Paulo yaagambire ati, "Tindikubeiha." Timukankwataga ningamba ekintu kyona ekigwire aha kintu nk'ekyo. Hariho ekirikwenda kubaho.

Reero, ahanyima y'akaire kakye, naagira nti, "Mukama Yesu, ku ndaabe ninza kwitwa, kimmanyise, nikwo ndekye kukigambira abantu bangye. Kwonka ku kiraabe kiri ekindi kintu, kimmanyise." Kwonka, tihaine ekyagarukirwemu.

Omwoyo ku yandugireho, nk'okumara ekicweka ky'eshaaha, nintekateeka, nari n'okukiraho, nkagira nti, "Mukama, ku kiraabe nikwo kiri, obwo, ngu ninza kwitwa, kandi Orikureeba ngu mperize emirimo omu nsi, kandi kandi naaza kutwarwa Omuka hati; kandi, kyaba nikwo kiri, ekyo ni kirungi. Ekyo tikiine nshonga. N'ahabw'ekyo," naagira nti, "ku kiraabe kirikyo, kimmanyise. Garuka Oyohereze Amaani Gaawe ahariinye, reero ku ndaakimanye tindikwija kugambira abantu bangye nari omuntu weena, ahabw'okuba Ori haihi kwija kuntwara." Reero na . . . Kwonka tihaine ekyabaireho. Reero naategyerezaho kakye.

Bwanyima naagira nti, "Mukama Yesu, ku kiraabe kibaire kitarikumanyisa ekyo, kandi kirikumanyisa ngu Onyiniire ekintu ky'okukora, kandi ndikwija kukishuuruurirwa bwanyima, obwo yoohereza Amaani Gaawe." Haihi Gankirize ganyihe omuri ekyo kishengye!

75 Nkeeshanga, ahantu, okwo omu nshonda. Nkaba nimpurira omukazi wangye, ahantu hamwe, naagyezaho kuzunguza orwigi. Orwigi rw'omu kishengye ky'okuraaramu rukaba rutsibire. Kandi nkaba nyine Baiburi ebiikwirwe, kandi e . . . Nkaba ninshoma, tindikumanya, kwonka hakaba hari, niinyikiriza, omu Barooma eshuura ya 9, omushororongo gw'aha muheru.

. . . Reeba, ninta omuri Saayuuni eibaare ry'obuhamizo bw'enju, eibaare eririkuteesa entsibo, eibaare ry'obuhamizo bw'enju ery'obuguzi bwingi, kandi orikumwikiriza tarikwatwa nshoni.

Kandi naateekateeka nti, "Nikitangaaza kushanga ninshoma ekyo." Omwoyo akaba akinkwatiire, omuri ekyo kishengye! Nkashweka Baiburi naayemerera aho.

Naaza aha dirisa. Zikaba ziri nka shaaha ina z'akasheeshe, nari okukiraho. Reero naimutsya emikono yangye, naagira nti, "Mukama Ruhanga, tindikwetegyereza. Eri n'eizooba ry'omutaano, ahariinye. Kandi ndi nk'ogwire eiraro."

Naagira nti, "Mukama, ekyo nikimanyisa ki? Ka ngarukye nshome, ku araabe Ariiwe." Hati, eki nikihurirwa nk'eky'obwana. Ntyo naakwata Baiburi, naagibiikuura. Niho kyabaire kiri omurundi ogundi, omu mwanya nigwo gumwe, Paulo naagambira Abayudaaya ngu bakagyezaho ku . . . naagambira Abarooma ngu Abayudaaya bakagyezaho Kukwakiira ababw'emirimo, kwonka nitukwikiriza ababw'okwikiriza.

76 Mpaho, butwire buri obwire burikutiinisa munonga, okwiha obwo. Hati nimureeba ahu nyemereire. Tindikumanya ekirkubaho. Tindikumanya eky'okugamba.

Kwonka hati reka, hati, okuruga hati n'okugumizamu, okumara ezindi, dakiika nka ikumi na itaano, makumi abiri, reka ngyezeho kugira eki naagamba hanu hati. Mwijukye, tihaine na rimwe obu okworekwa okwo kuraremire. Hati naaza kukwata Ebyahandiikirwe kumara omwanya mukye, ku muraayetegyereze, omu kitabo ky'Okushuuruurwa eshuura ya 10. Hati reka ngambe eki. Okworekwa oku ku kuraabe kuri okw'Ebyahandiikirwe, nikubaasa kushoboororwa n'Ebyahandiikirwe byonka. Kandi niinyenda ngu eki mukite hamwe.

Kandi, hati, imwe abari hanu, naimwe abahurikiize orutambi rw'amaraka, muhamye eki mukigambe oku ndikukigamba, 'habw'okuba nikibaasa kwanguhira kimwe kwetegyerezibwa kubi.

Mwine obwira? [Abateeraine baagira bat, "Ngaaha." -Omur.] Kare. Ku . . . Nimbasiima ababw'obucureera, n'okuba barungi.

77 Hati, "Ogwo maraika wa mushanju . . ."

Hati, baasebo, (nk'oku nyetsire eri ishomo) aka niko kamanyiso k'obwire bw'aha mperu? Tutwire hi? Ekiro kyahika hi? Nk'orikufukaana oruhiire kimwe, ekiro kyona, oku aimuka akahindura eshaaha, kureeba kumanya ahi obwire bwahika, akahemba etaara. Eshaara yangye ni ngu, "Ai Ruhanga, tugirire embabazi tuhembe Etaara."

Nyemereire omu mwanya mubi munonga, kuri nimukimanya. Mwijukye, nimbagambira omu Iziina rya Mukama, naabagambira amazima, kandi hariho ekirkwenda kubaho.

Tindikumanya. Hati, imwe abahurikiize orutambi rw'amaraka, mukyetegyereze. Tindikumanya. Naaza kugyezaho. Ekinyiziire, nyomwabazyo, nshutami omu kishengye kyangye ky'okushomeramu. Tindikugira ngu aga n'amazima; kibaire kiri ekintu ekirkugyendagyenda omu mutima gwangye kwonka, obu mbaire ningyendagyenda omu kishengye.

Mbaire-mbaire nshemereire kushuumma eifo, kugyenda obwire bukye nkashuumma na Charlie, reero tukaza kuhiiga hamwe eizooba rimwe, tutakarugaineho.

78 Ka ngambe, nti, ababw'okuba ninza burengyerwa-izooba, tikirikumanyisa ngu naaruga omuri tabirinaakuru egi. Egi niyo kanisa ei Mukama Ruhanga yampaire. Hanu niho owangye ahakuru. Hanu niho ntwire. Ningyenda ababw'okworobera ekiragiro eki okworekwa kumpaire kwonka. Mutabani wangye, Billy Paul, naija kuguma ari omuhandiiki wangye. Ofiisi yangye neija kuba hanu hanu aha kanisa egi. Ahabw'okuhwerwa Ruhanga, niinyija kuba ndi hanu obu ki . . . ekintu eki obu kiraahwe, kubuurira obwo Bumanyiso Mushanju. Kandi obutumwa bwona obu ndaabuuriire aha ntambi z'amaraka, nari ekindi kintu, nikija kukorerwa hanu hanu omu kanisa egi. Kandi hanu hanu, oku ndikumanya, nigwo mwanya ogu ndikubaasa kubuuriram n'obugabe bwingi okukira ahanti hoona omu nsi, ababw'okuba hariho ekibiina ky'abantu hanu abarikwikiriza, kandi abaine enjara kandi abarikuramatiraho. Kandi hanu ni nk'omuka, ahariinye. Ogu nigwo mwanya. Kandi ku muraayetegyereze, ebrooto bikagamba ekintu nikyo kimwe, mwareeba, omwanya gw'Eby'okurya.

Hati, kwonka, tindikumanya ekiri omu biro by'omu maisho, kwonka nimmanya Oine ebiro by'omu maisho. Ekyo nikyo kikuru.

79 Hati, Ai Ruhanga, ku ndaabe ngwire, nsaasira, kandi oigare akanwa kangye, Ai Mukama, aha kintu kyona ekitari okukunda Kwawe. Ninkora eki kwonka ababw'okuba nkangaraine, Mukama. Nkaabaasibwa ki abantu beetegyereza; ku n'okukangarana kwonka.

Ninteekekateeka ngu enshonga eyaatumire okushoboorora kutaija ahonaaho, n'ahabw'okuba kwabaire kuri okwemariirira kwa Ruhanga, ababw'okuba niinyikiriza ngu kihandiikirwe hanu omuri Baiburi ababwangye. Kandi ku kiraabe kiri eky'Ebyahandiikirwe, obwo n'Ebyahandiikirwe byonka ebirkubaasa kukishoboorora. Kandi eki ku kiraabe kiri amazima, ow'eishe-emwe, ow'eishe-emwekaza, tingsendereire kukutiinisa, kwonka tushemereire kwegyendesereza munonga hati. Turi haihi ku . . . Hariho ekirkwenda kubaho. Kandi eki ninkigamba n'obucureesi n'okutiina Ruhanga. Beitu nimuteekateeka ngu nkaayemerera hanu . . . Kandi imwe abantu nangwa munyikirizamu kuba nabi; tindikwegamba ngu ndiwe.

Ekiteekateeko kyangye kikaba kiri eki. Na- . . . Omwaka oguhweire, nkagira nti, "Ni . . . Ekintu kyonka eki naareebire, okusisiimuka kuhweireho, omu mahanga, nimmanyisa, eihanga eri, oku biri kwona." Nkagiraho orugyendo rw'okubuurira aheeru. Abaangi omuriimwe mukagyenda naanye. Oo, bikaba byona biri birungi. Tukatunga obwire burungi munonga, enteerane nungi, n'emitwe mihang y'abantu, kwonka haine ekyabuziremu.

Omwaka ogu, ninza omu rutaayaayo rw'obumiishani. Ahonahao ku ndaabaase, ninza omuri Afrika, Buhindi, n'okwetooroora ensi, ku ndaabaase, omu rutaayaayo orundi rw'obumiishani.

Ekyo ku kiraabe kitakozire, obwo tindikwija kunywa amaizi nari kurya eby'okurya, ninza kutemba rumwe ahari egoye mishozi miraingwa okwo, reero ngumeyo okuhitsya obu Ruhanga arangarukyemu omu muringo gwona. Tindikubaasa kutuura nti. Tindikubaasa kugumizamu.

Obundi eki hanu kikaaba eky'okugarukamu. Tindikumanya. "Okuhitsya obu Arampindure,"

80 nimwijuka okwo kworekwa nka saabiiti ishatu ezhilingwire, "nyemereire omu izooba, nimbuurira abantu"? Mwena mukaba muri hanu Sande ehweire. Sande nyini, imwe hanu abarikutunga ezi ntambi z'amaraka, kandi-kandi ababa bariho bwaba nibukwatwa aha ntambi, nimwetegyereza ebintu ebi. Ahabw'okuba, hati naaza kukwata ahari egi myanya, kandi mukireebe. Buri kintu ky'ebyo ebyagambirwe, nikishushanira kimwe n'eki, n'ahabw'ekyo nikiteekwa kuba enshoboorora. Tindikumanya. Egyo niyo nshonga erikutuma naagira nti, baasebo, nikyo eki?

81 Niinyikiriza ngu "ogwo maraika wa mushanju" w'omu Kushuuruurwa 10 n'entumwa aha busingye bwa mushanju bw'ekanisa w'omu Kushuuruurwa 3:14. Mwijukye. Hati ka nshome. Reeba ahu ndikubaasa kushoma. Hati, ogu akaba ari maraika wa mushanju.

Kwonka omu biro ebi maraika owa mushanju (omushororongo gwa 7) ariteereramu enzamba ye, enaama ya Ruhanga eryahikiirizibwa, nk'ebigambo ebirungi oku biri ebi yaagambiire abaheereza be baanabi.

Hati, nooreeba, ogu akaba ari maraika. Kandi ni maraika w'obusingye bwa mushanju bw'ekanisa, ahabw'okuba hanu nikigira ngu, ni "maraika owa mushanju," w'obusingye bwa mushanju bw'ekanisa. Nooreeba ngu, ku oraabe nooyenda kureeba ogwo . . . ahu ogwo maraika ari, Okushuuruurwa 3:14, ni, "Maraika w'ekanisa ya Laodikea."

82 Hati, nimwijuka ekyo obu kyagambwa aho, baamaraika n'obusingye bw'ekanisa. Kandi hati, omuri eki, nikiza kushoronga gye omuri obu Bumanyiso Mushanju obu turikwija kugambah. Kandi obwo Bumanyiso Mushanju obu turikugyezaho kugambah, ku buraije obwire obu, n'Obumanyiso mushanju obuhandiikirwe. Kandi Obumanyiso Mushanju obu, nk'oku murikumanya, n'okweyoreka kwa baamaraika mushanju b'amakanisa mushanju; kwonka, hariho obundi Bumanyiso mushanju oburi aha rubaju rw'enyima y'Ekitabo, Buri aheeru ya Baiburi. Yetegyereze. Nitwija kukihikaho omu mwanya mukye.

Hati, ntakatandikire eki, muruhire? Mukaayenzire kwemerera, kuhindura emyanya y'okushutamamu? [Abateeraine baagira bat, "Ngaaha." -Omur.]

83 Hati muhurikize mutaireho omutima.

Ogwo maraika owa mushanju w'omu Kushuuruurwa 10:7 n'entumwa y'obusingye bwa mushanju bw'ekanisa. Mwareeba? Hati mureebe. "Kandi omu biro . . ." Hati mureebe hanu.

Kwonka omu biro ebi maraika owa mushanju ariteereramu enzamba ye, enaama ya Ruhanga eryahikiirizibwa, . . .

Hati, okuteera enzamba, entumwa egi, maraika owa mushanju hanu naarangirira Obutumwa bwe aha kanisa ya Laodikea. Yetegyereze omuringo gw'Obutumwa bwe. Hati, tiburabaire obwa maraika w'okubanza, Tarabuhairwe; maraika owa kabiri, owa kashatu, owa kana, owa kataano, owa mukaaga. Kureka ni maraika owa mushanju owaabaire aine Obutumwa bw'omuringo ogu. Bukaba buri ki? Yetegyereze omuringo gw'Obutumwa bwe, "Kumariiriza enaama zonna za Ruhanga, ezhandiikirwe omu Kitabo." Ogwo maraika wa mushanju naamariiriza enaama zonna ezaatsigaire ziteegyesiibwe gye, hoona omuri ebi bibiina by'amadiini n'ebigombe by'amadiini. Ogwo maraika wa mushanju naazishoroza, kandi amariiriza enaama yoona. Ekyo nikyo Baiburi yaagambire, "Naamariiriza enaama y'Ekitabo ekihandiikirwe."

84 Hati ka tugambe zimwe aha naama ezi, kandi ku oraabe nooyenda kuzihandiika. Eky'okubanza, ninza kukwata eki Scofield arikugamba hanu, omuri Matayo 13. Ku oraabe nooyenda kuhandiika zimwe ahari zo, ku oraabe otaine Baiburi ya Scofield. Noobaasa kushoma eki arikuteekateeka ahari zimwe aha naama ezi. Hati, aha mushororongo gwa 11.

Kandi yaabagarukamu ati: Imwe (abeegi be), muhairwe okumanya, imwe muhairwe okumanya emibonano y'obukama bw'omu iguru, kwonka ti bo, kwonka bo tibahairwe.

Ezo naama, "enaama" n'egi. Enaama n'Ekyahandiikirwe, n'Amazima agabaire gasherekirwe enyimaho hati gashuurwirwe Ruhanga, kwonka (nabwo) nikiba kikirimu ekintu ekirengire eby'obuhangwa n'obu kiraabe kishuurwirwe. Enaama nkuru munonga kandi enaama nkuru ni:

85 Ey'okubanza, enaama y'Obukama bw'omu Iguru. Egyo niyo turikugambaho hati. 13, Matayo 13:3 okuhitsya aha gwa 50.

Hati, enaama ya kabiri n'enaama y'okuhuma kwa Israeli omu busingye obu. Abarooma 11:25, hamwe n'ekicweka ky'eishomo.

Eya kashatu, enaama ya kashatu n'enaama y'okutwarwa kw'abarikwera abahuriire omu bwire bw'aha muheru gw'obusingye obu. Abakorinso y'okubanza 15, kandi n'Abatesalonika 4:14 okuhitsya aha gwa 17.

Eya kana, enaama y'Ekanisa y'Endagaano Ensyu nk'Omubiri gumwe, gurimu Abayudaaya n'Abanyamahanga. Abaefeso 3:1 okuhitsya aha gwa 11, Abarooma 16:25, kandi n'ab'Abaefeso 6:19, Abakolosai 4:3.

Enaama ya kataano n'ey'Ekanisa nk'Omugore wa Kristo. Abaefeso 5:28 okuhitsya aha gwa 32.

Enaama ya mukaaga n'eya Kristo ohuriire, otahinduka, oku abaire ari nyomwebazyo n'eriizooba nikwo ari, kandi nikwo ariguma ebiro byona. Abagalatia 2:20, n'Abaheburaayo 13:8, n'emyanya mungi nk'egyo.

Enaama ya mushanju n'eya Ruhanga, niwe Kristo ohindukire omuntu ou Obwaruhanga bwona burikureebkyera omu mubiri gwe, Omuriwe harimu obwengye bwa Ruhanga bwona.

Kandi okutiina Ruhanga kugaruirwe abantu.

Enaama ya mwenda n'enaama y'obugomi, erikushangwa omu kitabo ky'Abatesalonika kya kabiri, n'ahandi.

Enaama ya ikumi n'ey'enyonyoozi mushanju z'omu kitabo ky'Okushuururwa 1:20. Niho tuherize kukirabamu, "Ezo nyonyoozi mushanju z'amakanisa mushanju, ezo ntumwa mushanju," n'ebindi.

Kandi enaama ya ikumi n'emwe ni Babulooni y'omubonano, ogwo maraaya. Okushuururwa 17:5 okuhitsya aha gwa 7.

86 Ezo ni zimwe aha naama ezi maraika ogu ashemereire kumariiriza, zonna "egyo naama," enaama zonna za Ruhanga.

Kandi n'ezindi:

Reka ngambe eki n'obucureezi, kandi ntarikwegambaho, kureka ningamba ahari Maraika wa Ruhanga.

Oruzaaro rw'enjoka, egyo n'enaama etuura esherekirwe, okumara emyaka mungi.

Embabazi, kugororwa, kutari okuhemuka, kureka embabazi zonyini, buzima.

Tihariho ekintu nka gehena Etahwaho, erikwaka omuriro. Oryasya kumara emyaka miriyoni na miriyoni. Kwonka, ekintu kyona ekyabaire kiri Ekitahwaho, tikkagiraga obutandikiro nari obugarukiro; kandi gehena ekahangwa.

Enaama ezi zonna!

Enaama y'okubatizibwa n'Omwoyo Orikwera, hatariho kukyamukirira, kureka Omuntu Kristo naakorera omuriwi emirimo niyo emwe ei Yaakozire.

Enaama y'okubatizibwa omu maizi. Ahu, aba tiriniiti abarikurengesereza bakuhikize omu byeterero bya "Ishebona, Omwana, Omwoyo Orikwera." Hamwe n'enaama y'Obwaruhanga erikuhikiirira omu kubatizibwa omu Iziina rya "Yesu Kristo," okruguiirira omu Kitabo ky'Okushuururwa, ei ekanisa omu bwire obu yaabaire eshemereire kwakiira.

Nzizo zimwe aha naama ezo.

Egyo Nyomyo y'Omuriro kugaruka. Amiina! Ekyo nikyo kintu ekishemereire kubaho, kandi nitukireeba.

87 Oo, ka nitubaasa kugumizamu, nitugamba ezo naama!

Kureeba egyo Nyomyo y'Omuriro eyaayebembeire Abaisraeli, Niyo emwe eyaateire Saulo ekamugwisa ahansi omu rugyendo rwe naashuumma Damasiko! Kandi Niyo emwe erikwija, n'Amaani nigwo gamwe, neekora ebinto nibyo bimwe, neeshuuura Ekigambo nikyo kimwe, kandi neeguma n'Ekigambo aha kindi hamwe na Baiburi!

Kuteera enzamba, nikimanyisa enzamba "y'Engiri." Kandi okwo kuteera enzamba, omuri Baiburi, nikimanyisa, "Yeteekateekyere orutaro rw'Ebyahandiikirwe." Murikukihandiika? Orutaro rw'Ebyahandiikirwe!

Paulo akagira ngu, eki ku muraabe nimwenda kukihandiika, Abakorinso y'Okubanza 14:8. Paulo akagira ati, "Enzamba ku eraagambe eiraka eritarikwetegyerezibwa, omuntu naija kumanya ata oku araayeteekyere?" Kandi ku eraabe etaine eiraka ry'Ebyahandiikirwe, erihamiibwe, o-okuhamibwa kw'Ekigambo kya Ruhanga kyorekirwe, nitwija kumanya tutu ngu turi omu bwire bw'emperu?

Ku eraagambe ngu nibaikiriza ngu Yesu Kristo tahinduka, oku abaire ari nyomwabazyo n'eriizooba nikwo ari, kandi nikwo ariguma ebiro byona, kwonka bakeehakana obumanyiso Bwe n'ebi'okutangaaza ebi eby'obuhangwa byona Byamwikiriize, kandi Ekanisa yoona Ekamwikiriza ahabw'ebi, nitwija kumanya tutu oku tureeteekateekye?

88 Hariho omuntu oizire n'ekipande kandi yaakiteera kyona; ondijo yaija, n'ekindi kintu, yaateera eki kyona, naahakanisa eki. Ondi yaija yaagira ngu n'Eki, yaagaruka ahari eki. Kandi abandi bahandiikire ebitabo, n'ebintu nk'ebyo.

Kwonka, Ruhanga aija omu Maani g'okuzooka Kwe! Mbwenu n'oha Oraakihakanise? Yesu Kristo ku araabe atahinduka, oku abaire ari nyomwabazyo n'eriizooba nikwo ari, kandi nikwo ariguma ebiro byona, Akora nk'oku Yaakozire nyomwabazyo, n'eriizooba n'ebiro byona. Ekyo nikyo maraika ogu ashemereire kukora, kukwata enaama ezo, ebyo ebyatsigaire biteegyesiibwe gye ebyahabiisize abantu.

Yetegyereze, ku eraagambe eiraka eritarikwetegyerezibwa, eritari ry'ebyahandiikirwe, n'oha orikubaasa kweteekateeka? Kwonka, enzamba, waayetegyereza, buri busingye, nk'oku mbagambiire aha kwija kw'ekanisa, hakabaho enzamba eyaagambire, Akamanyiso kaabambuurwa. Kandi enzamba neemanyisa orutaro. Ku eraabe etagambire eiraka ry'Ebyahandiikirwe, nihabaho ki?

Kwonka reka mbajutsye eki. Mutakifeerwa hati.

89 Yetegyereze, buri busingye bw'ekanisa bukaba bwine entumwa yaabwo. Ekyo nitukimanya. Paulo akaba ari entumwa y'okubanza. Kandi enzamba y'okubanza ku yaagambire, Akamanyiso k'okubanza kaabambuurwa. Paulo akaba ari entumwa y'okubanza, nk'oku tureebire. Akakora ki? Akarangirira orutaro aha (nki?) kanisa ya Orthodox, ahabw'okutaikiriza akamanyiso ka Mesia aku Yesu yaaboorekire. Ahabw'enki, bakaba bashemereire kukamanya. Bakaba bashemereire Kumumanya.

Mwijukye, Paulo akaija aha muheru gw'obusingye. Entumwa zoona zija aha muheru gw'obusingye. N'omu bwire bw'aha muheru, obu ebintu ebi bi-biraashoboororwe.

Paulo, ahabw'okumanya Ebyahandiikirwe, kandi ahabw'okumanya ngu Yesu akaba ari Mesia, akakabukira ezo sinagogi, omu myanya yoona, n'Ebyahandiikirwe, kandi buri emwe yaamubinga. Okuhitsya, aha muheru, obu yaakunkumwire omucuucu gw'omu bigyere bye atyo akahindukira Abanyamahanga.

90 Kikaba kiri ki? Okuteera enzamba; maraika, entumwa, eyemereire aho n'Ekgambo! Oo, mugyenzi! Ekyo mutakifeerwa hati. Ekgambo! Kandi Paulo, aine okushoboorora okutafungwire kw'Ekgambo kya Ruhanga, akakabukira sinagogi ezo zoona. Akakishashurira n'amagara ge.

Nitubaasa kushuma tuhikye ahari Irenaeus, ogwo, egoy ntumwa y'obusingye bw'ekanisa obwakuratsireho!

Kandi Martin Orikwera, obusingye bw'ekanisa obwakuratsireho, obu baatandika kutunga enyegyesa y'Abanikolaiti, yaatandika kutaahamu. Kandi bakakabukira obwo busingye. Martin Orikwera akakabukira obusingye bwe.

Reero bwanyima Luther, entumwa ya kataano, akakabukira egoy kanisa Enkatorika, n'Ekgambo kya Ruhanga. "Ohikiriire aryaba ohuriire ahabw'okwikiriza," nikwo yaagizire. "Kandi ogu ti mubiri gwonyini gwa Kristo," atyo yaanaga ahansi ako kagaati k'okushembeza, yaashohora yaakabukira egoy kanisa Enkatorika. Egoy nzamba ekagamba kurungi. Tikwo? [Abateeraine baagira bati, "Amiina." -Omur.]

91 John Wesley akaimuka, omu bwire bw'ekanisa ya Angilikaani. Baagira bati, "Ahabw'enki, tihakiriho endijo nshonga y'okutuma twatunga okusisiimuka," etyo yaahora buzima. Kwonka John Wesley akeemerera, n'obutumwa bw'omurimo gwa kabiri gw'embabazi, okwezibwa, reero yaakabukira egoy kanisa ya Angilikaani n'enzamba y'Engiri, yaayeteekatekyera orutaro. Ekyo kihikire. Akakikora.

Hati turi omu busingye bwa Laodikea, obu bagarukire bakakoram ekombe ky'ediini; Abametsodisiti, Ababaputisiti, Abapuresibateeri, Abaaluteeri, Abapentekoote. Kandi tutegyereze nabi kwija, kukabukira obusingye obu, n'okubahindura akabaiha omu bugomi bwabo.

Hati, egoy ku eraabe niyo etwira eri entwaza, omu busingye bwona, tugire ngu Ruhanga naija kuhindura aha ntwaza Ye omu bwire obu? [Abateeraine baagira bati, "Ngaaha." -Omur.] Tarikubaasa kugihindura. Naateekwa kugumya egoy ntwaza y'obutoosha.

Kandi mwijukye, egi ntumwa ekaba eri maraika owa mushanju, kandi akaba naaza kukwata enaama zoona azishoroza.

92 Yetegyereze, ogwo maraika wa mushanju akaba ari ow'okukabukira ekanisa ya Laodikea, ekanisa entungi. "Ndi omutungi, ntungire bingi, tiinyine ki nkycenire." Akagira ati, "Ori enshoberwa y'okusaasirwa, omworo, empumi, ojwaire busha, kandi torikukimanya." Obwo nibwo bwabaire buri Obutumwa bwe.

Ai Ruhanga, twoherereze nabi otaine bwoba oine OKU NIKWO MUKAMA ARIKUGIRA, ou Ekgambo kya Ruhanga ekihamiibwe kiraakoreremu, kikahamya ku atumirwe Ruhanga. Kandi ku araije, naija kukabukira obwo

busingye. Buzima naija kukikora. Naija kutuma egoy kanisa ya Laodikea yaamwanga. Buzima, naija kutuma yaamwanga. Bakakikora omuri buri busingye. Tikirikuza kuhinduka omuri obu. Nikiteekwa kuba kityo.

93 Yetegyereze, hati, ekanisa ya Laodikea. Ego ntumwa (neija kumariira) eza Laodikea, maraika owa mushanju, naija kumariira enaama zoona ezaaburiire omu ntaro, obunyakare, ahabw'Amazima.

Luther akaimuka, kwonka akaba ataine Amazima goona, akaba aine okwihwaho orubanja kwonka. Kare.

Bwanyima haija endijo ntumwa, erikwetwa John Wesley, aine okwezibwa. Akaba Atagaine. Baiburi nikwo erikugira. Ekanisa ya Filadelufia!

Bwanyima haija ekanisa y'obusingye bwa Laodikea, n'okubatiza kw'Omwoyo. Kwonka Bakakuzambaaza kwona, kandi baagarukira kimwe omu migyzenzo nk'oku baakozire omurundi gw'okubanza.

Kunu, "Akaba ari ow'okureebwa nka Alufa na Omega," omukono Gwe gugoroire oku n'oku, "Ow'okubanza kandi Ow'aha muheru.

94 Omwoyo We akaija aha Kiro kya Pentekoote kandi yajura ekkyo kibiina.

Mpora mpora ekanisa ekooma, okuhitsya obu yaahikire omu busingye bw'omwirima. Ebyo Bikondo by'etabaaza Mushanju eby'Ezaabu, obusingye mushanju bw'ekanisa, obw'aha muheru nibwo bwabaire Bumuri hare munonga okukirayo. Ego ekaba eri ruku- . . . haihi emyaka rukumi y'obusingye bw'omwirima, bw'ekanisa Enkatorika.

Luther akatandika kureeta omushana ogwakuratsireho, gukeeyongyeraho kakye kushushana n'Ekigambo.

Omushana ogwakuratsireho, gukeeyongyeraho kushushana.

Omushana ogwakuratsireho, ogwa Laodikea. Bwanyima gukagarukira kimwe gwaba nk'oku gwabaire guri, omu kubanza, gwagiira kimwe omu muzambaaro nigwo gumwe ogu gwabaire gurimu omu kubanza. Nimureeba eki ndikumanyisa? [Abateeraine baagira bat, "Amiina." -Omur.]

95 Hati mureebe. Hariho Amazima maingi agaaburiire okwo, (ahabw'enki?) ahu abandi baafungwire Amazima. Kwonka maraika wa mushanju ogu tarikufungura ekintu kyona. Naashoroza byona ebyatsigaire biteegyesiibwe gye, byona abishorooreza hamwe. Kandi ku ariteera enzamba, "Enaama yoona ya Ruhanga eryahikiirizibwa." Ai! Ruhanga, mwohereze. Enaama zoona ezaasherekirwe ziryahikiirizibwa obu, we, Arizishuuruurirwa. Naki? Ezi ku ziraabe ziri enaama ezaasherekirwe, ogwo mushaija naateekwa kuba nabi. Tituherize kubirabamu tukareeba ngu nabi ogwo, oriija omu busingye bw'aha muheru, naija kuba ari ogwo Eliya mukuru ou tutwire tutegyereize? [Abateeraine baagira bat, "Amiina." -Omur.] Ahabw'okuba, enaama ezi ezaasherekirwe, abakugu omu by'ediini, niziteekwa kushuuruurwa; Ruhanga. Kandi Ekigambo kiija ahari nabi wenka. ["Amiina."] Kandi nitukimanya. Naija kuba Eliya owa kabiri, nk'oku kyaraganisiibwe. Oo, mugyensi! Obutumwa obu ari-arikwija kureeta nibwija kuba buri ezo naama, zoona, ebintu ebi byona.

96 Twine okubatiza omu maizi. Kwona n'orujwangye. Ekyo kihikire. Omwe naamiishiiraho amaizi; ondijo naashukaho amaizi. Omwe naatwara "Ishebona, Omwana, Omwoyo Orikwera." Ondijo atwara eki. Omwe naabatiza emirundi eshatu, naagarura omu maisho; ahabwa, omurundi gumwe ahabwa Ruhanga orikwetwa "Ishebona," ogundi murundi ahabwa Ruhanga orikwetwa "Omwana," ogundi murundi ahabwa Ruhanga orikwetwa "Omwoyo Orikwera." Ondijo naagira ati, "Ogwire. Ashemereire kubatiza naagarura enyima, emirundi eshatu, omuringo ogwo." Kandi, oo, ka n'omuzambaaro!

Kwonka ekintu kyona kyaherize kutereezibwa, ahabw'okuba hariho Ruhanga omwe wenka, kandi Eiziina Rye ni Yesu Kristo. "Kandi tihariho rindi Iziina ahansi y'Eiguru erishemereire kujuna abantu." Tihariho Ekyahandiikirwe kyona, hoona omuri Baiburi, ahu omuntu weena arabatiziibwe omu muringo ogundi kureka omu Iziina rya Yesu Kristo. Tihariho omurundi na gumwe ahu Ekanisa nsya, nari Ekanisa ya Yesu Kristo, eramiishiireho amaizi, erashukireho amaizi, nari ekindi kintu kyona. Tihariho omurundi na gumwe obu omukoro gurakoresiibwe ngu, "Ninkubatiza omu iziina rya Ishebona, Omwana, Omwoyo Orikwera." Ebyo n'eniyikiriza z'amadiini n'ebindi bintu.

Kandi omu rugamba rw'okurwanira Amazima ebyo ebitarashoboroirwe gye bikabura, kwonka Ruhanga akagira ngu biryagarurwa busya ogundi omurundi omu biro by'aha muheru. "Ndyagarura busya," nikwo Mukama arikugira. Ekyo tukakirabamu, enshumi nkye ehangwire, Omuti Omugore.

97 Nikiija kwetengyesa nabi. Baiburi neegira ngu aryaija. Ekyo kihikire. Malaki 4, nihagira ngu aryaija, kandi nitwikiriza ngu aryaija. Tumutegyereize. Kandi tutegyereize okushuuruurwa kwe, kandi nituza kureeba Ekigambo kya Ruhanga ekihamiibwe.

Ni bakye munonga Abarikyetegyereza. "Nk'oku kyabaire omu biro bya Noa, nikwo kiriba n'omu kwija kw'Omwna w'omuntu." Hakajunwa bangahi? Abantu bataano . . . Omu biro bya Looti, abaajunirwe ni bashatu bonka. Omukazi we akatandika, kwonka yaaremwa. "Nikwo kiriba n'omu kwija kw'Omwna w'omuntu." Ni bakye munonga abaryajunwa, abaryatwarwa obwire obwo; emwe aha naama, y'okutwarwa kw'egyo Kanisa. Nk'oku Looti

yaatwairwe, nk'oku Looti yaatwairwe akaihwayo; Noa akatwarwa; n'Ekanisa nayo, eryatwarwa. Omwe akataahamu; ondijo yaashohora; kandi Ondijo aryatwarwa omu kaabunga. Mwareeba? Buzima kwo, kihikiire kimwe.

Ekigambo nikiija.

98 "Ekitabo ekihandiikirwe omunda," obwo nikiba kyahwa obu eki, enaama ezi zonna ku zirikuheza kugambwa. Hati ka ngarukye nkishome, hati, nikwo mukihamye. Hati mureebe.

Kwonka omu biro ebi maraika owa mushanju (maraika w'aha muheru) ariteereramu enzamba ye, enaama ya Ruhanga eryahikiirizibwa, . . .

Hati, "enaama ya Ruhanga" niki, emwe aharizo? Paulo akagamba, omuri Timoseo y'Okubanza 3, niinyikiriza niho, akagira ati, "Kandi Tihariho kubanganisa, enaama y'Obwaruhanga ni nkuru buzima; ahakuba Ruhanga akoorekwu omu mubiri, (Tukamukwataho, Twamureeba), yaatwarwa omu Iguru kutaaha omu kitinisa, yaareebwa Baamaraike, yaahamibwa hanu omu nsi." Ruhanga akahamibwa! Buzima, n'enaama nkuru, kwonka yoona yaaherize kushoboororwa. Tari "Isheboona, Omwana, n'Omwoyo Orikwera," Baaruhanga bushatu; kureka, Ruhanga omwe omuri ofiisi ishatu. Omu kuba Isheboona, ahansi ya Musa; omu kuba Omwana ahansi ya Kristo; Omwoyo Orikwera, ahansi y'obusingye obu. Obusingye bushatu bwa Ruhanga ogwo omwe; atari Baaruhanga bushatu. Egi naama ehikiriziibwe hati. Baiburi neegira ngu eryahikiirizibwa Obu ogwo . . .

99 Nkareeba, ekiro kiri, ahu sayansa erikugyezaho kumpakanisa, omu ki baabaire bagamba, ku naagizire nti, "Omuntu weena orikwikiriza ngu Haawa akarya ekijuma kya apo!" Hati sayansa yaabo neegira ngu, mukareeba omu rupapura rw'amahurile ekiro kiri, emitwe mikuru neegira eti, "Haawa akarya ekijuma kya apurikooti." Obusheema. Ekyo-ekyo kikaamubeihabeihire? [Abateeraine baagira bati, "Ngaaha." -Omur.] Buzima ngaaha. Mwareeba? Niba . . . Ekyo-ekyo nikyo Kaini yaatekateekire, nimumanya, kandi akagaruka yaareeta ekintu nikyo kimwe, kwonka Ruhanga tiyaasiima ekitambo kye. Kwonka Abeeli, ohikiriire, akakishuuuurirwa ngu, "Ekaba eri eshagama," reero yaareeta eshagama.

Ai Ruhanga, egi kanisa n'obusingye obu tutwiremu!

100 "Ekitabo ekihandiikirwe omunda" obwo nikihikiirizibwa maraika ogu ku arikureka, (hati nyaabura 'mwe mwetegyereze eki), Obutumwa bwa maraika owa mushanju ku buraahwe; enaama y'Obwaruhanga, enaama y'oruzaaro rw'enjoka, enaama zonna ezindi z'ebintu ebi byona.

Okuba Omwana Otahwaho, nk'oku bagamba. Naabaasa ata kuba Omwana Otahwaho, kandi Obutahwaho butagira obutandikiro n'obu bwakuba obugarukiro na kakye; kandi omwana kiri ekintu ekirikuzaarwa? Nikibaasa kita kugira amakuru?

Nihabaasa hata kubaho gehena Etahwaho, kunu gehena yaahangirwe? Niinyikiriza omuri gehena erikwaka omuriro. Buzima, Baiburi nikwo erikugira. Kwonka, n'ey'okuhwerekyereza. Baiburi neegira eti, "Aine omugisha ogwo otaine omugabo omu kufa kwa kabiri." Mwareeba? Mwareeba, okufa kwa Kabiri tikuryakuhwerekyereza. Okw'okubanza n'okw'omubiri. Okwa kabiri n'okufa kw'omwoyo, obu byona birikuhwa. "Omwoyo ogurukukora ekibi, omwoyo ogwo guryafa." Oryafubirwa ahabw'ebibi byawe, obundi okumara emyaka amagana n'amagana, emyaka enkumi n'enkumi. Kwonka tiharikubaasa kubaho gehena Etahwaho, ahabw'okuba Baiburi neegira ngu gehena ekahangwa. Neebaasa eta kuhangwa kandi ekaba Etahwaho? Ku haraabe haarabaireho . . . Baiburi neegira eti, "Gehena ekahangirwa Sitaane na baamaraike be." Reero, ku eraabe yaahangirwe, terikubaasa kuba Etahwaho. Habw'okuba, Okutahwaho, ekintu kyona Ekitahwaho, tikikagiraga obutandikiro n'obu gwakuba omuheru.

Okwo nikwo tutarikubaasa kufa na kakye, ahabw'okuba tukaba turiho obutwire bwona. Turi orugingo rwa Ruhanga, oruzaaro rwa Ruhanga, kandi Niwe kintu kyonka Ekitahwaho ekirih. [Ow'eishe-emwe Branham yaakongoota aha kituuti kashatu -Omur.] Amiina. Torikubaasa kufa nk'oku na Ruhanga atarikubaasa kufa, ahabw'okuba ori Otahwaho, hamwe Nawe. Amiina! Reka kiije! Haleluya! Egi nju y'endwara ekuzire eri nk'eyaatandika kundusya, oku biri kwona.

101 Yetegyereze, "Ekitabo ekihandiikirwe," maraika ogu ku araamariirize enaama ezi zonna ezaatsigaire ziteegyesibwe gye omuri oru rugamba oru baarwaine, oru Luther yaarwaine, kandi oru Wesley yaarwaine, n'Abapentekoote oru barwaine. "Kwonka hariho ondijo orikwija," Baiburi nikwo erikugira, "ngu omu biro ebi ariteereramu enzamba ye, enaama ezi zonna . . ." Ab'obumwe bakairuka n'Eziina rya Yesu; ab'obushatu baagyenda na Isheboona, Omwana, Omwoyo Orikwera, nk'oku baakozire omu Rukiiko rwa Niika, ekintu nikyo kimwe; boona bakahaba. Kwonka, hati, ahagati y'omuhanda, omu Byahandiikirwe, harimu Amazima. Nimureeba ahi turi? Maraika wa Mukama!

102 Yetegyereze Okushuuuurirwa 5:1. Hurikiza eki hati.

Kandi omu mukono gwa buryo gw'Ogwo oshutami aha kitebe ky'obukama naareebamu omuzingo gw'ekitabo ekihandiikirwe omunda (ebihandiiko bikaba biri omunda) n'enyima, kandi kikomirwe n'obumanyiso mushanju.

Hati, hariho ebihandiiko omunda y'ekyo Kitabo. Kwonka, enyima hakaba hariho Obumanyiso Mushanju,

enyima Yaakyo, obwabaire butahandiikirwe omuri ekyo Kitabo. Hati, ogu orikugamba n'omushuuruuzi, Yohaana. Hati, mwijukye, Bukaba butahandiikirwe omuri ekyo Kitabo. "Kandi omu biro by'eiraka rya maraika owa mushanju, enaama egi yoona ehandiikirwe omunda eryahikiirizibwa." Eryamanywa, omu biro ebyo. Hati nimureeba eki ndikumanyisa? [Abateeraine baagira bati, "Amiina." -Omur.] Munkuratiire? ["Amiina."] Obwo nibwo bwire bw'okushuuruurwa kw'amaraka mushanju g'omu kitabo ky'Okushuuruurwa 10. Ekyo Kitabo ku kiraahwe, hariho ekintu kimwe kyonka ekiraabe kitsigaire, kandi ekyo n'ago maraka agatarikumanywa g'ebiruhinda mushanju ebihandiikirwe enyima y'ekyo Kitabo, ebi Yohaana yaazibiirwe kuhandiika. Ka nkishome.

Kandi nkareeba maraika, maraika ow'amaani naashuuma naaruga omu iguru, ayefubikire ekicu, n'omuhanganzima guri ahaiguru y'omutwe gwe; ah'amaisho ge nihaaka . . . nk'eizooba, n'amaguru ge nk'enyomyo z'omuriro.

Akaba aine omuzingo gw'akatabo kashuurwirwe omu ngaro ze. . . . (Mwareeba, hati mureebe eki.) . . . Yaata ekigyere kye kya buryo aha nyanja, . . . n'ekya bumosho . . . aha nsi;

Yaagamba n'eiraka rihango nk'oku entare etsinda; kandi ku . . . yaagambire, ebiruhinda mushanju byagamba. (Mureebe.)

Ku byaherize kugamba, naayenda kuhandiika: . . .

Hariho ekyagambirwe. Rukaba rutari orwari kwonka. Hariho ekyagambirwe. Akaba naayenda kuhandiika.

. . . kwonka naahurira eiraka niriruga omu iguru, nirigira riti, . . .

103 Reeba ahu ago maraka gaabaire gari, ag'ebyo Biruhinda. T'omu Iguru; n'omu nsi! Ebiruhinda tibragambiire omu Iguru. Bikagambira omu nsi.

. . . kandi naayenda kuhandiika; kwonka naahurira eiraka niriruga omu iguru, nirigira riti: Koma (enyuguta mpango K-o-m-a), Koma n'akamanyiso ebyo bigambo ebyagambwa ebiruhinda mushanju; otabihandiika.

Biri enyima, Ekitabo kyaheza kuhikiirizibwa. Taragizire ati, "Omu maisho." Akagira ati, "Enyima," ahanyima ya Byona kukorwa, kuhikiirizibwa. Reero, amaraka g'Ebiruhinda Mushanju ebi nikyo kintu kyonka, ekiri omuri eki Kitabo, ekitashuurwirwe. Nangwa tigahandiikirwe n'omu Kitabo.

Oo, mugyenzi! Nkaabaasibwa ki nkyengyesa abantu ekintu ekyo, reero buzima babaasa . . . Mutaremwa. Muta, mutaremwa. Nyaabura 'mwe mutaremwa, omurundi ogu. Ndi haihi kubatsigaho. Mutaremwa. Ku muraabe muarahurikiize, muhurikize!

Obumanyiso obu buri enyima y'ekyo Kitabo. "Kandi omu bwire obu maraika owa mushanju ariba naateereramu enzamba ye, enaama zonna ezihandiikirwe omu Kitabo ziryahikiirizibwa." Kandi ahonaaho ekyo Kitabo, ekyabaire kishuurwirwe kandi kihandiikirwe omunda, ku kiraashwekwe, "Enaama za Ruhanga nizihikiirizibwa." Kandi ezi nizo naama za Ruhanga: okutwarwa kw'Ekanisa, n'ebintu ebi ebendi byona. "Enaama zihweire."

104 Maraika owa mushanju ogwo ku araateere enzamba ya buri naama, nikiba kyahwa. K'abe oha, ka kibe ki. Ekigambo kya Ruhanga tikikaaremwa. Kandi Akagira ati:

Kwonka omu biro ebi maraika owa mushanju ariteereramu enzamba ye, enaama ya Ruhanga eryahikiirizibwa, nk'ebigambo ebirungi oku biri ebi yaagambiire abaheereza be baanabi.

Ebintu ebyo byona, nka, oo, Rooma kuba ma-maraaya, n'amakanisa goona g'Abapurotestante, ebigombe by'amadiini kwekoramu ebigombe nkawe, bihindukire abashambane be. Mwareeba? Enaama ezo zonna, ezi baanabi baagambireho, nizija kushuuruurwa hanu hanu omu shaaha egi y'aha muheru.

Kandi maraika owa mushanju ogu ku aryaimuka omu busingye bwa Laodikea haza akatandika kuteera Enzamba y'amazima, ahaw'okuba Nigaija kuba nigahakanisa, tibarikwija Kugaikiriza. Buzima tibarikwija Kugaikiriza. Kwonka, naija kuba ari nabi oshukirweho amajuta, ahaw'okuba tihariho ogundi muhanda gw'Okugeetegyereza.

abantu bagyezaho kwetegyereza obushatu, kandi bamera enju bagwa n'eiraro. Tihariho n'omwe orikubaasa kubwetegyereza. Na hati nibaikiriza ngu Haawa akarya ekijuma kya apo, n'ebyo bintu byona. Ahaw'okuba, n'omugyzenzo ogu abantu baaramatiireho, nk'oku Yesu yaashangire ekanisa.

Kwonka naateekwa kuba nabi orikwebemberwa Ruhanga, kugira ngu Ekigambo kya Ruhanga kimwizire, n'okushoboorora kw'amazima g'okushuuruurwa kwa Yesu Kristo. N'ahaw'ekyo, obwo, ni-nikiteekwa kuba kityo. Ruhanga atuhwere!

105 Hati, "Ku ariteera enzamba ye," hati, ekyo ni OKU NIKWO MUKAMA ARIKUGIRA. Ekyo nitukyetegyereza kurungi. Ku ariranga Obutumwa bwe, akarangirira orutaro; nk'oku Paulo yaakozire aha ba Orthodox, nk'oku abandi boona baakozire, nka Luther, Wesley, nibahakanisa ebibiina by'amadiini. Ku arirangirira orutaro,

akabagambira ati, "Nibabeiba, kandi tigari Mazima! Kandi nibabeiba abantu!" Ku ariteera Egyo nzamba, torikubaasa kuremwa. Tikiriremwa, ahaw'okuba naija kuhamibwa Ekigambo kya Ruhanga. Buzima nimwija kumanya Eki kiri. Kandi ku araakikore, naija kuteera enzamba ye, kweta ngu barugye omuri Babulooni, "Mururugyemu, imwe bantu bangye 'mwe, mutakaakwatanisa narwo omu bibi byarwo." Ai Ruhanga, mwohereze! Mutakifeerwa.

106 Hati, "Ku aritandika kuteera enzamba ye, enaama eryahikiirizibwa." Hati, reeba, obwo obwire nibuba bwahika bw'okushuururuwa kw'amaraka g'Obumanyiso Mushanju, bw'omu Kushuururuwa 10. Mwayetegyereza? [Abateeraine baagira bat, "Amiina." -Omur.] Enaama zonna z'omu Kitabo ku ziraabe zaahweire! Kandi Baiburi neegira, hanu, ngu aryahikiiriza ezo naama.

Kunu, abantu enyima okwo omu busingye obundi baarwaniriire Amazima. Bakarwanira okwihwaho orurbanja. Baagumizamu obwire bukye. Okwezibwa! Baarwanira eki, kandi baarwanira kiriya. Baarwanira eki. Bakakora ki? Bakahindukira kyarimwe baakoramu ekibiina ky'ediini, ekintu nikyo kimwe. Abapentekoote, n'Ababaputisiti, Abapuresibateeri, Abaaluteeri, buri omwe, akakora ekintu nikyo kimwe, bakahindukira kyarimwe baakora ekintu nikyo kimwe.

Kandi Baiburi neegira, omu Kushuururuwa 17, ngu ekyo nikyo barikora, nyina wa baamaraaya owa ira n'abahara be, "BABULONI, EY'OMUBONANO."

107 Baiburi neegamba, hanu, ngu egoo eryaba emwe aha naama ezirishuururuwa. Abapurotesitante, baamaraaya, "nibashambana omu buryo bw'omwoyo," nibeebembera abantu omu bigombe by'amadiini, "n'ekikopo kyabo ky'obugomi," ky'enyegyesa ezigunzirwe abantu; n'okubashahura kubaiha aha nshuro ejewire Eshagama, ahu Amaani ga Ruhanga ow'Obushoboorozi bwona gahimintika gatarikuzibirwa kworeka Yesu Kristo. Ago n'amazima. Kandi, Ruhanga naija Kukishagika, kandi Yaaherize kukikora, kandi Naija kugumizamu Naakikora. Kwonka, ekyo ku kiraabeho, Ekigambo nikihikiirizibwa.

Hati hariho ekintu kimwe kyonka ekitsigaire, ekyo n'Ebirikuhinda Mushanju, ebi tutarikumanya. Kandi tibirikubaasa kuba byahindiire busha.

Ruhanga takaakora ekintu naazaanazaana. Itwe tuzaana kandi tukora eby'obushema, kwonka Ruhanga ebyo tabikora. Buri kintu ahari Ruhanga ni "Eego" na "Ngaaha." Tabeiha. Tazaanazaana. Amanyisa eki Agamba. Kandi Tagamba ekintu kyona kureka kyaba kiine amakuru.

108 Kandi Ebirikuhinda Mushanju, hanu honyini omu kushuururuwa kwa Yesu Kristo, N'enaama. Baiburi terikugira ngu Oku "N'okushuururuwa kwa Yesu Kristo"? [Abateeraine baagira bat, "Amiina." -Omur.] Ahabw'enki, harimu enaama esherekirwe, obwo, Yaakyo. Ha! Niki? Ebyo Birikuhinda Mushanju Bikiine. Ahakuba, Yohaana akaba naayenda kuhandiika, kwonka Eiraka ryaruga omu Iguru, ryagira riti, "Otakihandiika. Kureka, Kikome n'akamanyiso. Kikome n'akamanyiso. Kite enyima y'Ekitabo." Nikiteekwa kushuururuwa. N'ezo naama.

Hati, tukashoboorora ebintu ebi, nituhwerwa Omwoyo Orikwnra, yaatugambira ngu, "Tibirabaire ebijuma bya apo. Kukaba okumanya omu by'omubonano." Akatugambira ebintu ebi. Tiuhane n'omwe orikubaasa Kumaza omu kaszo. Tinkareebahoga omubuurizi, omu magara gangye, oraikirizaine Nakyo. Kwonka, mbabuuza.

109 Nimumanya, omuri Chicago, obu tubeemerera omu maisho, nk'ababuurizi magana ashatu na makumi ataano. Imwe bakazi 'mwe hanu okuruga Chicago, mukaba muriyo, mukakihuriraho.

Kandi Mukama akangambira, ebiro bishatu kitakabaireho, yaagira ati, "Nibaza kukutega omutego." Yaagira ati, "Yemerera aha dirisa aha reero Nkwarekye." Yaagira ati, "Omw. Carlson na-na Tommy Hicks nibaija kukubugana nyencakare omu kasheeshe, nibenda ngu muze ahari kyantsya. Kwonka ogambire Tommy atagyenda. Kureka," yaagira ati, "oku nikwo biraije kuba. Obagambire ngu tibarikwija kuteeranira omuri ogwo mwanya ogu barikuteekateekaho. Nibaija kuza omu mwanya ogundi." Yaagira ati, "Otatiina. Niinyija kuba naiwe." Ekyo ni kirungi munonga ahariinye.

Akasheeshe akaakuratsireho, Omw. Carlson, purezidenti wa Full Gospel Business Men, akaija, yaagira . . . yaanyeta, yaagira ati, "Ow'eishe-emwe Branham, niinyenda nze kurya kyantsya naiwe."

Naagira nti, "Kare." (Naagira nti, "Reeba Tommy Hicks naija kubayo, nawe.")

Twashuma omuri Town And Country, reero yaagira ati, "Mbweni, Ow'eishe-emwe Branham," yaagira ati, "oo, ogu n'o . . ."

Naagira nti, "Tommy, noobaasa kumpwera?"

"Buzima, Ow'eishe-emwe Branham."

Naagira nti, "Togamba omu mwanya gwangye?"

Yaagarukamu ati, "Oo, Ekyo ti-ti nkaabaasa kukikora."

Naagira nti, "Ahabw'enki? Ndi omwegi w'ekibiina kya mushanju kyonka, kandi ni-niinyija kugamba . . .

Nimbaasa kugamba empire omu mwanya gwa umpire. Waareeba? Tindikumanya kugamba omu maisho gaabo. Kandi nihaija kubayo Abaheereza b'Ekihiina kya Greater Chicago. Ninja kugamba nta omu maisho gaabo, n'obwegyese bwangye bw'ekibiina kya mushanju, Tommy? Ori Dokita w'eby'Ediini." Naagira nti, "Noomanya kugamba. Tindikumanya."

Yaagira ati, "Ow'eishe-emwe Branham, tinkaabaasa kukikora."

Naagira nti, "Ahabw'enki? Nkuhwereire emirundi mungi." Kandi naakimworekyera kimwe.

Reero Ow'eishe-emwe Carlson yaagira ati, "Oo, Ow'eishe-emwe Branham, takaabaasa kukikora."

Naagira nti, "Ahabw'enki?"

Yaagira ati, "Mbweni, we, e-e-e-e . . ."

Naagira nti, "Nimumanya enhonga? Enshonga nimugimanya, kwonka timurikwenda kungambira. Bantegire omutego."

Naagira nti, "Ow'eishe-emwe Carlson, mutungire ekishengye kya hooteeri eriya, tikwo, ahu twakoreire obugyenyi buriya?"

"Eego."

Naagira nti, "Timurikuza kikitunga."

Yaagira ati, "Mbweni, Ow'eishe-emwe Branham, naaherize kushashuraho omusingo."

110 Naagira nti, "Tindikufayo eki mukozire. Tiharikuza kuba aho. Ekyo n'ekishengye kisiigire erangi ya kinyaatsi. Nituza kuba omu kishengye kisigiire erangi ya burawuni. Ninja kuba ndi enyima omu nshonda. Dokita Mead naija kuba ashutami aha gwa buryo. Ogwo mushaija w'omwigraju n'omukazi we nibaija kushutama hanu, na nanka na nanka. Nihaija kubaho omunyamurwa wa Buddha ashutami hare munonga aha mukono gwangye gwa buryo," kandi n'oku barikwija kuba bajwaire.

Kandi naagira nti, "Noomanya eki kiri, Tommy. Ori . . . Ekihiina ky'Abaheereza ba Greater Chicago nikiza kumpakanisa aha 'kubatiza omu Izina rya Yesu Kristo.' Ekihiina ky'Abaheereza ba Greater Chicago nikiza kumpakanisa aha 'kamanyiso k'Omwoyo Orikwera,' okugamba omu ndimi. Nibaza kumpakanisa aha 'ruzaaro rw'enjoka,' n'aha kubuurira 'embabazi.'"

Tommy yaagunura amaisho, reero, yaagira ati, "Ya maawe!" Yaagira ati, "Nintekateeka ngu n'okuzayo tinkizayo."

Naagira nti, "Yee, ozeyo."

111 Kandi eizooba eryakuratsireho, omuntu owaabaire ahairwe omusingo, yaamugarurira ogwo musingo, yaagira ati, "Twine ekibiina ky'abateezi b'ebyoma by'okuzina dansi, bakaba baakishashuriire, kwonka twayebwa kandi ekyo tukaba tukirugireho. Mbweni tuyemirwe kukiha ekibiina ky'abateezi b'ebyoma by'okuzina dansi, n'ahabw'enki timurikubaasa kikitunga." Reero twaza okwo omuri Town And Country.

Nkataahamu, akasheeshe aka, reero aho boona baayemerera. Ku naashutamire enyima y'emeeza okwo aha muheru, ntegyereize, ku baaherize kurya kyantsya, naabareeba embaju zonna batyo. Tukariira kyantsya omu kishengye. Twakirugamu, twashutama aho, reero aho hakaba hariho Ekihiina ky'Abaheereza ba Greater Chicago. Naabareeba embaju zonna. Buri omwe yaayeyanjura nka Dokita Ph.D., L.L., Q.U.S.T., n'ebantu nk'ebyo byona. Nkashutama kwonka naabahurikiza, okuhitsya obu baamazire.

112 Reero Ow'eishe-emwe-Ow'eishe-emwe Carlson yaayemerera. Yaagira ati, "Mafura 'mwe . . .'"

Kandi mwena nimumanya Hank Carlson. Kandi, ari aho, mumubuuze. Mpaho, mukiine aha rutambi rw'amaraka hanu hanu. Ku muraabe nimwenda kugura orwo rutambi rw'amaraka, ruri hanu. Abojo barwine.

Yaagira ati, "Mafura mwe," yaagira ati, "nimbanjurira, orikukurataho, Ow'eishe-emwe Branham." Yaagira ati, "Mwena nimubaasa kutaikirizana nawe, aha Nyegyesa ye, kwonka reka ngire eki naabagambira. Ebiro bishatu ebihweire, tukashutama omu mwanya gumwe, kandi omushaija ogwo ku araabe atarangambiire buri kintu ekyabaho akasheeshe aka, biri tarinye oyemereire aha. Akangambira ngu mwena mweteekateekire kumubuza aha Nyegyesa ye. Kandi yangambira ngu ninza kushazamu omwanya guri, kandi tube hanu. Kandi yangambira buzima ahu Dokita Mead n'abantu aba baabaire nibaija kuba bashutami, buzima kwo, mbweni mbaba hanu." Yaagira ati, "Nimubaasa kutaikirizana nawe, kwonka, ka ngambe ekintu kimwe, n'emanzi aha ki arikuteekateeka."

Yaagira ati, "Hati, Ow'eishe-emwe Branham, orubuga n'orwawe."

113 Naagira nti, "Tutakatandikire . . ." Nkashoma eki naashoma akasheeshe aka, "Tindagomeire kworekwa okwo okw'omu Iguru." Naagira nti, "Hati reka tumare eki. Hati, imwe mwena nimugamba ku muri Baadokita abatendekirwe omu by'Ediini; kwonka nyowe nyemereire hanu nyenka." Naagira nti, "Ekyo ku kiraabe kiri kityo,

nimwenda kumbuuza aha kubatiza omu Iziina rya Yesu. Twaza kutandika n'ekyo okubanza. Niinyenda ngu omwe omuriimwe bashaija 'mwe areete Baiburi ye ayemerere hanu aha rubaju rwangye, aha kintu kyona eki nyegyeise.' Naagira nti, "Ayemerere hanu aha rubaju rwangye, kandi, n'Ekgambo kya Ruhanga, Akihakanise." Naategyereza. Tihariho n'omwe owaagambire ekintu kyona. Naagira nti, "Niinyenda ngu omwe omuriimwe bashaija 'mwe kwija akeemerera aha rubaju rwangye.' Naagira nti, "Mubaire ki? Kyaba kiri kityo, murekye kunteganisa, ku muraabe nimutiina kwemerera hanu aha rubaju rwangye."

Tiinie ou baatiinire; n'ogwo Maraika wa Ruhanga ow'Obushoboorozi bwona. Ou, barikumanya ngu, ku Araabe yaabaasize kungambira ntakaizire . . . bakaba baine obwengye bwingi okukira oku naabaire nintekateeka. Tibareehangire kwemerera aho. Ahaa.

114 Nimumanya, mubaire omu bwire, omu bwire nk'obwo, naimwe. Kwonka tibarakikozire. N'enki ekishobire, ku kiraabe kiri kikuru munonga kityo, kandi barikumanya ngu n'amazima gonyini?

Nkakita aha rutambi rw'amaraka, n'ahandi hoona; nyeteekateekire kukigambaho, omu muringo gw'Ekikristaayo, n'ow'eishe-emwe weena. Tindikwija kuteera empaka n'omuntu weena; kwonka niinyenda mwije, Mukihakaniseho ekintu kyona, n'Ekgambo. Atari n'ebitabo byanyu, hati; atari oku Dokita Nanka na nanka, nari Orikwera Nanka na nanka yaagambire. Niinyenda kumanya eki Ruhanga yaagambire. Ogwo nigwo musingye. Niinyenda kumanya Ekyo eki kiri. Tibarikukikora.

115 Hati, reeba, ku buraaahikye obwire bw'ago maraka mushanju. Obwo obwire nibuba bwahika bw'ago maraka mushanju, ekyo Kitabo ku kiraahwe, ky'omu kitabo ky'Okushuururwa 10 kushuururwa. Hati yetegyereze. Hurikiza.

Hati, tindikuza kubakyereza obwire bwingi munonga. Nimmanya ngu nimbarusya, hanu. Habuzireho edakiika makumi abiri kuhika shaaha ina. [Abateeraine baagira bati, "Ngaaha. Gumizamu!" -Omur.] Muhurikize mutaireho omutima hati. Nimmanya, mwemereire, kandi mwena nimuza omu mbu z'okushutama n'ebindi. Ninza kushemererwa ekanisa ku eraahwe nikwo turekye kumigana. Nitubaasa kumara eizooba ryona Kukibuurira.

Hati yetegyereze. Hati reeba. Ago maraka mushanju gakaba gari ebirikuhinda, ebirikubaruka.

Ai Ruhanga, tuhwere. Ku ndaabe ngwire, Mukama, onsaasire.

Nimbabuuza ekibuuzo. Kikabaruka n'okuhinda, eiraka eri ku ryagambire. Mwayetegyereize, ngu, obu obwo Bumanyiso Mushanju oburikukuratira obusingye munshanju bw'ekanisa, Akamanyiso k'Okubanza ku kaabambwirwe, ku haabaireho okuhinda? Akamanyiso k'Okubanza omu Kitabo ku kaabambwirwe, hakabaho okuhinda; mbwenu Akamanyiso k'Okubanza aka akari aheeru y'Ekitabo tikaraabambuurwe omu muringo nigwo gumwe? [Abateeraine baagira bati, "Amiina." -Omur.] Ruhanga tahindura puroguraamu Ye.

116 Reka tubikuure omu kitabo ky'Okushuururwa 6.

Bwanyima naareeba Omwana gw'entaama naabambuura akamanyiso kamwe ahari obwo mushanju, naahurira ekihangirwe kimwe ahari ebyo ebiine amagara ebina nikigamba n'eiraka nk'ery'okuhinda kw'enkuba, kiti: Ija.

Hati, tiharabaireho okuhinda okundi kwona. "Kandi Akamanyiso k'aha muheru ku kaabambwirwe, haabaho akaceceko omu Iguru okumara nk'ekicweka ky'eshaaha." Kwonka, Akamanyiso k'Okubanza ku kaabambwirwe, hakabaho okubaruka kw'okuhinda.

Oo, kanisa 'mwe, kikaabaasika? Twahika hare tutyo? Banywani, muteekateekye. Obundi. Ka nyesigye ngu tikwo kiri. Kwonka ku kyakuba kiri kwo? Okubaruka okwo kukaba kuri ki? Kandi omu maisho ga Ruhanga, na Baiburi egi ebiikwirwe, tindikubeiha. Okubaruka, okwatengyeitse ensi!

Kandi Akamanyiso k'Okubanza, kamwe ahari obwo mushanju obwabambwirwe omuri Baiburi, ku kaabambwirwe, Kamwe konka, kwonka okubaruka okwatengyeitse ekyo kintu kyona; okuhinda. Reero Obumanyiso oburi enyima ku buraabambuurwe, obwo tiharaabeho okuhinda, nabwo? Tindikumanya. Tinkaabaasa kugamba.

Hakabaho okuhinda, Akamanyiso k'Okubanza, kandi ako Kamanyiso kakaba kari ekirikuhinda. Enzamba ekabambuurwa obwire obwo. Kandi Enzamba ekateerwa ahari Pentekoote, hataraho kubanganisa. Tindikuza kukitaahamu ekyo.

117 Hati, okwarekwa okwo ku kuraabe kwabaire kuri okw'Ebyahandiikirwe; okwarekwa oku ndikugambaho, oku naareebire omu kasheeshe k'Orwamukaaga oruhereerukire. Hahweireho saabiiti emwe, hati. Ku, hati mwijukye hanu, okwarekwa okwo ku kuraabe kwabaire kuri okw'Ebyahandiikirwe, nikuteekwa kushoboororwa n'Ebyahandiikirwe, nari okugumizamu kw'Ebyahandiikirwe nibyo bimwe. [Ow'eishe-emwe Branham yaahunamaho kakye -Omur.] Naasibamu kakye, nikwo ekyo kitaahemu. Ku . . .

Eki ndeebire eki, eki kibaire kiri, tindikumanya, kwonka nyine obwoba bwingi munonga. Tuhabire? Turi aha muheru? Mwijukye, Maraika ogu akagira ngu, eki ku kyabaireho, Yaarahira ati, "Tiharibaho kutuuraho bundi." Niinyebuuza eki ku turaabe nitukyetegyereza.

Noogira oti, "Mpaho, Nikireebeka nk'ekirikwija kubarukira se- . . ." Ow'eishe-emwe, Naija omu dakiika ei otarikuteekateeka. Noija Kukihurira omurundi gwawe gw'aha muheru.

118 Hati Kyayetegyerezibwa kurungi? Akamanyiso k'Okubanza ku kaabambwirwe, Obumanyiso obwabaire buri omunda y'ekyo Kitabo, enaama ezi ezaagambirwe: okwiwhaho orubanja, okwezibwa, ekanisa Enkatorika ya Rooma, Abapurotesitante! Kandi entaro zaabo nkye zonna n'ebindi ku zaatsigireho ebintu ebi ebiteegyesiibwe gye omu Kigambo kya Ruhanga, maraika owa mushanju naija abishorooza byona kandi abishoboorora. Mwareeba? Reero, naamara, Ebirikuhinda Mushanju nibigamba.

Yohaana ku yaatandikire kuhandiika; rikagira riti, "Otabihandiika. Kureka, Bikome n'akamanyiso."

"Kandi Akamanyiso k'Okubanza ku kaabambwirwe," aha Bumanyiso oburi omunda y'ekyo Kitabo, Kakabambuurwa n'okuhinda. Aha!

Eki ku kiraabe kiri Ekyahandiikirwe, nikibaasa kuba kwonka . . . Ekyahandiikirwe kyona ku kiraabe . . . Ekintu kyona ekishemereire kuba eky Baiburi . . .

Ni nk'oku, otarikubaasa kungambira ngu hariho ekintu nka "purigaatori" n'ebintu nk'ebyo. Tihariho Ekyahandiikirwe kyona omuri Baiburi ky'okugishagika.

119 Torikubaasa kungambira ebintu ebi, nk'ekitabo kya Makabbeo, nikibaasa kuba kitaine nshonga . . . "Kandi n'ekyo Kitabo kya kana kya Danieli, ahu Maraika yaamujakwire eishoke ry'aha mutwe, reero akagira ati . . . akamushutamisa ahansi." Tihariho ebintu nk'ebyo ebirabaireho omuri Baiburi na kakye. "Ahu Yesu owa Nazareesi yaakozire akanyonyi omu ibumba, akakataho amaguru, akagira ati, 'Hyuu! Guruka ogyende, kanyonyi 'we,'" n'obusHEMA. Tihariho ekintu kyona omuri Baiburi ky'okukishagika. N'ahab'ekyo tikirikubeihabeisha . . . Abo-abo bahinduzi, Ruhanga akakimanyisa ngu abahinduzi batabaasa nangwa n'okwongyeraho ebyo bigunjano n'obusHEMA. Nibabaasa kuba baabaire bariabantu barungi, beene Makabbeo abo. Bakaba bari barungi. Tindikugira ngu bakaba batari bantu barungi. Kwonka kikaba kitari eky'Ebyahandiikirwe.

Oku nikwo kushuururwa kwijwire kwa Yesu Kristo. "Tihaine ekintu kyona ekirikubaasa Kwongyeraho nari Okwiwhaho." Kandi ekyo ku turikukita omunda Omwo tikirikukwatanisa n'Ebyahandiikirwe ebinti. Hariho Ebitabo makumi mukaaga na mukaaga bya Baiburi egi, kandi tihariho Ekigambo na kimwe ekirikuhakanisa Ekindi.

120 Reero, eki ku kiraabe kiri okugumizamu, kw'okuteerwa kw'enzamba ezi ez'aha muheru, nari Ebirikuhinda Mushanju ebi eby'aha muheru ebirikwija, ezo naama, Obumanyiso bw'aha muheru, Nikiteekwa kuhayana, nimmanyisa kushoronga, n'Ebyahandiikirwe ebinti. Kandi Obwo obw'okubanza omunda omwo ku buraaabe bwabambwirwe n'okubaruka kw'okuhinda, Obwa kabiri nikwo buraaabe, nabwo, oburi enyima. Mureebe ekirikubaho. Okworekwa okwo ku kuraabe kuri okw'Ebyahandiikirwe, obwo nikuteekwa kushoboororwa n'Ebyahandiikirwe, nari okugumizamu kw'Ebyahandiikirwe nibyo bimwe.

121 Yetegyereze, Okushuururwa, 3 na 4, "Ebirikuhinda Mushanju." Ebirikuhinda Mushanju, kandi yetegyereze, 3 na 4, reero (niki?) okurahira kw'ogwo Maraika ow'amaani, ngu, "Obwire buhweireyo." Ebirikuhinda ebi, waareeba, ku byagambire, reero ogwo Maraika . . .

Iwe kiteekateekyeho! "Maraika, ayefubikire ekicu, n'omuhanganzima gw'endagaano guri ahaiguru y'omutwe Gwe." Ahabw'enki, Nimumumanya. "Yaata ekigyere kimwe aha nsi, n'aha nyanja, kandi yaimutsya omukono Gwe ahaiguru yaarahira, ngu, 'Ebirikuhinda Mushanju ku byagambire,' ngu, 'tiharibaho kutuuraho obundi.'"

Kandi obuheereza bw'enaama za Ruhanga ku buraaabe buhweire, mbwenu ku zaakuba ziri ezo naama mushanju ezirikwija? Kandi ekanisa nkye eyebundaarize nk'eyaitu, ei Ow'obushoboorozi bwona aizire kandi akareeba obucureezi bw'abantu Be! Noogira oti, "Oo, ekyo, tindikuteekateeka ngu nikwo kiri." Nikibaasa kuba kitari kwo. Kwonka shi ku kyakuba kiri kwo? Obwo obwire nibuba buhweireyo. Obaire waakiteekateekireho? Reka kuzaanazaana. Obwire nibubaasa kuba buhweireyo kukira oku turikuteekateeka.

122 Ezi nyonyoozi nizeeshorooreza omu kibiina kyazo enyima okwo! Maraika ogwo arikwija, reero akagira ati, "Nk'oku Yohaana yaatumirwe kumariiriza Endagaano Eya Ira n'okwanjura Kristo, Obutumwa nibwija kumariiriza ebicweka ebyatsigaire biteegyesiibwe gye kandi bwanjure Mesia hatsigaire akaire kakye Akaija, Obutumwa bw'ebiro by'aha mperu."

Yetegyereze, Maraika ow'amaani akarahira, n'endahiro, ngu, "Tiharibaho kutuuraho bundi."

Hati, tindikwenda kubakyerereza omwanya muraingwa munonga. Muteekateekye ahari eki akaanya kakye hati.

123 Hati muhurikize. Maraika ogu akashuuma naaruga omu Iguru. Mwareeba? Bariya abandi, baamaraka mushanju b'amakanisa mushanju, bakaba bari entumwa z'omu nsi. Kwonka Maraika ogu . . . Obutumwa bwona nibuhwa; maraika owa mushanju naamariiriza byona. Kandi Maraika ogu tarikwija omu nsi; Tari muntu w'omu nsi, nk'entumwa aha busingye bw'ekanisa; obwaherize kuhwa. Kureka, Maraika ogu naarangirira ekirikukurataho. Kandi maraika nikimanyisa "entumwa." Kandi Naashuuma naaruga omu Iguru ayefubikire egyo Nyomyo y'Omushana, Ekicu, n'omuhanganzima guri ahaiguru y'omutwe Gwe. Kandi omuhanganzima n'endagaano. Akaba

ari Kristo, "N'ekigyere kimwe aha nsi, n'ekindi aha nyanja, kandi yaarahira, ku, 'Hataribaho kutuuraho bundi.'"

124 Turahi, baasebo? Ebi byona nibimanyisa ki? Nimbabuuza.

Baamaraiaka bari abandi bakaba bari entumwa, abantu b'omu nsi. Kwonka Maraika ogu . . . Aba, abu yaagambiire ati, "Handiikira maraika w'ekanisa ey'omuri Laodikea," "Handiikira maraika w'ekanisa ey'omuri Efeso," n'entumwa z'omu nsi; mwareeba, abantu, entumwa, baanabi, n'abandi, aha kanisa.

Kwonka, Ogu tararugire omu nsi. Akashuumaa naaruga omu Iguru, ahabw'okuba enaama yoona ehweire. Kandi enaama egoy ku eraahwe, Maraika ogwo akagira ati, "Tiharibaho kutuuraho bundi," kandi Ebiruhinda Mushanju ebyo byagamba amaraka gaabyo.

Mbwenu shi ku kyakuba kiri ekintu ky'okutuma twamanya oku tushemereire kutaaha omu Kwikiriza kw'Okutwarwa? Nikyo? Tukairuka, tuguruka ebisiika? Hariho ekintu ekirikwenda kubaho, n'egi mibiri ekuzire, eshiishikaire, ey'ekibi neeza kuhindurwa? Ai Mukama, nimbaasa kutuuraho nkireeb? Kiri haihi munonga okuhitsya obu ndikwija kukireeba? Obu nibwo busingye? Baasebo, b'eishe-emwe bagyenzi bangye, ni bwire ki? Turahi?

125 Reka tureebe aha shaaha, karenda, tureebe ebiro ebi tutwiremu. Israeli eri omuri Palesitaini, omu nsi yaayo y'obutaaho. Egyo bendera, egoy nyonyoozi y'enshonda mukaaga ya Daudi, (emyaka enkumi ibiri ehweire, yee, haihi emyaka enkumi ibiri na magana ataano ehangwire), ebendera erikukirayo kuba eya ira munonga, neeyehuuba. Israeli egarukire omu nsi yaayo y'obutaaho. "Omutiini ku guritooka, obusingye obu tiburifa, tiburuhwaho, tiburuhwaho, ebyo bintu byona bitakabaireho."

Amahanga nigeecwamu ebicweka, Israeli neesisiimuka,

Obumanyiso obu baanabi baaragwireho;

Ebiro by'Abanyamahanga ebitsigaire ni bikye, n'ebirikutiinisa biijwiremu;

"Mugarukye, Yeimwe abataataine, owaanyu."

Ekiro ky'okucungurirwaho kiri haihi,

Abantu bahahahaire emitima ahabw'obwoba;

Mwijure Omwoyo, etabaaza zaanyu zishemeziibwe kandi ziri gye,

Mureebe ahaiguru, okucungurwa kwanyu kuri haihi!

Baanabi b'ebishuba nibabeisha, Amazima ga Ruhanga nibagahakanisa,

Ngu Yesu Kristo ogwo ti Ruhanga waitu.

Nimumanya ngu N'Amazima! Yee.

Kwonka nitwija kuraba ahu entumwa zaaribatsire.

Ahakuba ekiro ky'okucungurirwaho kiri haihi,

Abantu bahahahaire emitima ahabw'obwoba;

Mwijure Omwoyo, etabaaza zaanyu zishemeziibwe kandi ziri gye,

Mureeba ahaiguru, okucungurwa kwanyu kuri haihi!

126 Obwire nibubaasa kuba buri haihi okukira oku orikuteekateeka. Kintiiniise munonga. Oo, tinkakozire ekirikugasha. Turahi?

"Tiharibaho kutuuraho bundi." Naaranga ku obwire buhweireyo. Nihabaho ki? Nihabaho ki? Ekyo kikaaba kiri ekyo hati, b'eishe-emwe? Muteekateekye munonga. Ku kiraabe nikwo kiri, obwo piramidi efundikiirwe n'ebyo Biruhinda Mushanju.

Nimwijuka Obutumwa bwa piramidi? Nibwo eryo Ibaare ry'aha katungu. Bukakora ki? Omwoyo Orikwera akataho ekifundikizo aha muntu okwe kandi yaamutaho akamanyiso, ku twayongyeire aha kwikiriza kwaitu; okuhikiirira, n'okutiina Ruhanga, n'okwikiriza, n'ebindi, kandi twaguma nitwongyeraho okuhitsya obu twatungire ebantu mushanju. Kandi ekyo mushanju kikaba kiri rukundo, kandi ogwo ni Ruhanga. Okwo nikwo Akora omuntu okwe, akamutaho ekifundikizo kandi akamutaho n'akamanyiso k'Omwoyo Orikwera.

Reero, ekyo ku kiraabe kiri kityo, Aine obusingye mushanju bw'ekanisa, obu Agiriiremu enaama mushanju ezaaherize kuteererwa enzamba, kandi ezi barwaniire, kugarura. Kandi hati Eibaare ry'aha katungu riija, kufundikira Ekanisa. Ebiruhinda nibimanyisa ekyo, b'eishe-emwe? Baasebo, aho niho turi?

127 Junie, niinyenda kugamba aha kirooto kyawe. Reeba. Junior, piramidi egoy etakabuuriirwe, ameezi maingi kitakabaireho, akareeba ekirrooto eki.

Noogira oti, "Ekirrooto kirimu ki?"

Nebukadeneeza akaroota ekirrooto eki Danieli yaashoboroire, ekyagambire okutandika kw'obusingye bw'Abanyamahanga kandi n'oku burihwaho. Kandi nikwo kyabaire buzima. Tihaine ekyaremire kubaho.

Nooreeba? Ebihandiiko ebi . . . ebyabaire biri aha nkiri, nkaba Nimbibashoboororera. Bakaba bashemereirwe munonga. Ego "n'enaama ya Ruhanga" etareetegyerezibwe, okumara emyaka mungi. Ekyo kikaaba kiri ekyo?

Kandi yetegyereze. Omu muringo ogurikutangaaza, tukakwata, okuruga omu mwanya, ekyoma kiine obwogi ekyaihireho ekyo kifundikizo. Kandi omunda omwo hakaba harimu eibaare erirkwera erigumire munonga, kwonka Tikirashoboroirwe. Hakaba hatariho enyuguta. Ekyo tindakishoboroire, Junior. Nkakihanga amaisho kwonka, reero naagambira ab'eishe-emwe nti, "Eki mukihangye amaisho." Kandi ekyo kyahikiirira, ekirrooto eki.

Kandi ku baabaire nibakyetegyereza Ekyo, nkashoobooka naatoora oburengyerwa-izooba. Kukora ki? Obundi kwetegyereza enhoboorora y'ebihandiikirwe aha mutwe gw'Eki. Kikaaba eki?

128 Kandi Ebyo, ebyabarukire, akasheeshe kari, ebyantengyeitse kuhitsya obu naaterukire nkaza omu mwanya, nk'obureingwa bw'ekyombeko eki, ekyo kibiina kya Baamaraika, Baamaraika mushanju omu nshusha ya piramidi. Ebyo nibyo Birkuhinda ebirikwija? Bikaaba byo?

Ebi byona bikashoboororwa. Okurugiirira aha kirooto kye, byona bikahwa. Okurugiirira aha Kigambo kya Ruhanga, entumwa ya mushanju neija kumariiriza, Obutumwa bwa mushanju nibwija kuhwa, reero bwanyima ebyo Birkuhinda Mushanju. Kandi akareeba eibaare ry'aha katungu Niriihwaho.

Eki, abantu baangi nangwa tibarikumanya ngu hariho n'Obumanyiso Mushanju bw'okushuururwa. Nshomire ebitabo by'abantu baangi aha Kushuururwa, tinkahuriraga Nibugambwaho. Obwo nibabuguruka. Kwonka imwe mwakigambiirwe ku Buriho.

Tindikumanya eki kiri. Kikaaba kiri ekyo? Ruhanga atugirire embabazi! Ku kiraabe kiri ekyo, turi omu shaaha mbi munonga.

129 Hati, akaanya kakye konka, mureebe. Ku kiraabe kiri ekyo, obwo egoy naama ehweire, eyaahandiikirwe omuri ezi nkiri.

Nshemereirwe kuba nshutami omu kanisa n'abantu abarikukunda Ruhanga abu Ruhanga arikubaasa kuha ebirooto. Ninshemererwa kubanjurira abashajja aba n'abakazi abarikushomera omu kanisa ya Junior, omu kanisa egi, n'omu ya Neville, n'abandi, ngu hariho abantu abashutami omu bateeraine aba, kandi Baiburi neegira ngu, "Baryaroota ebirooto omu biro by'aha muheru." Mbwenu nkiki hanu. Mukireebe, nikishoronga n'Ekgambo.

Ntaine eki ndikukimanyaho kyona, hakabaho okubaruka, reero haija Baamaraika Mushanju okuruga omu Butahwaho. Naagira nti, "Mukama, nooyenda ngu nkore ki?" Tindakigambiirwe. Okubanza, nimbaasa kugyenda, kucondooza. Tindikumanya. Nikibaasa nangwa n'okutaba ekyo. Tindikumanya. Ningamba kwonka nti, "Mbwenu ku kyakuba kiri kyo?" Ku kiraabe kiri ekyo? Ebyahandiikirwe, ekyo nikihurirwa kiri haihi munonga nakyo. Tikwo? [Abateeraine baagira bat, "Amiina." -Omur.]

130 Ranzya. N'ahabw'ekyo, reeba, eryo ibaare ry'aha katungu tirirashoboroirwe. Mwareeba? "Za burengyerwa-izooba, kandi ogarukye." Nari, nikyo eki, ni Baamaraika aba mushanju omu kibiina eki abaizire ahariinye?

Kandi ku ndibabugana aha Izooba ry'okuzooka, muryareeba ku ntarikubeiha; Ruhanga, n'Omuramuzi wangye.

Nari, oku ni kuriya kumariira kwa kabiri oku naagambireho ekirrooto kiri? N'ekintu ekirikwija ahawb'Ekanisa? Tindikumanya. Ekyo nimbaasa kukigumaho kakye, kwonka ka ngumizemu omu maisho.

Nikibaasa kuba ekyo, okwo kuhinda kw'amaani, nari Maraika owa mushanju omuri abo mushanju, omuri ekyo kibiina ky'obwire bwa mushanju, piramidi yaabo ekozirwe omu nshusha ya (bashatu buri rubaju, kandi omwe aha mutwe), kandi bakashuuma nibaruga omu Butahwaho? Kikaabaasa kuba ekyo?

Egi niyo egoy naama, y'Ebirkuhinda, eraagarure Eibaare ry'aha katungu?

131 Nimumanya, egoy piramidi terateirweho kifundikizo na kakye. Eibaare ry'aha katungu tirikaizire. Rikangwa. Nikibaasa kuba ekyo, b'eishe-emwe, ab'eishe-emwekazi?

Nari, oku ni kuriya Kukurura kwa Kashatu oku Yangambiire, emyaka eshatu nari ena ehangwire?

Okukurura kw'Okubanza, nimwijuka ekyabaireho? Nkagyezaho Kukushoboorora. Yaagira ati, "Otakikora."

Okukurura kwa Kabiri, Yaagira ati, "Otagyezaho." Kwonka nkakurura, oku biri kwona. Nimwijuka? [Abateeraine baagira bat, "Eego." -Omur.] Mwena nimwijuka. Kiri aha rutambi rw'amaraka na buri kintu.

Reero Yaagira ati, "Hati hariho Okukurura kwa Kashatu okurikwija, kwonka otagyezaho Kukushoboorora." Nimureeba oku Eki naakireeta, ekiro eki? Tindikumanya. Kwonka, nimpurira ningyemwa, aha kanisa yangye, kugira eki naagamba. Imwe nimwecweramu mwenka.

132 Hati, egi neija kuba enaama eraabambuurwe, ekareeta Kristo, ekareeta Amaani omu Kanisa? Mwareeba? Twaherize . . .

Nitwikiririza omu kweteisa, n'okubatizibwa omu Izina rya Yesu Kristo. Nitwikiririza omu kuheebwa Omwoyo Orikwera. Twine obumanyiso, eby'okutangaaza, eby'amahano, kugamba endimi, kandi n'ebintu ebi Ekanisa y'okubanza yaabaire eine. Kandi, omu mazima, hariho bingi munonga ebikozirwe, hanu hanu, okukira ebihandiikirwe omu Kitabo ky'Ebyakozirwe, omu kibiina kimwe eki kikye ky'abantu, omu buheereza obu bukye munonga bwaitu hanu. Mbwenu shi kiri kita omu nsi yoona? Mwareeba? Nibikira ebihandiikirwe omu Kitabo ky'Ebyakozirwe, ebirkushushana nabyo! Okuzoorwa kw'abafu! Mwijkye, hakabaho nk'abantu bashatu bonka abu Yesu Kristo yaazoire omu bafu. Kwonka itwe twine ebihandiiko, ebihandiiko bya Baadokita, bataano abazoirwe. Mwareeba?

"Emirimo ei Nkora, naimwe muryakora erikukira egi obwingi."

133 Nimmanya eya King James neegira ngu "erikukiraho obuhango," kwonka torikubaasa kukora erikukiraho obuhango. Erikukiraho obwingi! Akaba ari omu Muntu omwe obwire obwo; Ari omu Kanisa yoona hati. Mwareeba? "Muryakora erikukira egi obwingi, ahabw'okuba Ningyenda ahari Tata."

Oku ku kuraabe kuri Okukurura kwa Kashatu, obwo hariho obuheereza bukuru oburi omumaisho. Tindikumanya. Tinkaagamba. Ti-Tindikumanya.

Mureebe. Okukurura kwa Kashatu, reka twemerere ahari ekyo, akaanye kakye. Omuri okwo kworekwa, okuguruka kw'okubanza kukaba kuri obunyonyi bukye entumwa; obwo n'obu twatandika. Kikakura, kuruga aha kukwata omukono gw'omuntu kwonka.

Kandi nimwijuka eki Yangambiire? "Ku oraabe omwesigwa, obwire nibwija kuhika omanye buzima n'ebisherekirwe omu mitima yaabo." Ni bangahi abarikwijuka ekyo nikirangirirwa hanu, n'omu mahanga goona? [Abateeraine baagira bat, "Amiina. Omur."] Kikabaho? ["Amiina."] Buzima. Bwanyima Yaagira ati, "Otatiina. Ndyaba ndi hamwe naiwe." Mwareeba? Kandi nikiza kugumizamu.

134 Hati, Okukurura kw'Okubanza bukaba buri, obunyonyi bukye, munonga; okwo kuguruka. Bukagumizamu bwaza kubugana obwire, kubugana Okwija kwa Mukama; Obutumwa bw'okubanza.

Omurundi gwa kabiri, ebisherekirwe omu mitima. Kuruga aha kukwata omukono gw'omuntu, n'okwemerera aho kwonka nkagamba ebi baabaire baine; obwire obwakuratsireho, kukashuuura ebibi byabo kandi baagambirwa eky'okukora. Kandi ma- . . . Nikwo kiri? [Abateeraine baagira bat, "Amiina." -Omur.] Bwanyima, ekyo kikabaho, kurungi munonga, nk'oku Ruhanga yaakigambre. Naimwe muri baakareebi, hamwe n'ensi, n'ekanisa.

Ku naagizire nti, "Ndeebire Maraika, kandi Abaire ari Omuriro gwa simaragido, ogurikwaka"; abantu bakasheka baagira bat, "Billy, obaire ki." Eriisho eririkutangaaza rya kamera ya sayansa Rikamuteera ekishushani. Nkaba ntarikubeiha. Nkaba ningamba Amazima. Ruhanga akakihamyia.

Nkagira nti, "Omwirima gusangiire; ni rufu, okwigragura. Kwonka Eki kyo nikyera. Kimwe n'Amagara; ekindi ni rufu." Mbwenu Ngugwo aho, omu kishushani enyima hari. Aha . . .

Nk'oku George J. Lacy-Lacy yaagambire, "Eriisho ry'ekyoma rya kamera egi tirikaateera ebiteekateeko ekishushani." Nimuunyetegyereza? [Abateeraine baagira bat, "Amiina." -Omur.]

135 Yetegyereze, okuguruka kukye kw'okubanza; omukono. Okwa kabiri kukaba nikukiraho, nikwera munonga, enkombe; Omwoyo Orikwera naashuuura ebisherekirwe omu mutima. Kandi okuguruka kwa kashatu bakaba bari Baamarai (zitari nyonyi), Baamarai; kandi obwo n'obwire bw'aha muheru, nibyo ebyo byonka. Obu nibwo bwire obwo, ow'eishe-emwe? Obu nibwo bwire?

Hati muhurikize mutaireho omutima, kandi eki mutakyetegyereza kubi. Niinyenda kubabuza ekintu.

Reka tugarukye enyima nk'edakiika. Ekanisa neemanya ngu n'amazima. Ensi ya sayansa neemanya ngu n'amazima. Kandi abantu bashutami hanu, ekiro eki, kandi baingi bakiri abahuriire, abaabaire beemereire hanu aha mugyera obu eryo Eiraka ryakigambre butunu, rikagira riti, "Nk'oku Yohaana yaatumirwe n'obutumwa bw'okwija kw'okubanza, nikwo n'obu buri Obutumwa bwa kabiri, bw'okwija kwa Kabiri." Nimwijuka? [Abateeraine baagira bat, "Amiina." -Omur.]

Kandi ku Buraabe buhweire, Yohaana akakora ki? Yohaana niwe yaagambire ati, "Reeba, ngugwo Omwana gw'entama wa Ruhanga orikwi haho ekibi ky'ensi. Niwe Ogwo."

136 Egyo shaaha, yaahika, b'eishe-emwe bagyenzi bangye? Tindikugira ngu yaahika. Tindikumanya. Kwonka,

nimbabuuza. Niinyenda ngu muteekateekye. Nari, obu nibwo obwire obu kiraagarukye kikabaho ngu, "Reeba Omwana gw'Entaama wa Ruhanga"?

Nari, obwire bwa Malaki 4, "Kugarura emitima y'abaana ekagaruka aha Kwikiriza kw'abazaire baiyu"? Nikwija kuba okubaruka okuraije-okuraije kukora ebintu bikuru munonga, okuhitsya obu kuraatebeekanise Ekanisa, etwire eri etyo etyo kandi etarikubaasa kwetegyereza enaama za Ruhanga, n'ebindi? Ku baraareebe okwo kubaruka kw'amaani nikubuga hoona, nikija kuhindura emitima yaabo bagarukane na Ishe, nk'oku Baiburi yaagambire ngu nikwo kiriba? Nari, obu n'obwo Butumwa, obwahingwire, obwakubaire bushemereire kukikora? Tindikumanya.

137 Aka niko kamanyiso k'obwire bw'aha muheru, baasebo. Nari, aka niko kamanyiso ngu ebintu bihweire? Nikireebeka kiri eky'Ebyahandiikirwe munonga, ahariinye. Tindikumanya. Hakaba hariho Baamaraika abo. Haabaho okubaruka, nk'okuhinda, okwatengyeitse ensi yoona. Ruhanga naamanya ngu ningamba amazima.

Mwijukye, hariho ekintu ekirikwenda kubaho. Tindikumanya. Kwonka kikaabaasa kuba eki? Enshonga erikutuma naagamba eki, mweteekateekye! Ka tushabe, (tushabe tuta?) tuze omu myanya yaitu omu ihe ry'abaikiriza Be, reero tweteekateekye, ahaw'okuba obwire nibubaasa kuba buhweireyo okukira oku turikuteekateeka.

Niumumanya, kandi tinkabagambiraga ekishuba, na hati, nk'oku ndikumanya. Kandi nk'oku Samueli yaabagizire ati, "Ndabagambiire ekintu kyona, omu Iziina rya Mukama, kitabe kwo?" Hati, nimbagambira hati. Eki tindikumanya eki kiri. Eki tindikubaasa kugamba eki kiri. Tindikumanya. Kwonka, naaza kubagambira Amazima. Nyine obwoba. Nk'ow'eishe-emwe mugyenzi waanyu, ngumire nyine obwoba okwiha Orwamukaaga oruhereerukire.

138 Nibubaasa kuba buri obwire bw'aha muheru. Nibubaasa kuba buri obwire bw'emihanganzima kuraba omu kaabunga, bwanyima okurangirira okurikuruga omu iguru, nikugira kuti, "Obwire buhweireyo." Ku kiraabe kiri kyo, reka tweteekateekye, banywani, kubugana Ruhanga waitu. Hariho Eby'okurya bingi munonga ebibiikirwe hati. Reka Tubiry. Reka Tubiry hati. Kandi naanye, aha kituuti eki, nintakira Ruhanga nti, "Mukama Yesu, ngirira embabazi!" Ngyerizeho kutuura kurungi nk'oku ndikumanya. Ngyerizeho kureeta Obutumwa omu muringo murungi munonga nk'oku ndikubaasa, okuruga omu Kigambo kya Ruhanga. Ruhanga naamanya omutima gwangye.

Kwonka, ekyo kibiina kya Baamaraika ku kyaizire aho n'obwira bwingi, nkashanyarara. Tindabaasize n'okukwata aha kintu nkakihurira, okumara obwire burasingwa. Nangwa nkahurira nooshusha oti, ahanyima y'obwire bwingi obwakuratsireho, ningyezaho kugyendagyenda omu kishengye, nangwa n'okutandikira omu rutu rw'omugongo gwangye, n'omu bitsya byangye hoona, hakaba hashanyarariire kimwe, batyo, ntarikubaasa kukwata ekintu nkakihurira. Nkaba nshanyaraire, emikono yangye. Nkaba ndi omu kushobangirirwa, eizooba ryona. Nka-nkafa kutaaha omu kishengye naashutama.

139 Sande, nkaija hanu kugamba, kandi nka-nkagyezaho kukyeihamu, okurabira omu kugamba. Orw'okubanza, kikagaruka omurundi ogundi. Kandi kiri hanu hati.

Tindikumanya. Tindikumanya, baasebo. Ndi omwesiga kwonka, ahariimwe, nk'ab'eishe-emwe bagyenzi bangye. Tindikumanya. Nibwo-nibwo bwire? Obuhere- . . . enaama yoona ehweire? Okuteera enzamba kuhweire? Ebyo buzima n'ebyo Birikuhinda Mushanju, ebirikweteekateeka kugamba ekintu, nikwo ekyo kibiina kikye ekiteeraniire hamwe kitungye Okwikiriza kw'Okutwarwa, kize omu Kutwarwa ku Araije? "Ahabw'okuba turyahindurwa," ahonaaho nk'oku Baamaraika abo baizire, "omu kaanya kakye, nk'ak'okuhumbya eriisho; kandi turyatwarwa n'abo abaagwejegyeire, kubugana Mukama omu kaabunga."

Okushaba gwangye ni:

Ruhanga, eki ku kiraabe kiri kyo, tindikumanya, Mukama. Naaba ningambira ekanisa kwonka. Ku kiraabe kiri kyo, Mukama, tebeekanisa emitima yaitu. Tutebeekanise, Mukama, ahaw'egyo shaaha nkuru. Ei, ebyafaayo byona by'obwire, baanabi boona n'abanyabwengye baatwire bategyereize obwire obwo. Mukama, tindikumanya eky'okugamba. Nkaagira obwoba kugira nti, "Otaja, Mukama." Nimpurira nyine enshoni, ku ndikuranzya kandi nkareeba ensi eri omu mbeera egi, tiinyine ky'amaani eki nkozire ekirikukira eki naakukozire ahari ekyo. Nyine enshoni. Ku haraabe hariho nyencakare, Mukama, shuka omutima gwangye amajuta. Nshukaho amajuta agarikukiraho obwingi, Taata, nikwo mbaase kukora buri kintu eki ndikubaasa, kureeta abandi Ahariiwe. Ndi Owaawe.

140 Niinyehurira nka Isaaya, omuri hekalu ekiro ekyo, obu yaareeba Baamaraika nibaguruka nibakanga oku n'oku, n'amapapa gashwekire ahamaisho Gaabo, n'aha bigyere Byabo, kandi nibaguruka n'amapapa nibagira bat, "Orikwera, orikwera, orikwera!" Oo, nabi muto ogwo ka yaatetemire. Akatandika kukura kakye. Kandi ku yaareebire ekyo, n'obu araabe areebire okworekwa kwingi, akaamuza ati, "Ai bambe!"

Taata, obundi nkeehuriira nka batyo, obu ndeebire Baamaraika abo ekiro kiri, nari akasheeshe kari, nimmanyisa. Ai bambe, ahakuba ndi omuntu w'eminwa etashemeire, kandi ntuura omu bantu abatashemeire. Mbwenu, Taata, nshemeza.

Mbwenu ndi aha. Ntuma, Mukama, kyona eki kyakuba kiri. Kandi nyemereire aha kituuti eki ahu mazire emyaka makuma ashatu. Ku haraabe hariho ekintu, Mukama, eki Orikwenda ngu nkore, ndi aha. Nyeteekateekire, Mukama. Kwonka, nkaabaasibwaki ngirirwa embabazi omu maisho Gaawe. Ninshaba, n'obucureezi.

Ninshabira obusyo bukye obu Omwoyo Orikwera yampindwire omureeberezi waabwo, kubugaburira. Kandi nkozire kyona eki ndikumanya kukora, Mukama, kubugaburira Omugaati gw'Amagara. Nk'omuri okwo kworekwa, emyaka mingi ehwiringire, ahu orwo rutimbe ruhango rwabaire ruri Oburengyerwa-izooba, n'orushozi rw'Omugaati gw'Amagara; ako katabo kakye, "Tindagomeire kworekwa okwo okw'Omuguru." Mbwenu hanu byona byahikiirira, byashuuuruwa hanu hanu omu maisho gaitu.

141 Ori Ruhanga, kandi tihariho ondi kureka Iwe. Twakiire, Mukama. Tusaasire ebibi byaitu. Niinyeteisa obutaikiriza bwangye bwona, n'okutahikiirira kwangye kwona. Nintakira aha itambiro rya Ruhanga.

Nk'oku naija ekiro eki, n'ekanisa egi nkye eri omu maisho gangye, ahabw'okwikiriza nituruga omu kyombeko eki, omu kushemererwa kwingi, "tushutami hamwe omu myanya y'omuguru," twehinguririize Ekitebe kya Ruhanga eky'obukama. Emitima yaitu eshashaanukire emirundi mingi, ahabw'ebintu ebi tureebire Nookora, kandi n'okutushuururira enaama Zaawe. Kwonka, Mukama, ekiro eki, nduhiire kimwe. Ai bambe!

Kandi-kandi Yakobo, ku yaareebire Baamaraike abo nibatemburukira aha matembero kandi nibagarukayo, akagira ati, "Ogu n'omwanya ogurikutiinisa, ti kindi kureka n'enju ya Ruhanga." Reero Beseeli yaayombekwa aho.

Ruhanga, ekyo abantu tibarikukyetyegyereza. Nibateekateeka ngu nikuba kuri okushemererwa kwingi. Kwonka, Mukama, ka n'ekirkurusya, ka n'ekintu ekirkutiinisa omuntu kwija omu Kubaho kw'Ekihangirwe kikuru ky'omuguru, ky'obushoboorozi.

Ninshabira ekanisa yangye nkye hanu okusaasirwa, ei Wantumireho kwe-kwe-kwe-kwebembera n'okuhabura. Bahe omugisha, Mukama. Nkozire nk'oku okworekwa n'ebirooto n'ebintu bigambre, ntyo, nk'oku ndikumanya buzima. Mbiikire Eby'okurya byona oku ndikumanya, ahabwabo, Mukama. N'obu kyakuba ki, Mukama, turi Abaawe. Nitwehayo omu mikono Yaawe, Mukama. Tugirire embabazi. Tusaasire. Kandi ka tube baakareebi Baawe obwire bwona obu turimara omu nsi. Bwanyima, amagara aga ku garihwaho, otwakiire omu Bukama Bwawe. Ahabw'okuba nitukishaba omu Iziina rya Yesu. Amiina.

142 Buri omwe omuriimwe, shemeza omutima gwawe gwona. Juura, ebirikukuremeera byona, byeyiheho. Otaikiriza ekintu kyona kukuteganisa. Otagira obwoba. Tihariho ekintu kyona eki oshemereire kutiina. Yesu ku araabe naija, n'eki . . . N'obwire obu ensi yoona etuura neeririra kandi neetsindira. Ku kiraabe kiri ekintu ekirikwija hati, ahabw'o-okwija kusya, okwija kusya kw'ekiconco kisya nari ekintu nanka, nikija kuba kirungi munonga. Obwire ku buraaabe buhikire obu okushuururwa kw'Ebirikuhinda Mushanju biraashuururirwe Ekanisa, oku eraagyende, tindikumanya. Naagamba ebi naareebire kwonka. Oo, mugyenzi, ka n'obwire! Ni kikuru kandi n'eky'okuteekahao munonga.

Kandi ku buraaabe buri obwire bwangye bw'okugyenda, ndi owaawe . . . Mukama, ndi Owaawe. Ku Oraabe oherize, ija, Mukama Yesu.

N'obu haakuba nkahi, kandi n'obu bwakuba obwire ki, ndi Owe. Tindikugira ngu niinyetenga kugyenda; tindikukyetyenga. Nyine eka y'okureeberera. Nyine Engiri y'okubuurira. Kwonka, ekyo n'okukunda Kwe, ti kwangye. Okwo n'okukunda Kwe. Tindikumanya.

Nimbagambira kwonka eki kiri. N'obu kyakuba ki, Ruhanga naija kukihikiiriza. Kwonka nimbagambira eki ndeebire kandi n'ekibaireho. Eki kibaire nikimanya, tindikumanya. Kwonka, baasebo, ogu nigubaasa kuba omuheru? Aha!

143 Abantu abo bariho hati, abo bantu mukaaga abaarootsire ebyo birooto. T'eky'okutangaaza ngu tibirabaire mushanju? T'eky'okutangaaza munonga? Ebyo mukaaga bikakuratana, bwanyima okwo kworekwa, ahonaaho. Abo bantu bari hanu. Ow'eishe-emwe Jackson, hanu, n'omwe; Ow'eishe-emwe Parnell n'ondijo; Ow'eishe-emwekazi Collins n'ondijo; Ow'eishe-emwekazi Steffy n'ondijo; Ow'eishe-emwe Roberson n'ondijo; n'Ow'eishe-emwe Beeler nawe n'ondijo. Kandi Tata ow'omuguru naamanya ngu tiharabaireho kindi kirooto ekyabaire kikikwatsireho. Kandi aha muheru gw'ebyo, ekyabaire kiri eky'Ow'eishe-emwekazi Steffy, ahonaaho okworekwa kwaija. Nimureeba? Nimureeba ahabw'enki ningyenda? Nimureeba ahabw'enki kirikunyaagisa kugyenda? Nintekwa kukikora.

Kandi, banywani, murekye kungumyaho amaisho. Ndi ow'eishe-emwe mugyenzi waanyu. Murekye kuntaho omutima, ahabw'okuba ndi omuntu-buntu. Nintekwa kufa nk'ondijo muntu weena. Murekye kumpurikiza; kureka muhurikize ebi naagamba. Ebi ngambire n'Obutumwa. Mutata omutima aha ntumwa; mureeba Obutumwa. Amaisho mugagumye, atari aha ntumwa, kureka aha Butumwa. Eki Bugambire, ekyo nikyo kintu ky'okureeba.

Kandi Ruhanga otuhwere, nikwo kushaba kwangye.

144 Niinyanga . . . Mbaire ntarikwenda kwija, kubagambira ebi, kwonka tinkaabashereka ekintu kyona.

Hati, nk'oku ndikumanya, ka mbagambire. Nk'oku ndikumanya, niinyija kuba ningyenda omu biro bibiri nari

bishatu ebirikwija, Orwakashatu omu kasheeshe, aha . . . ninza Tucson. Tindikuza Tucson kubuurira. Tindikuzayo kubuurira. Ninja Tucson, kuta eka yangye omu ishomero, bwanyima mpindukye omugyenzi.

Ningyenda Phoenix, kugirayo ezo nteerane nkye ezikurataine, obundi nibwija kuba Obutumwa bukye hanu na hari. Re-reero, obundi, tindi . . .

Nintekateeka ngu nibenda ngu mbuurire omu ruteerano ekiro kimwe. Tihaine eki bakigambireho kyona, bafiire kugira ngu niinyija kubayo. Mwareeba, ekyo tikirikureebeka kurungi munonga, ahariinye.

Kandi nyine ekigambo, OKU NIKWO MUKAMA ARIKUGIRA, aha W'eishe-emwe Shakarian, nawe. Ahaa. Tindikumanya eki araakikorere, kwonka nyine ekigambo ky'okumugambira. Tindikumanya eki araakore. Kiri ahariwe.

145 Mureebire orupapura rw'amahurire oruhereerukire orwa Voice? T'eshemereire kuba eri ekibiina ky'ediini, kwonka barangire enyikiriza yaabo. Ekibiina ky'ediini, obwo ninza kubeetantara. Ebyo nkabirugamu.

Hati, nintekateeka, Ow'eishe-emwe Arganbright n'Ow'eishe-emwe Role, omujwekyerwa w'eihanga omu rindi ihanga okwo Washington ahansi ya Baapurezidenti mushanju, nibateekwa kuba omuri Afrika. Reero nyowe, n'Ow'eishe-emwe Role, n'Ow'eishe-emwe Arganbright, nitwija kuba nituza omuri Afrika ahonaaho, ababw'enteerane okwo omuri South Africa na Tanganyika, n'Ow'eishe-emwe Boze. Kandi n'okugumizamu eifo okwo, kandi obundi okuhika omuri Australia, n'okurabira okwo, turikugaruka, Mukama ku araabe atakozire ekintu ekihindukireho. Kwonka, ntakagyenzire, ninza kugaruka hanu.

Bwanyima, ku ndaagarukye naaruga okwo, Ruhanga ku araabe atakagambire naanye, omu muringo ogundi gwona, ninza kutwara eka yangye nze haihi na Anchorage, Alaska. Oku n'oburengyerwa-izooba bw'omu mashuumma; okwo nihaija kuba hari oburengyerwa-izooba bw'omu matemba. Reero mbarekye bagumeyo omu bunaku bw'ekyanda bwona, obu harikuba nihootsyu munonga eifo omuri Tucson okuhitsya obu harikukwotsya oruhu rukakurugaho. Tindikuteekateeka ngu bakaakigumisiriza. Bakaaba baine orushusho rwingi rw'okutaaha kandi baine enaku! Titurikuguza ogwo mwanya. Nigugumaho buzima, n'ebibeizirwe by'okukoresa omu nju. Tindikumanya eky'okukora.

146 Reero, obwire bw'ekyanda ku buraaahwe, Mukama ku araasiime, niinyenda kuruga Alaska, nshuume nze haihi na Denver, oburengyerwa-izooba bwa rwagati; oburengyerwa-izooba bw'omu mashuumma, oburengyerwa-izooba bw'omu matemba, oburengyerwa-izooba bwa rwagati, nintaka nti, "Ai Mukama, Nooyenda ngu nkore ki?"

Obwa hati, Obutumwa bwona, oku ndikumanya, obw'okubuurirwa, nibwija kubuurirwa hanu hanu, omuri tabirinaakuru egi. Hanu niho entambi z'amaraka zirkwija kuba. Hanu niho ahakuru.

Kandi tiinyine ekigyendererwa ky'okutuura Burengyerwa-izooba, n'eka yangye. Naaza kusherura okuhitsya obu ndaamanye eki Ruhanga arikwenda ngu nkore.

Omwaka ogu ku ndaabe ntakimanyire, obwo, omwaka ogurikwija, ntaine amaizi nari eby'okurya, niinyija kugyenda okwo omu ihamba, reero ntegyereze okuhitsya obu Araanyete. Tinkaabaasa kugumizamu nti. Nooteekwa kusherura n'omutima gwona. Nooteekwa kuhika ahu orikwenda kumanya eki Ruhanga akunda. Mbwenu noobaasa ota kukora eki akunda ku oraabe otarikukimanya?

Ninsherura, ekitumire okwo kworekwa kwabaho, "Eki waakozire." Mwareeba? Ningyenda oku n'oku nk'omumiishani kandi nimbuurira engiri, okuhitsya obu ndahurire okwo kweta. Nimwijuka okw'okubanza, obu twataho eryo ibaare ry'obuhamizo bw'enju? "Kora omurimo gw'omubuurizi w'engiri," nikwo Yaagambre. Taragizire ati, "Ori omubuurizi w'engiri." Kureka, "Kora omurimo gwe," shana okuhitsya obu obwire buraaahikye bw'ekindi kintu, okundi kuhinduka kw'omurimo. Nikibaasa kuba ekindi kintu ky'omutaano. Tindikumanya.

147 Nimumukunda? [Abateeraine baagira bat, "Amiina." -Omur.] Ekyo mukihamize kimwe buzima. Mukihamize kimwe buzima, abo abarikukunda Mukama.

Abo abategyereza Mukama, baryagarukwamu amaani,

Batumbikye ahaiguru n'amapapa nk'empungu,

Baryairuka tibariruha, baryagyenda tibarigwa nshazi.

Oo, nyegyesa, Mukama, nyegyesa, Mukama, kutegyereza.

Nimmukunda. Nimmanya ngu naimwe, Nimumukunda. Hati, nyencakare ekiro . . .

Nintekateeka ngu naakishoboorora gye munonga. Tikwo? [Abateeraine baagira bat, "Amiina." -Omur.] Kurungi munonga nk'oku ndikumanya kukishoboorora, ekyo kyonka nikyo ndikumanya. Ekyo kyonka nikyo ndikumanya ky'okugamba. Kandi ku ndakishuuuirwe, n'ekintu nanka, ahonaaho niinyija kubagambira. Nimmanya ngu mwine ekihika, ky'okumanya. Nyine ekihika, ky'okumanya. Tindikumanya eki kibaire nikimanyisa. Tindikumanya ahu-ahu ndikuza. Ti-tindikumanya ekirikwenda kubaho. Ni-ni . . . Ekintu kyonka eki ndikumanya, ninfa kugyenda, ababw'embabazi za Ruhanga. Reero, Naija kungambira ku ndaahikyeyo, obundi.

Kwonka, ekyangye hati, n'okugyenda. Kandi nimbaasa okutamarayo saabiiti ibiri, ntakagiire ahandi hantu, kandi nabwo nimbaasa kuba naagarukire hanu. Ekyo kihikire. Tindikumanya. Kwonka ni . . .

Okworekwa okwo kubaire kurimu omukazi wangye n'abaana bangye. Kandi ekintu kyonyini eki kibaire kiri ni ngu, mbaire ndi omu kigaari ekishwekirwe. Kandi edakiika ei naataahiremu, hakaba harimu, nkaba ndi omu motoka yangye mpango. Kandi okwo nikwo turaagyende, omu biro bikye, tutarikumanya ei turikuza, tutarikumanya eki turaakore twahikayo, nitugyenda kusha.

148 Ruhanga n'ow'okutangaaza, ahariitwe, ahabw'okuba emihanda Ye erengire okumanya. Naayenda okworoba.

“Nooza hi?”

“Ekyo tikirikukukwataho. Gumizamu noogyenda kwonka.”

“Nooyenda nkore ki, Mukama?”

“Ekyo ti kyawe. Iwe, Nkurata.” Ahaa. Ahaa. “Gumizamu noogyenda kwonka.”

“Ningarukira hi?”

“Ekyo kikukwatiire ki? Gumizamu noogyenda kwonka.”

N'ahabw'ekyo, nyowe hati naagyenda, omu Iziina rya Yesu Kristo. Ahaa. Amiina.

Nimmukunda, Nimmukunda

Ahabw'okuba Akabanza kunkunda

Kandi yaagura okujunwa kwangye

Aha musharaba Gologosa.

Ni . . . (Niwe magara gangye.) Ni . . . (Byona ebi mbeereireho!)

Ahabw' okuba Akabanza kunkunda

Kandi yaagura okujunwa kwangye

Aha musharaba Gologosa.

Baasebo, obu nibwo bwire? [Ow'eishe-emwe Branham n'abateeraine baayeshongora babumbire eminwa ekicweka kyona ky'ekyeshongoro ekirkugarukirwa, hamwe, Nimmukunda -Omur.] Kandi twaba nitukyeshongora omurundi ogundi, kwata omu ngaro z'omuntu okuri aha rubaju. Ogire oti, “Ow'eishe-emwe, ow'eishe-mwekazi onshabire. Naanye ninza kukushabira.”

Ni . . .

[Ow'eishe-emwe Branham yaahinduka -Omur.] Onshabire, Ow'eishe-emwe Neville. [Ow'eishe-emwe Neville yaagira ati, “Ninza kukikora, ow'eishe-emwe. Naiwe onshabire, ow'eishe-emwe. Yebare.”] Muhamize kimwe! [Omuntu omwe yaagira ati, “Ruhanga akuhe omugisha, Ow'eishe-emwe Branham.”] Onshabire, ow'eishe-emwe. Onshabire, ow'eishe-emwekazi. Munshabire. [Ow'eishe-emwe Branham yaayeshongora abumbire eminwa Nimmukunda.]

Kandi yaagur- . . .

Mushabe, munshabire, . . . ? . . . Munshabire, . . . ? . . . Munshabire, . . . ? . . . Munshabire.

. . . aha musharaba Gologosa.

Ahakuba ni . . .

Reka hati twimutsye emikono yaitu Ahariwe.

. . . Nimmukunda . . . (Rukundo y'amazima!)

Habw'okuba, Akabanza kunkunda

Kandi yaagura okujunwa kwangye

Aha musharaba Gologosa.

Eego, Nimmukunda, . . . (N'omutima gwangye gwona!)

Kurataho, Ow'eishe-emwe Neville. Naagaruka enyima. Ranga ebiro by'oruteerano. [Ow'eishe-emwe Neville yaagumizamu naayeshongora n'abateeraine, Nimmukunda, bwanyima yaasiibuura saaviisi -Omur.]



[www.messagehub.info](http://www.messagehub.info)

Obutumwa obu bukabuurirwa  
**William Marrion Branham**  
“... omu biro by'eiraka ...” Kush 10:7